

**F.M. ANTONIJ  
CAPPELLI  
FRANCISCANI  
CONUENTUALIS DE  
COENA CHRISTI...**

---

Antonio Cappelli, Giovanni Battista  
Coccini





Ex Bibliotheca  
majori Coll. Rom.  
Societ. Jesu

63-2-~~47~~ 63 63  
F F  
49 10







F. M.  
ANTONII CAPPELLI  
FRANCISCA NI  
CONVENTVALIS

De Coena Christi suprema, deque præcipuis  
vitæ eius capitibus

DISSERTATIO  
aduersus Ægyptium authorem anni  
primitiui.

*Bibliothèque Secr. Coll. Rom. Soc. Refta*

*Ex Legato*

*M. ni Cassini*



PARISIIS,  
Apud C. MORELLVM, Typographum Regium,  
via Iacobæa sub signo Fontis.

M. DC. XXV.

CVM APPROBATIONIBVS.





ILLVSTRISSIMO  
ET REVERENDISSIMO  
D. LVDOVICO S. R. E.  
CARDINALI DE LA  
VALLETTE.

Fr. M. ANTONIVS CAPPELLVS.

**D**IVINO sanè consilio, sicuti cetera omnia, ita hoc in primis sacrosancta constituit Ecclesia, vt prauæ lectionis libri, qui aut falsam doctrinam ingerunt, aut bonis moribus officiant, è Christianorum manibus excutiantur, & quoad eius fieri possit, omnino aboleantur, atque euanescent: Nam cùm doctor gentium Apostolus congressu hæreticorum & colloquio (qui tamen hæretici è viuis tandem excedunt) tanquam pestilenti nos contagio interdicit, multò certè periculosiores esse constat prauos libros, qui & semper (vt

ã ij

sic dicam) loquuntur, neque adeo interitui sunt obnoxij. Si vir ille, cuius ego opiniones de Cœna Christi suprema veritati ac rationi esse aduersantes nunc venio patefactum, lectione abstinuisset Scaligeriani operis de Emendatione temporum, aut cautionem saltem in eo legendo adhibuisset, quæ Catholicum hominem ac prudentem, sagacemque veritatis indagatorẽ decebat, haud quaquam in eos prolapsus esset errores, quibus grande illud quod nuper emisit volumen vndique scaterere videmus. Magnum erat quidem Scaligeri ingeniũ, magna eruditio, variarumque cognitio linguarum, sed nimia plerumque sui confidentia, tanquam pleno quodam torrente abripi se adeo sinebat, vt mirum non sit, in complures illum scopulos infelicitè impigisse, iisque (vt istiusmodi ingenia solent) pertinaciter hæsisse. Ad eosdem fermè, aut non absimiles lapides noster hic offendit, quẽ ego bono (ni fallor) Christianæ Reip. & Catholicæ veritatis castigandum suscepi: Ac sanè diuinæ prouidentię munere persæpe fit, vt quã errorum sementem hominum siue inscitia, seu peruersa voluntas iacere temerè solet, ca

in segetem erumpat pulcherrimæ veritatis:  
Ni auctor hic noster sacrorum temporum  
rationes ad obliquam fallacemque suarum  
opinionum amissim ac libellam exigere ten-  
tasset, seque solum veritati litasse superciliosa  
quadam iactantia, & veluti è tripode pronun-  
ciasset, nulla fortasse data nobis esset occasio  
res huiusmodi excutiendi, & quæ à multis re-  
tro sæculis densissima in caligine iacuerunt, in  
apertam claræque (vt equidem spero.) lucem  
eruendi. Qua in re num aliquid præstiterim,  
tuû Cardinalis amplissime, tuique similium,  
id est doctissimorum, veræque pietatis aman-  
tium hominû crit iudicium: Quippe ob cam  
potissimum causam lucubrationem hanc ti-  
bi meam nuncupandam duxi. Adde, quòd  
cùm ego te Romæ nouerim sacræ istius pur-  
puræ honorem non egregiè tantùm sustinen-  
tem, sed & tuarum virtutum splendore miri-  
fice ornantem, adeo te amare cœpi, adeo co-  
lere ac venerari, vt cogitatione vix comple-  
cti, ne dum verbis explicare id possim. Vide-  
bam te ex nobilissima gente ortum, cùm ad  
Ecclesiasticam viuendi rationem animum  
adiecisses, non Christianis solùm virtutibus,

sed & liberaliū artium præfidiis animum in-  
struxisse: in diuinis præsertim litteris, & sacris  
Theologiæ studiis eos fecisse profectus, vt  
omnibus propemodum sis admirationi: pul-  
chrè nimirum intelligebas, quid Ecclesiasti-  
cum virum, quid Cardinalem præcipuè de-  
ceret. Quotus verò quisque est, qui cū hinc  
præstantissimum patrem tuum, tuosque ma-  
iores & animi & corporis robore egregiè  
munitos bellicæ virtutis laude præcipuè flo-  
rere, hinc te summa ingenij vi ac felicitate  
præditum in tot, tantisque disciplinis mirè ex-  
cellere videat, non etiam faciliè intelligat, ve-  
stri hoc esse generis, vt quo quisque gloriæ  
studio ducatur, in eo principem locum sibi  
vendicet? Neque verò dicendum quidquā  
mihi est de eximia tua humanitate, de pru-  
dentia, de liberalitate, de animi cū magni-  
tudine tū moderatione, de morum ac ser-  
monis suauitate, aliisque virtutibus, quarum  
pulcherrimo nexu, velut aurea quadam ca-  
tena, non aures tantū hominum, vt vestras  
ille Hercules, sed animos ipsos delinitos ad te  
trahis: vt mirum non sit, si tu Roma nuper  
abiens omnium propè nostrum corda abdu-

xisse tecum videaris. Ego verò te quoque ab-  
euntem è vestigio prosequi sperabā, auebam  
enim Gallias vestras visere in Cardinalis Bar-  
berini comitatu, qui Pontificius à latere Le-  
gatus ad vos proficiscitur, quem ego Cardi-  
nalem cū multa, quæ præclara in illo  
sunt, mirari soleo, tū præsertim quòd te ille  
summopere diligit, tuasque virtutes & pluri-  
mi facit, & non sine magna voluptate ubi-  
que prædicat. Verū ea spe destitutus, meum  
hunc foetum, qui istic excudatur, measque  
apud te partes impleat, sitque non obscurum  
meæ in te observatiæ argumētum, statui mit-  
tendum, quem si tibi tanta doctrina, tam acri  
iudicio præstati minime displicere cognoue-  
ro, haud sanè verebor, quin & à ceteris viris  
doctissimis, quibus præsertim Gallia abūdat,  
sit facilè probandus, atque adeo in hac sacro-  
rum temporum, priscarūque Ecclesiæ tra-  
ditionum discussione operam non infelici-  
ter à me collocatam intelligam. Vale, Romæ,  
Idibus Martijs. M.D.CXXV.

# INDEX CAPITVM.

<b>O</b> CCASIO scribendi, & consilium authoris.	pag.1
Status controuersia, & argumenta Aegyptij contra Cœnam Paschalem, CAPVT I.	4
Cœnam Christi supremam fuisse Paschalem, CAP. II.	11
Christum passum non esse luna decima quarta, qua occasione discutiuntur, & refelluntur anni primitiui, & Cycli lunares Aegyptij, CAP. III.	29
Non Martio, sed Decembri Dominum natum esse, CAP. IV.	57
Quo anno, mense, & die Dominus passus sit, ex antiqua (quanquam deserta) Ecclesiæ traditione, qua à Chronologorum, Judæorum, Astronomorum, & Dionysianorum obiectionibus vindicatur, CAP. V.	71
Diluuntur argumenta Aegyptij contra ea, qua constituta sunt capite precedenti, & qua supererant ex capite huius dissertationis primo de Cœna Christi suprema, CAP. VI.	132
Scaligeri, & Aegyptij lapsus insignis in connexionione annorum Sacrorum cum Olympicis, CAP. VII.	146





# OCCASIO SCRIBENDI ET CONSILIVM AVTHORIS.



1. **P**RODIIT ante duos annos ex typis Augustę Vindelicorum ingens quoddam volumen inscriptum: *de anno primitiuo ab exordio mundi ad annum Julianum accommodato, & de sacrorum temporum ratione libri octo.* Materies, in qua summa utilitas cum summa difficultate coniuncta est, nomen Authoris viri probi, & nuncupatio operis exemplo nunquam audito, tribus Principibus facta, Gregorio XV. Pont. Max. Ferdinando Imp. Augusto, & Iacobo Anglię Regi, magnam eius expectationem peperere. Sed vix lucem ei videre contigerat, cum Apostolica authoritate proscriptum, ab utero ad rogam raptum fuit.

*Libri de anno Primitiuo Augustę impressi.*

*Dedicati tribus Principibus.*

*Prohibiti.*

2. Hinc varia mortalium iudicia, sermones varij: Accusare alij hominis inuerecundiam, qui ea de suis scriptis Romano Pontifici polliceri non erubuerit, quę solius sacre scripturę propria sunt, cuiusmodi ea fuere; *Nulla falsitatis umbra, nulla erroris suspicio, nulla vani similitudo potest in illo notari; Omne*

*Capita accusationis.*

A

*quod explicatur verum est, omne quod in illo adducitur certum est, omne, quod in illo exponitur, condecens est. Adijcere alij præsumptionem spiritus, cuius reuelationes apud Pontificem, apud Principes, totoque opere passim plenis buccis iactantur. Si enim ita est, dicebant isti, taceant ergo Latini, Græcique omnes, à quibus ad hanc vsque diem Cœnam Christi supremam, Paschalem fuisse creditum est, & Deo huic homini reuelante, discant, Ecclesiam vniuersam labi posse. Facebant antiqua illa dogmata Ecclesiæ Romanæ de azymis, de diebus cœnæ, & mortis Saluatoris, quando, Deo iudice, & hoc homine teste, à Græcis tota veritas stat. Qui aut Dominum natum Decembri, aut adoratum à Magis in Præsepi persuasi quique supremam mundi diem mortalibus ignoratam credidère, nunc demum huius manu deterfiste nebris videât, ad hanc vsque diem Ecclesiam nihil vidisse. Fuerunt etiam qui Caluinum, & Lutherum in eius libri vestibulo vidisse se dicerent, & tanquam hæresum omnium seminarium auerfarentur illud eius principium: *Contextus sacer ab Auctoritate Doctorum non coarctatur, & validissimum veritatis argumentum in omni eius expositione est, cum animus acquiescit in ea sic, ut nulla amplius difficultas reliqua sit, quæ inde elonget ipsum.**

Hæc aliaque huiusmodi ab iis eò vehementius exaggerabantur, quod peculiare eius institutum fuisse dicerent, his aliisque in rebus antiquas, & receptas Ecclesiæ Romanæ consuetudines, & traditiones euerrere, immo ipsis & Catholicæ fidei dogmatibus manus violentas inferre.

3. Contra memorare alij grandævum eius ætatem, perpetuum studium bene de Ecclesia vniuersa merendi, peregrinationes ad Æthiopes, ad Indos, ad aliasque remotissimas gentes hunc in finem sponte, nec semel susceptas, vitam laudabiliter semper, & innocenter actam. Mirari ingentem illam tabularum molem, quibus omnes luminarium syzygiæ ab exordio mundi ad sextum millenarium oculis subiectæ sunt; Cycloseius lunares, temporum connexiones, & vincula, eruditionem historiarum, quæ sacræ, quæ profanæ ad sydera tollere, & quæ peccauerat extenuare, mollireque vehementer.

*Capita de-  
fensionis.*

4. Inter hæc ego contraria hominum studia; Proximi vices dolenter audiebam, incredibilique flagrabam desiderio librum eius videndi, quod persuaderi vix possem, res eius esse loco adeo iniquo, ut nulla huic vulneri medela posset afferri. Sed voti compos effectus, Ecclesiæ iudicium uti è cælo vere delapsum suspexi. Quum enim libri illi tria rerum genera complectantur, Theologica, Astronomica, Chronologica: in Theologicis nihil ferme reperias, quod non insigni aliqua labe aspersum sit: Astronomica sæpe videas errare toto cælo: in Chronologicis peccata innumera, nihil singulare. Quod igitur reliquum erat, à libro ad Authorem conuersus, qui me suafu cuiusdam doctissimi iuxta ac piissimi viri conuenerat, ad eum instruendum animum totum adieci.

*Censura  
Authoris.*

5. Et quum in multis grauitur, tum præsertim in eo mihi grauissime lapsus videretur, quod Cœnam

*Confilium  
in hac scri-  
ptione.*

Christi supremam negaret fuisse Paschalem, de hoc capite ante alia cum eo disceptare constitui. Idque hoc opusculo feci, quo, si audiar, fratrem lucrifactum, sin minus matrem saltem non male defensam iri confido. Nomini authoris peperi, quod in hac scriptione charitas eam mihi dixerit legem quam Medicorum princeps corpora curaturis, ut vel prosint, vel ne noceant. Ægyptium nuncupavi, quòd id cognominis sibi vendicauerit ipse ob res, ut ait, aliquando in Ægypto feliciter gestas.

---

## STATVS CONTROVERSIÆ,

*Et argumenta Ægyptij contra  
Cœnam Paschalem.*

### CAP. I.

*De suprema  
hebdomada  
vitæ Christi  
alia certa,  
alia contro-  
versis.*

1. **E**ORVM, quæ de suprema hebdomada vitæ Christi sacrarum litterarum monumentis prodita sunt, alia adeo apertè, & explicatè dicta ab Evangelistis fuere, ut de illis inter Catholicos à nemine hætenus dubitatum sit. Alia contrà quibusdam seu rerum, seu verborum inuolucris sic implicata, ut quanquam summa ingenia à multis retro sæculis omne studium, & operam ad eorum explanationem contulerint, adhuc nihilominus Ecclesia salua communione, & pace, de illis utramque in partem disceptari patiatur.

*Certa.*

2. Prioris generis sunt, Tiberio imperante, mense primo anni sacri, quem Hebræi appellant Nisan, feria quinta post Vesperam cœnasse Christum, &

celebrasse Pascha; nocte insequenti proditum, & captum; feria sexta mane Cruci affixum, & mortuum; in vespera sepultum, Die Dominico surrexisse. Posterioris, an xiiij, an xiv mensis cœnatum sit? an sacramentum Eucharistiæ institutum fuerit *Controversa.* in azymo, an in fermentato? quo mense Romanorum, Martio, an Aprili? quo eius mensis die? quo anno ætatis suæ? quo Tiberij? quo Olympico Christus crucem subierit, aliaque id genus. De duobus tamen primis capitibus huius secundi generis, quæ Eucharistiam atinent, omnino convenit inter Latinos, cum Græcis tantum à septingentis annis litigatur, illis pro xiiij. & fermentato, nostris pro xiv. & Azymis decertantibus. Cuius controuersię fundamenta sunt hæc.

*Azymorum controuersia inter Latinos & Græcos.*

3. Pascha Hebræorum diffinitur diebus octo, hoc est à vespera diei xiv. mensis primi ad vesperam xxj. quas in Kalendariis suis ita describunt.

XIV Pascha exterminatio fermenti XIX.

XV Azyma XIX.

XVI Manipulus Frugum XX.

XVII. XXI solemnitas

finis Azymorum.

Itaque tertia decima dies nihil ad Azyma. Quarta decima immolabatur Pascha, quod erat agnus anniculus, & exterminabatur fermentum. Quinta decima erat azymorum prima; vigesima prima erat septima, & vltima azymorum.

4. De die Cœnæ supremæ dissimiliter loqui videntur Euangelistæ. Matthæus, *Primam diem azymorum* appellat. Marcus, *Primam diem azymorum*,

*Testimonia scripturæ pro Latinis.*

*Testimonia  
pro Græcis.*

quando Pascha immolabant, Lucas, diem azymorum, in qua necesse erat occidi Pascha. At sanctus Ioannes loquens de ablutione pedum, quæ post illam cœnam facta est, ab aliis dissentire videtur, eam enim accidisse scribit, ante diem festum Pascha & mane ferix sextæ de Iudæis dicit: *Non introierunt in Prætorium, ne contaminarentur, sed manducarent Pascha & eandem semel, iterum, tertio, diem, quo Christus condemnatus, mortuus, & sepultus est, appellat Parasceuem Pascha*, hoc est diem præparatorium ad solemnitatem Paschæ, die proximo celebrandam. Quare ex testimoniis Ioannis, dies Paschæ fuisse videtur illa ipsa die, qua Christus passus est, & prima Azymorum postridie, ex reliquorum trium Pascha die, qua cœnauit, prima azymorum postridie si Pascha fuisset feria sexta, Christus forte non consecrasset in azymo, quia Pascha celebratur XIV. mensis, & Prima Azymorum XV. ipse vero feria sexta, hora nona spiritum emiserat. At si feria V. fuisset XIV. mensis, & Paschalis, necessariò consecrasset in azymo, quia à vespera XIV. Hebræi fermentum domi retinere non poterant.

*Græcorum  
hæreticorū.*

*Quid modestiores  
respondeant.*

5. Nostra igitur vnus, Græcorum sententia trium Euangelistarum testimoniis implicatur, quæ quum explicare nonnulli non valerent, impie absciderunt, non veriti dicere, vt testantur S. Bonauentura, & S. Thomas, tres Euangelistas, quorum autoritate Latini nituntur, hallucinatos esse, emendatos ideo à Ioanne, qui scripsit posterior. Verum modestiores aliter respondent, Pascha nimirum anteuerti potuisse, & anno illo anteuersum à Christo fuisse, à Christo

celebratum die XIII. mensis à Iudæis XIV. à feria V. à Iudæis VI. & consequenter à Christo in fermentato, à Iudæis in Azymo. At istos etiam lex *Refelluntur.* vrget qua Num. c. 9. cautum est, ne Pascha die alia celebraretur, quam XIV. mensis primi, & qui non posset primi, differret ad XIV. secundi qui alterutra die non celebraret, capite plecteretur. Quare differre mensem integrum licebat, anticipare ne vnam diem quidem. Adde Euangelistas tres aperte dicentes, Pascha celebratum à Christo *prima Azymorum, quando Pascha immolabant, & quando necesse erat occidi Pascha;* neque ergo ante diem lege præscriptam, neque alio tempore, quàm à cæteris.

6. Cæterum nostra quoque sententia has habet *Difficultates in Latinorum sententia.* difficultates non faciles explicatu, 1° quid esset illud Pascha Ioannis, quod fuit feria VI. 2° quid illud, in cuius parasceue Dominus Cruci affixus est. 3. quomodo Hebræi accusare, & condemnare potuerint Christum, agereque illum in Crucem die festo, quum pridie id ne fieret decreuissent, ne fortè tumultus excitaretur in populo. Eò maxime quod tanta festorum religione tangebantur, vt piaculum existimarent, si mortuorum remanerent in Cruce corpora sabbato. Hinc ad Hebræorum traditiones plerique conuersi, de transferendo festo azymorum in sabbatum, si occurreret feria sexta, ne duo festi dies continuo celebrarentur, sicut eo anno contigerat, multa commenti sunt. Quo casu autumant alij, transferri cōsueuisse & festum, & azyma; alij contra festum, sed non azyma; & tandem ab eruditis quibusdam duplex XIV. & XV. excogitata *Quoridam opinio de translatione festorum statim te templo.*

*Refutatur.* est, vna ex Astronomico luminarium congressu, altera ex Cyclo erratico Hebræorum; primam celebratam à Christo, fuisseque illam feria eius hebdomadæ quinta, alteram feria sexta quam celebrant Hebræi. Sed hæc omnia facilius est asserere, quam probare, vnoque Marci testimonio refutatur, qui discipulos Hierosolyma paratum Christo Pascha missos dicit, *prima die azymorum, quando Hebræi Pascha immolabant.*

*Ægyptij  
error contra  
Ecclesiam  
Latinam.*

*Et contra totam  
Ecclesiam.*

*Eius argu-  
menta.*

7. Ægyptius vero noster litem tot sæculis agitatum noua tandem lite diremit. Græcis contra Latinos concessit, Pascha fuisse quidem Feria sexta, & azyma Sabbato, & ideo Christum non consecrassè in azymo; Sed contra Græcos perinde ac contra Latinos negauit, agnum occisum, & manducatum à Christo, quem crucifixum, & mortuum fuisse contendit ea vespera, quæ ex lege Pascha celebrandum erat. Idque his argumentis persuadere conatur.

„ Christus mortuus est anno trigesimoquarto com-  
 „ pleto (quod ipse prolixè disputat) & trigesimo-  
 „ quinto per quinque dies inchoato ætatis suæ, qui  
 „ fuit Olympiadis CCII. quartus, & imperij Tiberij  
 „ Cæsaris XIX. dum Consulatum gererent Ser. Sul-  
 „ pitius Galba, & L. Cornelius Sylla. At anno illo  
 „ prima dies mensis Nisan fuit Sabbato, vt ex eius ta-  
 „ bulis constat. Ergo quartadecima fuit dies Veneris,  
 „ & quintadecima Sabbato. Conuenit vero inter om-  
 „ nes Christum cœnasse Feria quinta, & mortuum  
 „ sexta, circa horam nonam; restat igitur, eum  
 „ non manducasse Pascha, quum Pascha iugulan-  
 „ dum non esset, nisi eo ipso tempore, quo depo-

*firmè*



fitus fuit de cruce, & tumultus.

8. Cœnasse quidem Christum quinta feria fate-  
tur, at negat, Cœnam illam fuisse Paschalem; Cœna  
nimirum Paschali Hebræi accingebant sibi renes,  
stabantque calceati pedibus, baculos gestantes in  
manibus, & comedebant festinanter. At in Cœna  
Christi sedent, lauant pedes, interruptam Cœnam  
ea lotionem repetunt, eamque prolixis sermonibus  
protrahunt in multam noctem; non ergo hæc Cœ-  
na fuit Cœna Paschalis; eoque maxime quod in cœ-  
na Paschali nihil coctum aqua reperiri poterat, nec  
ius, quo madidum quid fieri posset, habebat tamen  
Christus catinum in mensa, in quo ipse cum disci-  
pulis panem intingebat.

9. Et tandem Agnus Paschalis ex lege alibi non  
poterat immolari, & manducari, quam Hierosoly-  
mis, Cœnam tamen Christi Hierosolymis factam  
non fuisse, probat hunc in modum.

Domus in qua Pascha Christo præparatum fue-  
rat, erat nobilis cuiusdam viri, quod hominum ge-  
nus in partibus insignibus Urbium degere solent, &  
fortasse illa erat prope templum, & in centro Hie-  
rusalem. Emetiendum ideo erat multum itineris à  
domo ad portas Urbis, & multo plus ad vadum tor-  
rentis Cedron, qui longe ab urbe distabat. Cœna  
Christi ex eius sermonibus in longum producta,  
maioris eius noctis partem consumpserat, quare si  
illi à cœna egrediendum fuisset ex Urbe, tanta eiuf-  
dem noctis pars præteriiisset, ut ante lucem omnino  
impossibile fuerit ea geri, quæ ab Evangelistis ge-  
sta narrantur. *Quonammodo enim, inquit, egredi potue-*

» runt & extra mœnia in tam distantem regionem abire? &  
 » tamen oppidula paruula, non præcipua ipsæ tantum Vrbes,  
 » obserata tenentur, Vltra torrentem progredi? ad hortum per-  
 » tingere? Scorsum ipse se retrahere, & tribus vicibus orare  
 » prolixius? capi? & ad ciuitatem iterum duci? ad Annam præ-  
 » sentari? ibi, quæ narrantur subsequi? mitti ad Caypham?  
 » cum vniuersis, quæ ibi commemorantur? Ac tandem con-  
 » cludit; rebus his singulis consideratis, & cum vniuersis simul  
 » positis, quarum si vna superatur, non tamen superantur om-  
 » nes, & inconuenientia multa perspiciuntur, quæ subterfugere  
 » non est possibile, vel euitare. Hactenus Ægyptius.

10. Fatetur quidem ille, id opinionis pugnare cum communi Catholicorum Scriptorum, immo etiam cum sensu Ecclesiæ Romanæ, quem suis ipsa ritibus declarat, dum in Missa Corporis Christi fidelibus occinit carmina illa.

Noctis recolitur cœna nouissima,  
 Qua Christus creditur, agnum & azyma  
 Dedisse fratribus, iuxta legitima  
 Præcis indulta Patribus.

Sed negat, Scripturam sacram sibi refragari. Quod Dominus vltimam Cœnam, inquit, intra Ciuitatem egerit, & quod agnum illum manducauerit, Euangelistæ non dicunt, & verba eorum id non admittunt, & neutrum illorum concedi potest.

*Quæ contra  
 Ægyptium  
 probanda.*

11. Ego vero tria demonstranda suscipio. 1. Christum egisse Cœnam suam supremam in Vrbe Hierusalem, eamque vere fuisse Paschalem. 2. ex Euangelistis hoc adeo certum, & exploratum esse, vt non possit citra stuporem negari. 3. Argumenta huius Auctoris, esse leuissimas & vanissimas coniecturas.

*Cœnam Christi supremam fuisse Paschalem.*

C A P. II.

**I.** **C**AVTUM legerat, ut quotannis in Paschate  
 Omnes Israëlitarum templo sisterent se, intra mœ- Lex de cele-  
 nia Urbis sanctæ agnum immolaturi. Deut. 16. 16. brando Pas-  
*Tribus vicibus per annum apparebit omne masculinum in solymu.*  
*conspectu Domini Dei sui, in loco, quem elegerit: in solemnitate azymorum, & in solemnitate hebdomadarum, & in solemnitate tabernaculorum: Quid eis agendum esset prima vice, sanxerat eod. cap. ver. 5. Non poteris immolare Phasce in qualibet urbium tuarum, quas Dominus Deus tuus daturus est tibi, sed in loco, quem elegerit Dominus Deus tuus, ut habitet nomen eius ibi, immolabis Phasce vespere, ad solis occasum, quando egressus es de Ægypto. Quare Lucæ 2. Ibant parentes eius per omnes annos in Ierusalem in die solemnium Paschæ. Quod institutum Saluator, qui non venerat legem solvere, sed adimplere, quam diu Quam Christus servavit. mortalis vixit, sancte retinuit. Ideo XIV. die mensis Nisan eius anni, qui illi fuit huius vitæ supremus, copotissimum tempore, quo Hebræi Paschales hostias immolare solebant, duos è discipulis suis in Urbem misit Paschale epulum paraturos. Hinc Matthæus c. 28. 17. Primo autem die azymorum accesserunt discipuli ad Iesum dicentes, ubi vis paremus tibi comedere Pascha? Testimonium Matthæi. At Iesus dixit, ite in Civitatem ad quendam, & dicite ei, Magister dicit. Tempus meum prope est, apud te facio Pascha cum discipulis meis, & fecerunt discipuli, sicut constituit illis Iesus, & parauerunt Pascha. Vespere autem facto discumbat cum discipulis suis.*

Marci.

S. Marcus cap. 14. 1. *Erat autem Pascha, & azyma post biduum, & quarebant summi sacerdotes, & scribæ, quomodo eum dolo tenerent, & occiderent. Et commate*  
 12. *Primo die azymorum, quando Pascha immolabant, dicunt ei discipuli, quò vis eamus, & paremus tibi, ut manduces Pascha? & mittit duos ex discipulis suis, & dixit eis. Ite in Ciuitatem, & occurret vobis homo, lagenam aquæ baiulans, sequimini eum, & quocunque introierit, dicite Domino domus, quia Magister dicit, ubi est refectio mea, ubi Pascha cum discipulis meis manducem? & ipse vobis demonstrabit cœnaculum grande stratum, & illic parate nobis; & abierunt discipuli eius, & venerunt in Ciuitatem, & inuenerunt sicut dixerat illis, & parauerunt Pascha; vespere autem factò venit cum XII. & discumbentibus illis, & manducantibus, ait, &c.*

Luca.

S. Lucas cap. 22. *Venit autem dies azymorum, in qua necesse erat occidi Pascha, & mittit Petrum, & Ioannem dicens, euntes parate nobis Pascha, ut manducemus. At illi dixerunt, Vbi vis paremus tibi? & dixit ad eos. Ecce introeuntibus vobis in Ciuitatem, occurret vobis homo amphoram aquæ portans, sequimini eum in domum, in quam intrat, & dicetis Patri familias domus, dicit tibi Magister, ubi est diuerforium, ubi Pascha cum discipulis meis manducem? Et ipse ostendet vobis cœnaculum magnum stratum, & ibi parate. Euntes autem inuenerunt, sicut dixit illis, & parauerunt Pascha; & cum facta esset hora, discubuit, & duodecim Apostoli cum eo, & ait illis; desiderio desideravi hoc Pascha manducare vobiscum, antequam patiar.*

Hæc Euangelistæ tres de loco Cœnæ, quòd fuerit in vrbe, de die, quòd fuerit illa ipsa, qua immolabatur Pascha; de epulo, quòd fuerit Paschale, si enim

discipuli parant Magistro Pascha, si Dominus se facturum Pascha pollicetur, si Pascha præparato discumbit, si inter cœnandum dicit, vehementer se desiderasse manducare hoc Pascha, nisi aut Christus de se, aut Euangelistæ de Christo mentiantur, impossibile est, Cœnam illam non fuisse Paschalem.

2. Hæc testimonia sic eludit Ægyptius. Principio assumit ex tabulis suis, feria quinta fuisse diem XIII. & feria sexta diem XIV. mensis primi. Deinde XIV. habuisse vespervas duas, primam, quæ pars erat tredecimæ, secundam, quæ erat initium XV. & azymorum primæ. Tandem vespervam XIV. primam eam fuisse, qua Apostoli in Urbem missi fuere, quam dictam putat Pascha, & azymorum primam, quia inde incipiebat dies Paschæ, in cuius secunda vespera immolandus erat agnus, & azyma comedenda. Ad quam quum Christus non superuixerit, neque agnum manducare, neque Pascha celebrare potuisse, concludit. Hæc ille, recte, an secus, iam video.

3. Pascha, ut Philoni placet, verbum Chaldaicum est, & significat transitum, & fuit nomen cuiusdam potissimæ solemnitatis Hebræorum, cuius hæc fuit origo. Qua nocte percussit Deus primogenita Ægypti, quod Pharaon, neque motus prodigiis, neque fractus miseriis Hebræos liberos abire nolisset, omnes Israelitas iussit signare postes domorum suarum sanguine agni anniculi, quem die X. primi mensis domum adduci, & 14. ad Vespervam mactari, eaque nocte, qua primogenita interfectu-

rus erat, assum igni, cum azymis, & lactucis agrestibus manducari præcepit, pollicitus fore, ut domos, quæ eius agni sanguine oblitæ fuissent, percussor Angelus inoffensas præteriturus esset. Remque probavit euentus. Ne vero ullis vnquam temporibus tanti beneficii memoria interiret, ad vesperam eius dici, quæ fuit XIV. mensis Nisan, quotannis iisdem ritibus agnum iugulari, & per familias manducari, lata lege constituit, & tum diem illam à vespera, tum agnum istum Pascha nuncupari Exo. 12. 21.

*Ite, inquit Moyses, tollentes animal per familias vestras, & immolate Phase. Et vers. 27. Diceris victima transitus Domini est, quando transiit super domos filiorum Israel in Aegypto percutiens Aegyptios, & domos nostras liberans. Et vers. 24. Habebitisque hanc diem in monumentum, & celebrabitis eam solemnem Domino in generationibus ve-*

*Duobus tantis diebus poterat celebrari, 14. primi, & 14. secundi.*

*stris cultu sempiterno. Quod si quis forte legitime impeditus, quartadecima die agnum sacrificare non posset, quid ei agendum esset, constituit Num. c. 9. Homo, qui fuerit immundus super anima, siue in via procul in gente vestra, faciat Phase Domino in mense secundo, quarta decima die mensis ad vesperam. Cum azymis & lactucis agrestibus comedent illud; non relinquent ex eo quippiam usque mane, & omnem ritum Phase observabunt. Si quis autem & mundus est, & in itinere non fuerit, & tamen non fecerit Phase, exterminabitur anima illius de populis suis, quia sacrificium Domino non obtulit tempore suo.*

Primogenitis Aegyptiorum nocte illa interfec-  
tis, Hebræis data venia est abeundi quo vellent,  
illique statim, relicta Aegypto transierunt in Soc-

coth. Num. 33. 3. *Profecti igitur de Rameſſe menſe primo,*  
*quintadecima menſis primi, fecerunt altera die Phaſe filij*  
*Israel in manu excelsa, videntibus cunctis Aegyptijs, & ſe-*  
*pelientibus primogenitos, quos percufferat Dominus, caſtra-*  
*metati ſunt in Soccoth. Quò poſtquam ventum eſt,*  
*azymos panes comedere coacti ſunt, pulſi ab Aegy-*  
*ptijs, antequam farinam, quam aqua conſperſe-*  
*rant, poſſent fermentare. Quare Deus duplici reli-*  
*gione diem XV. illigauit, feſti & azymi, feſti, quod*  
*a captiuitate ad libertatem tranſiſſent, ideoque Pha-*  
*ſe illam, ſeu Paſcha nuncupari voluit: & azymi,*  
 quod ea die pane illo veſci necèſſe fuiſſet. Deut. 16. Quintadeci-  
ma menſis  
primi Paſ-  
cha, & az-  
ma.  
*Obſerua, inquit, menſem nouarum frugum, & verni*  
*primum temporis, vt facias Phaſe Domino Deo, quoniam*  
*in iſto menſe eduxit te de Aegypto nocte; immolabiſque*  
*Phaſe Domino Deo tuo de ouibus, & de bobus in loco,*  
*quem elegerit Dominus Deus tuus, vt habitet nomen eius*  
*ibi. Non comedes in eo panem fermentatum; ſeptem diebus*  
*comedes afflictionis panem, quoniam in pauore egreſſus es*  
*de Aegypto, vt memineris diei egreſſionis tuae de Aegypto*  
*omnibus diebus vita tuae. Exo. vero 12. Septem diebus az-*  
*yma comedetis. In die primo non erit fermentum in domibus*  
*veſtris. Quicumque comederit fermentum, peribit anima*  
*illa de Israel, à prima die uſque ad diem ſeptimam. Dies*  
*primà erit ſancta atque ſolemnis, & dies ſeptima eadem*  
*feſtinitate venerabilis, nihil operis facietis in eis, exceptis his,*  
*quae ad veſcendū pertinent. Leuit. 23. menſe primo XIV*  
*die menſis huius ad veſperam Phaſe Domini eſt, & XV*  
*die menſis huius ſolemnitas Azymorum Domini eſt: ſe-*  
*ptem diebus azyma comedetis, & dies primus erit celeberrimus,*  
*ſanctusque: dies autem ſeptimus erit celebrior, &*

*sanctior: Et num. 29. Mense primo XIV die mensis Phasce Dominierit, & XV die solemnitas.*

Totam hanc solemnitatem promiscuè Pascha, & Azyma Hebræi dixêre. Actuum Apost. XII. *Herodes Rex apposuit, ut apprehenderet, & Petrum (erant autem dies azymorum) quem cum apprehendisset, misit in carcerem, tradens quatuor quaternionibus militum custodiendum, volens post Pascha producere eum populo.* Captus fuerat Petrus azymorum diebus, populo tamen producendus erat post Pascha. perperam certe, si Pascha non fuissent omnes dies ab Agno occiso ad VII azymorum. Rabbi Moyſes Ægyptius in Morè Nebuchin præcepto 60. *Primus dies Pascha in quiete traducatur.* Num. 28. Exo. 12. *Similiter dies eiusdem festi septimus.* Num. 28. in 2. Paralip. c. 35. 9. *Principes Leuitarum dederunt ceteris Levitis ad celebrandum Phasce quinque millia pecorum, & boues quingentos.* Quem locum Iosephus explicans Antiq. lib. 9. c. 6. *Populum, inquit, Hierosolyma conuocauit ad celebrandum festum azymorum, quod dicitur Pascha.* Et de bello Iud. lib. 2. c. 1. *Itaque instate azymorum die festo, qui apud Iudeos Pascha vocitatur.* Et rursum Antiq. XX. c. 4. *Instante Pascha festo, per quod nostris hominibus vesci panibus infermentatis mos est.* Et qui magis, quam Iosephus vrgent S. Lucas c. 22. *Appropinquabat dies festus azymorum, qui dicitur Pascha.* Et Marcus 14. *Erat autem Pascha, & azyma post biduum.* Pascha ergo & azyma erat ea solemnitas quæ à vespera XIV, ad vespèram vigesimæ primæ primi mensis, immolatione agni, & esu azymorum agebatur. Atque azyma sumebant initium à vespera XIV, quæ immediate diem



diem XV præcedebat, ergo & Pascha, ac propterea contra Dei cum mentem, tum verba Ægyptius sumi vult à vespera XIII.

*Tredécima mensis non potuit esse Paschalis. Obiectio.*

5. Sed video statim obiici mihi posse, Deum celebrari iubentem Pascha XIV mensis, & Azyma XV, & Iosephum antiq. 3. cap. 10. asserentem Pascha & Azyma esse solemnitates duas, *nam & hoc festum*, inquit, *illi continenter succedit*. Male propterea à me permisceri, & redigi ad vnam. Cæterum neque Deus secum, neque Iosephus cum Iosepho pugnat, & verba verbis conciliari facile possunt, si sensus explicentur; quod ut bene, & dilucide fiat, paulo altius repetenda res est.

6. Apud Hebræos tam annorum, quam dierum erant genera duo, alij nimirum ciuiles, alij sacri; ciuilis anni initium mensis Tyfri, Religiosi Nisan, qui septimus ciuiliū est, & Martio fere nostro responderet. Sacrorum initium institutum in Exodo; ciuiliū ex Ægypto retentum. Iosephus antiq. 1. c. 4. de diluuiō loquens. *Contigit autem hac vastitas anno ataris Noe sexcentesimo, mense secundo, qui Dius à Macedonibus vocatur, ab Hebræis Marchesuan*; sicut enim Ægyptij distinxerunt annos. *Moses autem Nisan, qui est Xanticus, mensem primum in suis fastis ordinauit*. Sic vero ad hanc vsque diem menses Hebræi numerant. 1. Tisri. 2. Marchesuan. 3. Casleu. 4. Tebeth. 5. Sebeth. 6. Adar. 7. Nisan. 8. Iiar. 9. Siuan. 10. Tamuz. 11. Ab. 12. Elul. Pari ratione dies apud illos alij ciuiles, alij Religiosi, Religiosi ex lege à vespera ciuilis præcedentis. Leuit. 23. *A vespera ad vesperam celebrabitis Sabbatha vestra*. Ciuiles ex Ægypto à media nocte ad mediam.

*Apud Hebræos anni, & dies ciuiles, & sacri, distincti.*

*Dies Religiosi initium à vespera.*

*Ciuilis à nocte dimidia.*

De Ægyptiis Plinius lib. 2. c. 7. *Ipsum diem, inquit, alij aliter obseruauere. Babylonij inter duos solis exortus, Athenienses inter duos occasus; Umbri à meridie in meridiem; vulgus omne à luce ad tenebras; Sacerdotes Romani, & qui diem definiuere ciuilem, item Ægyptij, & Hipparchus à media nocte in mediam.* Horum instar Hebræi ciuiles dies suos definiebant, eosque diuidebant in partes duas, in mane, & vespere à Moyse edocti, qui dixit Gen. 1. *Et factum est vespere, & mane dies unus.* Mane totam eam partem vocabant, qua sol ab angulo mediæ noctis ad meridianum ascendit. Vesperam, qua à meridiano descendit ad imum terræ. Hinc illis solemne immolare sacrificium vespertinum post horam diei sextam, siue statim ac ex umbra sol traiecisse meridianum deprehenderetur, offerre circa horam nonam. Quod & Iosephi testimonio & cæterorum Rabbiorum consensu certissimum est. Iosephus antiq. 14. c. 8. *Oppugnationis terror nihil obfuit, quominus solempnia peragerentur sacrificia, bis per singulos dies, mane, & circa horam nonam, super altari immolantibus nostris sacerdotibus.* Rabbi Moyses Ægyptius lib. 8. פֶּקֶד עֲבוֹדָה תְּמִידָה. *Quotidianum vespertinum iugulabatur, quando umbra longiores fieri incipiebant, quod erat ab hora diei sexta, & dimidia vsque ad octauam, & dimidiam, offerebatur vero inde vsque ad horam nonam, & dimidiam.*

Hebræi habebant duas vespere in eodem die horarum sex intervallo discretas.

7. Habebant idcirco Hebræi sicut dies, ita vespere duas, ciuilem vnam, cuius initium à meridie, naturalem, seu vt alij vocant, artificialem alteram, quæ erat à solis occasu. Qua de re illustris Matthæi locus c. 14. *Vespere autem facto, acceperunt discipuli ad*

*Iesum, dicentes : desertus locus est, & hora iam prateriit. dimitte turbas, ut euntes in castella emant sibi cibos. Quod Matthæus dixit : Vespere facto, id Lucas c. 9. Dies cœperat declinare. Discubuere post ultra quinque hominum millia, distributi sunt eis panes, & pisces, multiplicatique; satiata turbæ, collecta fragmenta, transfretatum à Discipulis; dimissi quotquot cum sequebantur, & Christus tandem solus montem ad orandum ascendit. Tum demum vero sequitur Matthæus: Vespere autem facto, solus erat ibi. Ecce ergo tibi vespere duæ, vna ante miraculum, quando dies iam cœperat declinare, altera post, quando solus orabat, de qua Marcus c. 6. Et quum sero esset. Idcirco totum tempus à meridie ad occasum* *Quod tempus diceretur inter duas vesperas.*  
 siue, quod idem est, ab hora diei sexta ad XII, ab eis dicebatur, ut etiam nunc (quamquam plerisque causam ignorantibus) dicitur, *inter duas vesperas*. Cuius rei insigne illud testimonium in commentario, qui inscribitur Mechiltà. *Dixit Rabbi Nathan, quid causa est, cur inter duas vesperas accipiendum sit de eo tempore, quod à sexta hora ad finem usque diei labitur? Ei responsum est: non quidem afferri posse causam, sed ita esse à maioribus traditum.*

Quam sententiam sequuti sunt postea Simeon filius Iohai, Salomon, & David Chmichi illustres Hebræorum Rabbini; è nostrisque Lyranus, Tostatus, Iansenius. Tempus pomeridianum in scriptura inter duas vesperas dictum reperias plerisque in locis, duobus tamen præsertim. Num. 28. 3. de sacrificio quotidiano. *Vnum offeretis mane, alterum* *הקרבן*  
*inter duas vesperas.* Et Exodi 12. 7. de Agno Paschali,

*Immolabitque cum uniuersa multitudo filiorum Israel* <sup>חַקְרָסוּם</sup> *inter duas vespervas. Vesperam ciuilem inchoa-*  
*ram meridie durasse etiam postquam dies artificia-*  
*lis defuit in noctem, ex scriptura demonstrari per-*  
*spicue potest. Exo. 12. 8. Epuli Paschalis tempus ita*  
*præscribitur: Et edent carnes nocte illa assas igni, &*  
*azymos panes cum lactucis agrestibus. Nihilominus ver.*  
*18. Tempus illud appellatur vespera: Primo mense 14.*  
*die mensis ad vesperam comedetis azyma. Rursum Leuit.*  
*23. Mense primo XIV die ad vesperam Phase Domini est.*  
*Et num. 29. Mense primo XIV die mensis ad vesperam*  
*Phase Domini est. Cæterum Phase definitur Exo. 12.*  
*27. Victima transitus Domini, quando transiuit super do-*  
*mos filiorum Israhel in Ægypto percutiens Ægyptios, &*  
*domos nostras liberans. Transiuit autem Deus nocte*  
*dimidia, ibidem ver. 29. Factum est autem in noctis me-*  
*dio: percussit Dominus omne primogenitum in terra Ægypti.*  
*Iam vero si mensis 14. ad vesperam fuit transitus Do-*  
*mini, & Dominus transiuit in noctis dimidio, con-*  
*sequitur, vt vsque ad noctis dimidium vespera por-*  
*rigeretur.*

*Dies ciuiles*  
*cæpisse à*  
*nocte dimi-*  
*dia probatur*  
*testimonio*  
*Christi.*

8. Tales fuisse ciuiles Hebræorum dies, testem adhibeo Christum, & Ecclesiam. Dixit Saluator, se futurum in corde terræ tribus diebus, & tribus noctibus; sicut fuit Ionas tribus diebus, & tribus noctibus in ventre cæti. Quod ne per synecdochen quidem verum fuisset, nisi ciuiles Hebræorum dies ex vespera, & mane constituti à media nocte ad mediam noctem durassent. Enimvero vbinam, quæso, est nox illa tertia, cuius aliquam, saltem partem Christus in limbo traduxit: Iacuit in sepultura no-

Et una, quæ præcessit Sabbathum, & altera, quæ præcessit Dominicam; tertia, quæ diem tertiam præcesserit, inueniri non potest; Numquid ergo tribus diebus, & tribus noctibus non fuit in corde terræ, sicut futurum prædixerat? Absit; fuit vsque ad dimidium noctis, quæ Sabbathum præcessit, parte nimirum diei, & noctis feriæ sextæ. Fuit à media nocte, qua ciuile Sabbathum inchoabatur vsque ad dimidium noctis sequentis, quæ diei Dominicæ erat initium: & fuit tota media nocte, quæ diem Dominicæ anteuertebat, & horis primis eius; atque ita per synechocchen reuera fuit in corde terræ tribus diebus & tribus noctibus, vti prædixerat. Hæc Christus.

9. Ecclesiæ verba in Canone sunt; *Qui pridie quam pateretur, accepit panem in sanctas, ac venerabiles manus suas. Accepit vero panem illum post cœnam, quæ noctu finita est. Sic enim Apost. 1. Corint. 11. Dominus Iesus, qua nocte tradebatur, accepit panem, & gratias agens fregit, &c.* Ergo sentit Ecclesia, noctem, quæ diem præcedebat, ea ex parte, qua cœnatum est, diei præcedentis partem fuisse. Sanctus Ambrosius ep. de Paschali celebritate. *Celebrauit Pascha hebdomada, in qua fuit quartadecima luna quinta feria. Deniq; ipsa die, sicut superiora docent, Pascha cum discipulis manducauit. Sequenti autem die, hoc est, sexta feria crucifixus est, hora quinta.* Augustinus ep. 86. *Intermisso autem vno die, cuius vespere Dominus cum Discipulis Pascha manducauit, quæ finis fuit eius diei, quam vocamus quintam Sabbathi.* Hinc Ecclesia eius diei & Cœnæ imaginem expressura, eam vocauit semper non feriam sextam, sed quin-

*Confirmatur  
testimonio  
Ecclesiæ.*



tam in Cœna Domini; & in Canone Missæ peculiariseius dici sic loquitur. *Qui pridie quam pro nostra, omniumque salute pateretur, hoc est hodie, accepit panem, &c.* Et male quidem, & falsò, si nox, quæ sequitur feriam quintam, Hebræis ea ex parte non fuisset feria quinta.

*Et ex tempore, quo sanctæ mulieres visitatum iuerunt Dominum in sepulchro.*

10. Confirmatur nostra sententia ex tempore, quo sanctæ mulieres visitatum iuerunt Dominum in sepulchro, quod nonnihil dissidij inter Euangelistas peperisse videtur. Matthæus inquit: *Vespere autem Sabbathi, quæ lucefcit in prima Sabbathi, venit Maria Magdalene & altera Maria videre sepulchrum.* Marcus: *Et quum transisset Sabbathum, Maria Magdalene, & Maria Iacobi, & Salome emerunt aromata, ut venientes ungerent Iesum, & valde mane vna Sabbathorum veniunt ad monumentum orto iam sole.* Lucas: *Vna autem Sabbathi valde diluculo venerunt ad monumentum portantes quæ parauerant aromata.* Ioannes: *Vna autem Sabbathi Maria Magdalene venit manè, quum adhuc tenebræ essent ad monumentum Sabbatho ciuilitur durate, sed religiose iam transacto in vespera, emerunt aromata.* Nocte proxima media, atque ideo desinente iam vespera Sabbathi ciuilis, quæ lucefcit in prima Sabbathi, id est, in Dominica, quippe quæ legaliter iam cœpisset à præcedenti meridie, domo exierunt. Nec prius ad ostium sepulchri veniēre, seu implicatæ per Urbem Nicodemum sepulchri Dominum quæritantes, seu aliquem alium opperientes ad limina horti, qui lapidem tolleret, quam orto sole. Initium eius itineris, quod ad sex horas durauit, Matthæus, finem Marcus, tempus intermedium Ioannes, & Lucas respe-

xêre initium Sabbathi, reliqua primæ Sabbathi civilis partes fuerunt. Sumpto initio diei civilis à media nocte, omnia plana, & explicata sunt, secus si aliunde sumatur. Ergo ex testimonio tam Christi, quam Ecclesiæ firmum nobis, fixumque esto, quicquid Rabbinum nugentur, civiles Hebræorum dies à media nocte ad mediam noctem durasse.

II. Nec minus certum, in scriptura nuncupatione dierum mensis civiles dies venire. *Leuit. 23. 26. Decimo die mensis huius septimi dies expiationum erit celebrissimus, & vocabitur sanctus, affligetisque animas vestras in eo. Sabbathum requietionis est, & affligetis animas vestras die nono mensis. A vespera usque ad vesperam celebritatis Sabbathum vestra.* Dies expiationum est decima mensis, nihilominus cum die nono mensis à vespera vult inchoari. Quod si vnus, & idem Religiosus dies, qui decimus est, vesperam noni, & mane decimi occupabat, consequitur, nonum, & decimum dies civiles fuisse, mensesque non ex religiosis sed ex civilibus diebus constituisse. Rursum *Exo. 12. septem diebus azyma comedetis. Quorum prima fuit mensis primi XV. Leuit. 23. Quintadecima mensis huius solemnitas azymorum Domini est.* Hostamen septem dies enumerans inquit. *Primo mense xiv die mensis ad vesperam comedetis azyma usque ad diem xxi eiusdem mensis ad vesperam.* Itaque vespera, quæ erat initium XV sacræ, non erat pars XV mensis, sed xiv. Non ergo ex religiosis diebus menses constabant. Tandem tam azyma, quam hebdomada septiduo diffiniebantur legali. Hebræi tamen civiliter loquentes octiduo constituebant. De azymis Iose-

*Menses constabant ex diebus civilibus, non ex sacris.*

phus Antiq. 2. c. 5. *In memoriam eius inopia festa per octo dies celebramus, quos vocamus azymorum.* De hebdomada, Antiq. 7. c. 11. *Instituit, ut una agnatio sacerdotum ministraret Deo per dies octo à Sabbatho usque ad Sabbathum.* Et infra: *Leuiticam Tribum in partes xxiv. diuisit, & sortitione facta, illis quemadmodum & sacerdotibus octeni ministerij dies obueneret.*

Hoc vero nulla alia ratione dici potuit, nisi quia XV sacra occupabat partem XIV mensis, & Sabbathum præcedentis ciuilis diei partem supremam, ratione cuius per synecdochen dies septem dicebantur octo ciuiles. Ex his tria sequuntur.

*illicitur ob-  
iectio, &  
conciliantur  
testimonia  
quæ pugnare  
videntur.*

12. Et primum quidem, si de vespera, & mane Paschali ciuilitè loquendum esset, & quæ vtræque die Hebræis in Ægypto contigerant, referenda essent ad diem suum, quartam decimam rectè dictam fuisse Pascha, & quintam decimam azyma, quum agnum iugulare, & esse oportuerit in vespera quartæ decimæ. Azyma Ægypto efferre mane quindécimæ. Et huc respexit lex quoties inculcauit: *quarta decima ad vesperam Pascha Domini est, & quintadecima solemnitas azymorum Domini est.* Nunquam enim simpliciter dixit, quarta decima Pascha Domini est, sed ut omnem ambiguitatem tolleret, adiecit semper: *ad vesperam.* Hoc sensu Pascha, & Azyma dici possunt duæ solemnitates, duoque festi dies, ut Iosephus dixit, quum reuera duobus, quamquam non integris ciuilibus diebus celebrarentur.

13. Cæterum si de illo mane, & vespere religiosè loquamur, Pascha, & Azyma vna tantum festiuitas fuit, vna solemnitas, vnus dies, ex vtræque parte confurgens,



consurgens, cuius initium quartadecima mensis à meridie, siue, quod idem est, ad vesperam; quod probant testimonia quæ supra adducta sunt. Et huc respexerunt Euangelistæ, quoties diem, qua Christus egit supremum Pascha, primam Azymorum dixere. Hieron. in Matth. 26. *Prima Azymorum decimaquarta dies mensis primi est, quando agnus immolatur, & luna plenissima est, & fermentum abijcitur.* Augustinus ep. 86. *Matthæus Euangelista dicit, quintam Sabbathi fuisse primam azymorum, quia eius vespera sequente futura erat Cæna Paschalis, qua Cæna incipiebat azymum, & ouis immolatio manducari.* Rabbi Moyses Ægyptius in Morè Nebuchin præcepto 138. affirmatiuo, *Abijciatur fermentatus panis die primo azymorum.* Et Deus ipse Exo. 12. *Septem diebus azyma comedetis. In die primo non erit fermentum in domibus vestris.* Abijciatur tamen decimaquarta ad vesperam.

14. Et si Pascha, & Azyma constabat ex vespera decimæquartæ & mane decimæquintæ, festum tamen Paschæ pro consuetudine legis non dicebatur decimaquarta, sed decimaquinta mensis. Dixi pro consuetudine legis, quæ etsi e. g. Sabbathum incipit à vespera Parasceues, & festum expiationum nona septimi mensis, non tamen aut Parasceuen, aut nonam septimi festum dicit, sed Sabbathum, & decimam. Idque in omnibus eius festis videre est. Hinc Num. 28. 16. *Mense autem primo, quarta decima die mensis Phase Domini erit, & quintadecima die solemnitas.* Et ideo Sanctus Matthæus c. 27. loquens de consuetudine dimittendi populo reum mortis in die qua Christus passus est. *Per diem autem solemnem, inquit,*

*Et si festum incipiebant à vespera diei precedentis, dies tamen precedentes non dicebantur festi.*

consueverat *Præses* dimittere populo unum vinctum, quem voluissent. Consentuntque Marcus c. 15. & Lucas c. 22. & ideo S. Ioannes Cœnam Christi supremam, quæ facta est decimaquarta mensis, factam dixit, ante diem festum *Pascha*.

*Tertiadeci-  
ma mensis  
nulla ratio-  
ne dici potuit  
Pascha.*

Colligo ex dictis, diem tertiam decimam mensis primi nulla ratione dici potuisse *Pascha*, & Azymorum primam, ut *Ægyptius* vult. Aut enim de decimatertia ciuili loquitur, aut de sacra, si de ciuili, desierat nocte media, ante decimaquartam. Si de sacra, desierat meridie suo; ac propterea ad eam nulla ratione trahi potest vespera decimæquartæ, qua agnus ex lege immolari debebat.

*Nulla dies  
habet duas  
vesperas.*

15. Quod vero *Ægyptius* assumit, vnamquamque diem habuisse vespersas duas, id falsissimum est; sed æque dies ciuiles ac sacri vnico mane, & vespere constabant, eo tantum distincti, quod mane anteibat in ciuili, sequebatur in sacro: Factum est vespere, & mane dies vnus, dixit Moyses Gen. 1. & canit Ecclesia;

*Qui mane iunctum vesperei*

*Diem vocari præcipis.*

16. Iam vero huius erroris cardine conuulso, cætera omnia facile dilabentur. Ostendimus ex Evangelio tria. 1. Apostolos parasse *Pascha*. 2. Christum dixisse, manducaturum se *Pascha*. 3. Adiecisse inter cœnandum, se manducare *Pascha*. Ad primum

*Ægyptij  
vna sio pre-  
ma.*

his verbis respondet *Ægyptius*: Parauerunt *Pascha*, id est partem illius aule ipsis assignatam, quæ sub cooperto erat, verrerunt, pulueribus discusserunt, & storeas distenderunt in ea, corea, tapetia, & cernicalia, & stragula; ut cum ad somnum se postea collocarent, quo caput reclinarent, & quibus tegerentur, haberent.

At bone vir, si Patrum, & Ecclesiæ interpreta- *Refellitur.*  
tiones contemnis, scripturam saltem scrutare, in  
qua nomine Paschæ nihil vnquam reperiēs præter  
dies Paschæ, & epulas Paschales.

18. Ad secundum respondet; Christum fecisse *Secunda.*  
quidem Pascha cum discipulis suis apud illum, quem "  
dixerat, non tamen in persona propria, sed inse- "  
quenti die in persona discipulorum suorum; illi sen- "  
tentia simile inquit. *Quod fecistis uni ex minimis meis,* "  
*mihifecistis.* "

Cæterum redarguit eum, refellitque S. Marcus *Refellitur.*  
his verbis: *Vespere autem facto, venit cum duodecim, &*  
*discumbentibus illis, & manducantibus, dixit. Desiderio*  
*desideraui, hoc Pascha manducare vobiscum, antequam*  
*patiar.*

19. Non tamen de gradu cedit Ægyptius, sed ad *Tertia.*  
Marcum respondet; Christus apud Lucam subiecit. "  
*Dico enim vobis, quia ex hoc non manducabo illud, donec* "  
*impleatur in regno Dei.* Et inquit: Christus dixit, se de in- "  
ceps non manducaturum amplius illud Pascha, "  
quod manducare desiderauerat, nisi sequenti die, "  
dum actus in Crucem impleuit figuram Agni, qui "  
cum, & eius passionem figurabat, atque hinc exul- "  
tabundus colligit, eo vespere Pascha non mandu- "  
catum à Christo. "

Esto Regnum Dei crucem significet, Pascha Chri-  
stum, & esus Paschæ mortem, germanus, sed para-  
phrasticus huius loci sensus hic erit. Desideraui, &  
vehementer quidem, manducare vobiscum hoc  
Pascha, antequam patiar, quòd voti compos effe-  
ctus iam manduco. Scitote vero, me post hanc ves-

peram Pascha istud amplius non esse manducatum, nisi postquam, seu dum actus in crucem eius figuram implevero. Et hinc quisque collegerit Christum ea vespere non manducasse Pascha?

*Refellitur.*

At vbinam gentium didicit Ægyptius tormenta, passionem, & mortem Christi ab ipso dicta fuisse regnum Dei? Ecclesiam, Paradisum, Euangelium, aliaque bona per Regnum Dei in scriptura significata vidi, at pœnas Christi hoc nomine designatas, neque legi, neque vidi, neque audiui vnquam. Quin potius Christum, *Potestatem tenebrarum, illam dixisse scio*. Nobis huius loci difficilis quidem, & obscuri placet interpretatio Chrysostomi, cui Regnum Dei est resurrectio, qua morte deuicta, & mortalitate exuta Dominus regnavit, accipiens à Patre omnem potestatem, sicut ipse de se testatus est dicens: *Data est mihi omnis potestas in cælo, & in terra*. Quod de Paschate, & eius esu dixit, hoc est de potu statim subiecit: *Non bibam de generatione viris, donec regnum Dei veniat*. Perinde igitur est, ac si dixisset: post hanc diem, neque manducabo, neque bibam vobiscum hoc Pascha (quod iam ostendimus toto octiduo durasse) nisi nouo modo, postquam resurrexero. Quod vero non manducauerit tantum post resurrectionem cum Apostolis, sed biberit etiam, testatus est Petrus Act.c. 10. *Qui manducauimus & bibimus cum illo, postquam resurrexit à mortuis*.

*Opinio Ægyptij de hora cana Domini.*

19. De hora Cœnæ demum litem mouet Ægyptius ad ea verba, & cū facta esset hora discubuit. Hora, inquit, tum præcisa fuit inter vigesimā secundā, &

vigesimam tertiã horologij nostri Italici iuxta consuetudinem, quæ etiam nunc in toto oriente obseruatur, & antiqua pariter erat omnium nationum. Hoc tamen perinde ac cætera cum sacris litteris pugnat. S. Marcus: *Vespere autem factò venit cum duodecim*, inquit; sed factò vespere sequitur crepusculum, hoc ergo tempore venit, *quod tempus incertum est, diei, an noctis sit*. Si vero inter crepuscula venit, antè noctem cœnare cœpisse, impossibile est.

Resignatur.

Censur. de

Die Nat.

Varro de  
ling. lat. lib.

1. c. 5.

Opinio Ægyptij defendi non potest ab errore in fide.

20. Concludo hoc caput. Fatetur Ægyptius, hoc suum dogma pugnare cum perpetuo, & vniuersali consensu Ecclesiæ, & Sanctorum Patrum; ostendi ego, pugnare cum expressis testimoniis Scripturæ sacræ; idcirco ab errore in fide defendi non potest. A quo iuxta communem Catholicorum doctrinam ne defendi quidem posset, si scripturæ testimonia deessent.

---

*Christum passum non esse luna decima quarta, qua occasione  
discutiuntur, & refelluntur anni primitiui,  
& cycli lunares Ægyptij.*

## CAP. III.

1. **L**ICET controuersia de Cœna Christi suprema quaestionibus de annis, mensibus, & diebus Iulianis, quibus natus, & passus est, ita implicata sit, vt vix, ac ne vix quidem sine illis bene explicari possit, proxime tamen, & immediate penderet à quaestione de die mensis lunaris, quo facta fuit. Si enim quar-

Controuersia  
de Cœna Domini  
potissimum  
pendet  
à die mensis  
lunaris.

tus decimus fuit, dubitari non potest, quominus hæc Cœna fuerit Paschalis, secus si decimus tertius, ut iam hoc maxime nomine Græci audiendi non sint, quod eorum opinionem hic error sequatur. An vero XIII, an XIV fuerit, duplici argumentorum genere inquiri solet, Theologicis, & Astronomicis, & utroque contra XIV, Ægyptius disceptavit; quorum præcipua nos hoc capite dissoluemus, quæ ad dies & annos Iulianos pertinent capitibus sequentibus prosequuturi.

*Fundamenta Ægyptij.  
Mundum creatum esse Octobri, & Nouilunio.*

*Et Deo attribuitur Cyclum eius lunarem usurpari cepisse.*

*Forma Cycli lunaris.*

Is ergo libro sui operis primo, quem *res fundamentales* inscribit, principio probare nititur, mundum creatum fuisse mense Octobri, & in Nouilunio. Inde persuasum lectori vult, reuelatum sibi à Deo fuisse, statim ab orbe condito, Deo ipso inspirante, Cyclum quendam lunarem usurpari cœpisse, quem usque ad excidium Hierosolymorum sub Tito Heribæxi non intermiserint, cuius forma hæc est.

Menses Lunares alternis sunt dierum triginta, & viginti nouem, illi pleni, isti caui, quorum initia à luminarium congressu.

Annus triplex, communis, plenus, & plenus abundans. Communis ex duodecim lunationibus, seu diebus 354. quibus luna duodecies soli coniungitur.

Plenus mensibus XIII, diebus 384. Plenus abundans mensibus XII, diebus 385. tredecimum ideo in anno pleno facit dierum 30. in pleno abundanti vnus & triginta. In annis XIX intercalat septies, ter dies 30. quater vnum, & triginta; atque ita Cyclum decennouennalem componit ex decem com-

munibus, & septem intercalaribus, quorum tres  
pleni sunt, quatuor pleni abundantes, ordine, quo  
docet eius Cycli imago subiecta.

	1.	29. O <sup>cto</sup> .
31.	2.	18. O <sup>cto</sup> .
	3.	7. Nou.
	4.	27. O <sup>cto</sup> .
30.	5.	15. O <sup>cto</sup> .
	6.	3. Nou.
	7.	23. O <sup>cto</sup> .
31.	8.	12. O <sup>cto</sup> .
	9.	31. O <sup>cto</sup> .
30.	10.	20. O <sup>cto</sup> .
	11.	8. Nou.
	12.	28. O <sup>cto</sup> .
31.	13.	16. O <sup>cto</sup> .
	14.	5. Nou.
	15.	25. O <sup>cto</sup> .
30.	16.	14. O <sup>cto</sup> .
	17.	1. No.
	18.	21. O <sup>cto</sup> .
31.	19.	10. O <sup>cto</sup> .

12. Isidor. lib. 5. etymol. c. de Temporibus, vt mit-  
tam innumeros alios sequioris æui doctissimos vi-  
ros. Immo gentiles ipsi Astronomi, vates, seu natu-  
ra impellente, seu traditionem sequuti iam inde à  
primis temporibus ductam, hanc in sententiam ve-  
nêre. Virg. Georg. 2.

*Non alios prima nascentis origine mundi*

*Illuxisse dies, aliumue habuisse tenorem,*

*Crediderim; ver illud erat, ver magnus agebat*

*Orbis, & hibernis parcebant flatibus Euri.*

Astronomi vero nusquam non initium anni in  
Ariete posuêre, sed quid Astronomi, Philosophi,  
Poëtæ dixerint, parui refert, magni vero quid Pa-  
tres, adeo vt Magister Historiæ Scholasticæ in hi-  
storia libri Geneseos affirmarit, dogma esse Eccle-  
siæ, mundum esse creatum mense Martio. Atque ita  
sensisse olim nedum priuatim scriptores, sed publi-  
cè etiam Ecclesiam vniuersam, docent antiqua Ec-  
clesiarum Kalendaria; quum. n. litteras Dominicales,  
& concurrentes indagarent diuisione totius tempo-  
ris à prima die sæculi ad annum datum, diem sæculi  
primam ponebant in Martio. Sic Kalendarium Ro-  
manum, quod est in Ephemeridi Bedæ ad Martij 26.  
& Breuiarium antiquum Vaticanum m. s. num. 4757.  
Fasti vero Siculi ad Consulatum Augusti XIV. &  
Siluani, ratione vtebatur haud absimili. Suaderique  
potest rationibus, & scripturæ testimoniis, quæ ex  
Ambrosij ore audire lubet. *Dedit ergo, inquit, for-  
mam fructus annorum curriculum mundi primus exortus; vt* *Rationes ss.*  
*ea lege annorum vices surgerent, atque initio cuiusque anni* *Patrum pro*  
*produceret terra noua seminum germina, quo primum di-* *primo mundi*  
*recte.*



xerat Deus, germinet Terra herbam fœni seminans semen secundum genus, & secundum similitudinem, & lignum fructiferum faciens fructum, &c. In quo nobis & moderationis perpetua diuina providentia, & celeritas Terræ germinantis ad aëstimationem vernæ suffragatur ætatis. Et infra: Ergo ut ostenderet diuina scriptura, Veris tempora in constitutione mundi, ait. Mensis hic vobis initium mensium primus erit in mensibus anni, primum mensum, vernum tempus appellans. Decebat enim principium anni, principium esse generationis. Hæc Sanctus Ambrosius huius causæ patronus.

1. Obiectio  
Ægyptij.
3. Quem contra insurgit Ægyptius lib. 1. c. 12. & postquam dixit: Magnopere decipi sectatores vulgaris illius credulitatis (ita nimirum loquitur de placitis SS. Patrum) quam communem iactant opinionem, aliosque velle deceptos longissime à veritate aberrantes; in illam Sanctorum aciem, quam vidisti, iactabundus intorquet tela tria. Auctoritates tamen posthabendo, inquit, tribus hoc probabimus validissimis argumentis, quæ nullo modo infringere poterunt. Quorum primum, & illud quidem antiquius Pandora huiusmodi est. Creauit Deus ab initio mundum, constituitque illi determinatas temporum vices, quas nunquam ei, etsi cunctorum Dominus foret, mutare libuit. At arboribus cunctis fructus tantum in Autumno maturi reperiuntur, quibus vescantur homines, non autem in vere; creauitque Deus arbores omnes cum fructibus, ergo in Autumno primum Deus creauit mundum Creasse cum fructibus probat triplici testimonio Gen. 2. Plantauerat autem Deus Paradisum voluptatis à principio, in quo posuit hominem, quem formauerat.

*Produxitque Dominus Deus de humo omne lignum pul-  
chrum visu, & ad vescendum suave; & postea: ex omni li-  
gno Paradisi comede, de fructu autem scientiæ boni & mali  
ne comedas, &c. 3. Cur præcepit vobis Deus, ut non come-  
deretis ex omni ligno Paradisi? De fructu lignorum, quæ  
sunt in Paradiso vescimur, de fructu vero, &c.*

Verum sagittæ paruuli factæ sunt plagæ eius; quis enim, quæso, dixerit, orbem totum eodem priuilegio ditatum, quo Paradisus? Quis nullos fructus maturescere nisi Autumno? maturescunt alij Vere, Æstate alij, alij Autumno, sunt etiam qui Hyeme maturescant. Et miraculum esset, videre matura simul persica cum cerasis, mala punica cû amygdalis, citonea cum ficibus, aliaque id genus: Plantauerat nihilominus, *Deus in Paradiso omne lignum pulchrum visu, & ad vescendum suave, & dixerat Ada: ex omni ligno Paradisi comede.* A natura igitur non erat conditio arborum Paradisi, sed ab auctore naturæ. Hinc de arboribus illis dicit Scriptura: *Produxit Dominus Deus de humo omne lignum pulchrum visu, & ad vescendum suave.* De aliis vero arboribus dictum non est, *produxit Deus*, sed *germinet terra, & protulit terra.* Et nullis quidem extra Paradisum arbores fructibus onustas fuisse alius quisquam forte collegerit ex verbis Dei. *In sudore vultus tui vesceris pane,* (quo nomine censentur edulia vniuersa) *tuo.* Non enim sudandum Adæ fuisset, dicit is, ut cibum sibi quæreret; si iam quoquouersum se verteret, fructus vidisset sibi paratos à Deo. At ego aliter. Nihil sustentandæ humanæ vitæ accommodatius, quam triticum, & segetes, quæ Martio in Palæstina credebantur; Deo sibi of-

*Leuit. 23.  
15.  
Deuteron.  
16.9.*

ferri iubente manipulum nouarum frugum die XVI Nisan, & Azymorum secunda. Probabilius ideo est, mundum hac tempestate creatum, quæ segetes habet & fructus, quam alia, quæ segetes non habet, etsi fructus.

*secunda ob-  
iectio.*

4. Secundo inquit Ægyptius. Exo. 12. Dixit quoque Dominus ad Moysen, & Aaron. Mensis iste vobis principium mensium primus erit in mensibus anni. *Et si ab initio anni talis erat, ad quid ergo iussit Deus, ut in futurum principium mensium fuisset, & primus in mensibus anni? Quæsitum, quod facile soluitur: Ægyptiaca*

*Responsio.*

seruitus coëgerat Israelitas, deserta antiqua, & Adamæa temporum ratione, annos suos Ægyptiorum more putare; ideo liberati, priscam illam repetere iussi sunt. Hoc enim volunt illa verba Dei: *Mensis iste vobis principium mensium, id est, qui vobis hominibus est principium mensium, & temporum, in posterum etiam vobis erit principium anni.* Ioseph. antiq. 1. c. 4. *Contigit autem hæc vastitas anno ætatis Noe sexcentesimo, mense secundo qui Dius à Macedonibus vocatur, ab Hebraeis Marchesuan. Sic enim Ægyptij distinxerunt annos. Moses autem Nisan, qui est Xanticus, mensem primum in suis fastis ordinauit. Itaque si Marchesuan erat secundus, & Tysri primus ante exodum, hoc erat ex instituto Ægyptiorum, quod à Moysè, iussu Dei in exodo antiquatum est, posito anni principio in mense Nisan, sicut ab initio fuerat.*

*Tertia ob-  
iectio.*

5. Tertium argumentum est. *Prima opera patrata notantur à Deo in primo die hebdomadis; at si dies accipere-  
tur nouilunij vernalis, inueniretur fuisse in die xxiv Aprili-  
lis, & incidisset in feriam tertiam, & non in Dominicam,*

quod esset contra Scripturæ sacrae auctoritatem.

Hoc argumentum duos inuoluit errores, vnum <sup>Emendatur.</sup> in scriptura, alterum in Astronomia, eosque adeo ingentes, vt vix credibile sit, hominem non indoctum in eos offendere potuisse. Contra veritatem <sup>Pugnat cum Scriptura.</sup> Scripturæ Genesis primo est, quod primum Nouilunium inciderit in Dominicam, & primam mundi diem. Creatis enim luminaribus scriptura subiecit: *Et factum est vespere, & mane dies quartus.* Igitur teste Deo, non Dominica, sed feria primæ hebdomadæ quarta, non die mundi prima, sed quarta creata fuere. Quod ergo Dominicam, & primam mundi diem Nouilunio primo assignat Ægyptius, id ab errore in scriptura defendi non potest.

6. Astronomicè vero erratum ab eo est, quod <sup>Et cum Astronomia.</sup> ait: Si mundus eius anni Vere creatus fuisset, Nouilunium primum futurum fuisse Aprilis XXIV, & feria tertia, fuisset enim die Aprilis quinta, & feria quarta, vt ex principiis eius demonstro.

Asserit primò, Nouilunium mensis, quem ipse vocat primum, incidisse in Dominicam, diemque Octobris XXIX, hor. 1. min. 20 post meridiem. Asserit secundo menses eius anni fuisse lunares, alternis plenos, & cauos dierum triginta, & viginti nouem.

Adde tertium gratia facilioris doctrinæ, diem XXIX. Octobris esse trecentessimam secundam anni Iuliani, vt ex dispositione mensium Iulianorum videre est.

Ianuarius	_____	31.	_____	31.
Februarius	_____	28.	_____	59.
Martius	_____	31.	_____	90.
Aprilis	_____	30.	_____	120.
Maius	_____	31.	_____	151.
Iunius	_____	30.	_____	181.
Iulius	_____	31.	_____	212.
Augustus	_____	31.	_____	243.
September	_____	30.	_____	273.
October	_____	29.	_____	302.

Iam vero retexamus lunationes à vigesima nona  
Octobris ad lunationem Aprilis per menses plenos,  
& cauos, & videamus quò nos manu ducant,

Dies anni Iuliani.		Nouilunia.
302.	29.	Octobris.
30		
272.	29.	Septembris.
29.		
243.	31.	Augusti.
30.		
213.	1.	Augusti.
29.		
184.	3.	Iulij.
30.		
154.	3.	Iunij.
29.		
125.	5.	Maij.
30.		
95.	8.	Aprilis.

Vides itaque Nouilunium Venum quinta Aprilis die. Facilius & expeditius : à nouilunio Octobris ad nouilunium Aprilis sunt septem lunationes quatuor plenæ, tres cauæ, quæ exigunt dies 207. A vigesima quarta Aprilis ad 29. Octobris sunt dies 188. Desunt ergo ad nouilunium dies 19. qui ducunt ad quintam Aprilis. Si vero XXIX. Octobris fuit Dominica, etiam secundam Aprilis incidisse in Dominicam necesse est; quum eadem affixa notetur : & ex consequenti quintam eius mensis fuisse feriam quartam. Venum igitur nouilunium eius anni incidit in quintam Aprilis diem, & feriam IV, quod erat demonstrandum, & in calculo primorum sex mensium mundi, ei, qui ne minimam quidem ullam erroris umbram in hoc suo libro notari posse, magnificè prædicauerat, irrepfit error dierum XIX.

*Ægyptij error xv. dierum in calculo primorum sex mensium mundi.*

7. Hinc sequitur, & demonstratiuè quidem contra Ægyptium, erroneum illi esse, asserere, Mundum non Vere, sed Autumno creatum fuisse. Si enim creatus dicatur Autumno, luminaria creata fuissent die Dominico, quod est contra veritatem scripturæ. Si creatus dicatur Vere, luminaria creata fuissent feria quarta, vti scriptura docet.

8. Alterum Ægyptij fundamentum de creatione syderum in nouilunio, ea vna ratione nititur, quod anni primitiui fuerint lunares, si enim vere tales fuissent, citra controuersiam primi illi homines putassent menses suos à luminarium congressu; nisi quis menses quinis denis definiri diebus velit, ut Indi olim, Q Curtio teste, fecêre.

*Discutitur opinio de creatione luminarium in nouilunio.*

9. De hac controuersia inter Hebræos non con-

*Non attinet  
ad fidem, sed  
contraria est  
probabilior.*

1. Ratio.

uenit, inter Catholicos nihil est de fide, aut fidei proximum; habet tamen contraria sententia grauem, & antiquum Authorem Concilium Palæstinae sub Victore. Et certe si fecit Deus Gen. 1. *Luminare maius, ut præset diei, & luminare minus, ut præset nocti, diemque & noctem diuiderent*, Luna in nouilunio creata non fuit; nec enim eo tempore aut nocti præest, aut noctem à die distinguit, ut in plenilunio, quo munus utrumque præstat, isto igitur tempore creata.

2. Ratio.

10. Adde, quæ à Deo creata sunt, ea in statu perfecto creata fuisse, ideo legimus: *Vidit Deus cuncta, quæ fecerat, & erant valde bona*, perfectus vero lunæ status respectu huius mundi inferioris, cuius gratia creata est, est plenilunium. Eo nimirum, quasi sol minor, ut eam vocat Aristoteles <sup>a</sup>, siue ut æmula solis, noctis decus, ut placet Apuleio <sup>b</sup>, principatum orbis cum lumine maiori æquo iure partitur. <sup>c</sup> Tunc ostreas, conchilia, echinos, & conchas omnes, quæ eius reguntur influxibus, fouet, succi implet, & quasi in virili ætate constituit, decrements deinceps cum ipsa, senium, & in congressu eius cum Sole quandam mortis imaginem subituras. Non ergo lumine minutam, sed lumine plenam eam orbis accepit.

<sup>a</sup> 4. de generatione animalium. c. ult.

<sup>b</sup> lib. 6. de Deo Socrati.

<sup>c</sup> Plin. lib. 2. nat. hist. c.

41.

*Primos mundi  
mensis non  
fuisse luna-  
res.*

11. Quod ex aduerso dicitur de annis lunaribus ab initio mundi, falsum est, quos solares fuisse, ex scriptura probari facile potest. Primum quia trigesima mundi dies, quæ clausit anni primi mensem primum. Fuit XXVII, à creatione luminarium, quum cœlis imposita fuerint quarta die, quare primus mensis,

mensis, à quo cæteri numerati sunt, non potuit esse lunaris, quum mense altero incunte deessent ad nouilunium diès tres, horæ XII. Adde, quum diluuium cœpisset die decima septima mensis secundi, Gen. 7. 10. *Post centum & quinquaginta diès*, hoc est centesimo quinquagesimo primo, à diluuiò inchoato, *reuerse sunt aqua, & requieuit arca*. Gen. 8. 4. Qui diès ex textu Hebraico, & paraphrasi Chaldaica, erat mensis septimi decimus septimus; quare ab initio anni ad initiũ diluuij præterierunt diès 46. quum mensis primus tam in anno lunari quam in solari constet diebus triginta. Quibus si addas sedecim secundi, & 151 diès ab initio diluuij ad requiem Arcæ, omnes erunt 197, qui diuisi per triginta, constabunt sex integros menses dierum triginta, & septemdecim septimi. Erant ergo menses illi solares, non lunares. Restat igitur, vt duo hæc Ægyptij fundamenta, si non aperte falsa, saltem minus tuta sint, rationibus Modestius loquendum que firmata leuioribus, quam par esset ei, qui in re fuisse Ægyptio contra sanctos Patres. minime ludicra, à communi antiquorum, & Doctorum (nedicam Sanctorum) hominum sententia recedere velit; vt iam nimium non audere non possit quisquis sic instructus, adeo irreuerenter, ne dicam immodeste, illis obloquatur,

12. Faciamus tamen demonstratum ab eo fuisse, Discutitur Cyclos lunaris Ægyptij. Mundum Autumno creatum, & nouilunio, & videamus, an his positis, Cyclos, & annos suos ita constituat, vt de Cœna Christi Paschali si non honeste, & pie, ingeniose saltem, & docte dubitasse videri possit.

Quanto temporis interuallo fiant mediæ con-



*Varia A-  
stronomorum  
summa de  
quantitate  
mensis luna-  
ris.*

gressiones luminarium, quibus menses Ciuiles lunares diffiniuntur, ex variis præcipuorum Astronomorum sententiis colligi potest, qui earum modum ita constituerunt,

Dies hor. min. sec. ter. quar. quint. sex.

Ptolemæus 29 12 44 3 20 0 0 0

Alphonfus 29 12 44 3 2 58 51 22

Copernicus 29 12 44 3 10 38 9 20

Tycho. 29 12 44 3 8 39 46 48

Nos ex vno Alphonso agemus cum Ægyptio, tum quod eius modum sequi se profitetur, tum quod siue hunc, siue illum nunc sequamur parui refert, quum Solis minutiis tertiis & sequentibus cæteri ab Alphonso dissideant. Immo ne morositate calculi Lector defatigetur, sumemus, vt Computistæ solent, tertia tria pro tertiis duobus, quartis 58, & cæteris minutiis; non enim tanti sunt, vt spatio annorum mille vnus horæ varietatem pariant. Eam tamen, quantulacumque sit, quam citissime Ægyptio cum fœnore restituemus.

*Primus error Cycli Ægyptij.*

13. Continet Cyclus lunaris annos duodecim communes, & septem embolimos, illos lunationum duodecim, istos tredecim, omnes ad summum lunationes 235. quæ ductæ in dies 29. hor. 12. min. 44. sec. 3. & tert. 3. quibus constat vnaquæque lunatio, reddunt dies 6939. horas 16. min. 31. sec. 56. tert. 45. At Cyclus Ægyptij est dierum 6940. quare iusto maior hor. 7. min. 28. & aliquid amplius, quod ei largimur propter minutias illas quartas, quas paulò ante accepimus. Si vero tantum erroris est in vno Cyclo; centesimo quoque anno, qui est quintus sexti Cycli,

consurget error dici vnus hor. 13. min. 20. & vltra. Quibus si addas diem alterum, quem intercalat centesimo quoque anno, erunt dies 2. hor. 18. min. 20. Tantoque tempore secundum motum medium luminare cœleste lunam Ægyptiacam anteuertet.

Dio-  
dor.  
lib.  
22.  
Cœ.  
so.  
rin.  
c. 18.

14. Meton Atheniensis primus fuit, qui olympiade 86. cyclum decennouennalem excogitauit, arbitratus cum Ægyptio lunationes 235 exigere integras dies 6940. sed post, Calippo Cyziceno authore, deprehensus fuit error, quem dixi, reiectoque Cyclo Metonis, in eius locum successit Calippica Periodus. Constabat illa quidem quatuor Cyclis Metonis, sed vnoquoque Cyclo sex horas eximebat, & 76 annorum interuallo integram diem. Quia tamen omnino non congruebat motui lunæ, eam quoque tandem orbis reicere coactus est: Si vero Calippicam Periodum orbis reiecit, quod etsi in annis 76 adimeret Cyclo Metonis vnā diem, minus tamen adimeret, quam oportebat, quid facturum speramus de Cyclo Ægyptij, qui quinto quoque Metonis Cyclo adijcit vnā diem?

*Meton primus Author eius Cycli, reiectus ab Antiquis.*

*Calippica Periodus reiecta, quod minus adimeret Cyclo Metonis quā oportebat, cui tamē Ægyptius adijcit vnā diem.*

15. Anni XIX. Solares ex 365. & quadrante exigunt dies 6939. h. 18. à quibus si quotannis subducas vndecim minuta, quibus abundat annus Iulianus ab Alphonsino, reliqui erunt dies 6939. 14. hor. min. 31. qui respondent Cyclo lunari Ægyptij. Absolut igitur Sol Enneadecaëteridem suam horis nouē, & dimidia, antequam Luna suā expleat, tantoque longior erit Enneadecaëteris lunaris Enneadecaëteride solari. Si vero in vna Enneadecaëteride Sol Lunam anteuertit tanto tempore, post annos 95, quibus ab-

*secundus error Cycli Ægyptij.*

solvitur quinta Enneadecaëteris, anticipabit dies 2. minus min. 30, & post vnum æuum dies ferme octo, atque ita ante ultimam Enneadecaëteridem secundi æui in ætere tota diametro distabit à Luna; ex tabulis tamen, & Cyclis Ægyptij in eodem signiferi gradu lunæ copulatus gradietur.

*Opinio Ægyptij de uniformi anni æquinotialis quantitate.*  
In eò etiam Ægyptius grauter lapsus est, quod motum Solis vniformem, & anni quantitatem vnã & eandem fuisse semper arbitratus, vno, & eodem pede omnia præterita sæcula dimensus est.

*Refutatur ex Scriptura.*  
Pugnat hoc ex diametro cum Scriptura, cum experientia, & cum communi Astronomorum consensu. Ecclesiast. 33. 6. Siracides proponit hanc questionem: *quare dies diem superat, & annus annum à Sole?* Eamque ita expedit, *A Domini scientia separati sunt factò sole, & præceptum custodiente.* Perperam vero, si Ægyptio fides habeatur.

*Et quantitate anni Iuliani.*  
17. Anno 40. ante natũ Christum Iulius Cæsar Callippum, & Alexandrinos imitatus anni magnitudinem constituit dierum 365, & horarum sex; & hæc quantitas si durasset semper, æquinotia non anticipassent sedes suas, sed vno eodemque anni fixi die æternum perennassent. At certum est, anno primo Iuliano repertum fuisse æquinotium Vernum in 25. Martij, ibique constitutam ei sedem à Cæsare, sic enim testatur Columella<sup>a</sup>, Plinius<sup>b</sup>, Macrobius<sup>c</sup>, & omnis antiquitas<sup>d</sup>. Ad annum tamen Domini 1582, quo Greg. XIII Pontifice Kalendarium instauratum est, ad vsque decimum, & vndecimum Martij diem retrocesserat; non ergo anni quantitas à Cæsare obseruata sequentibus sæculis durauit.

*a Lib. 9. de rer. ant.  
b Lib. 18. nat. hist. c.  
25. & 26.  
c Lib. 1. Saturn. c. 21.  
d Duo Kalendaria maritima Christi proxi-  
ma, vnum Farnesiano-  
rum, alterũ Bernardini della Valle apud Gruterum pag. 138.*

18. Ptolemæus anno circiter 130 à Christi Natali, *Ptolemaici.*  
 obseruato quâ accuratissime motu Solis, deprehen-  
 dit anni magnitudinem dierum 365. hor. 5. min. 55.  
 secun. 12. Albategnius circa annum Christi 880. die- *Albategni-*  
 rum 365. <sup>h. 5. min. 55.</sup> *ni.* Alphonfus Castellæ Rex, anno Do- *Alphonfini.*  
 mini 1251. dierum 365. h. 5. min. 49. 16.

Tandem Nicolaus Copernicus, suis, & antiquo- *Copernici.*  
 rum obseruationibus collatis, anni inæqualitatem  
 ad certam periodum redegit, annorum scilicet,  
 Ægyptiorum 1715. eiusque tum incrementa, tum de-  
 crementa demonstrare aggressus, maiorem Ptole-  
 maico, & minorem Albategniano & fuisse, & esse  
 posse monstrauit.

19. Illud vero contra magnitudinem Alphon- *Anni Al-*  
 sinam validissimum argumentum est, quod data ea *phōfini quā-*  
 quantitate, æquinoctium non potuisset anticipare *titas non po-*  
 quindecim dies, nisi spatio annorum 2010. eos ta- *test esse per-*  
 men anticipauit circa annum 1600, & ideo in corre- *petua.*  
 ctione Kalendarij anni Alphonfini quantitas rece-  
 pra est non tanquam vera, sed tanquam media ma-  
 ximam inter & minimam.

20. Infinita propemodum sphalmata ex huius- *Varij errores*  
 modi fontibus in tabulas Ægyptij diducta sunt, *tabularum.*  
 quorum pauca, sed illustria sunt hæc. *Ægyptij in*  
*Æquino-*

Hipparchus anno 145. ante Christū, qui fuit in ta- *Hippar-*  
 bulis Ægyptiis 3839. Iulianus ab exordio mundi, ob- *chais.*  
 seruauit æquinoctium vernum in 24. Martij, idem-  
 que obseruauit iterum post annos vndecim, & ter-  
 tio demum post annos 18. Ægyptius annis illis hoc  
 æquinoctium collocat in 23, & 22. Martij.

Iulius Cæsar in quarto suo Consularu, qui Ægy- *Iulianis.*

tio est annus 3907. ab orbe condito, figit æquinoctium vernum in 25. Martij, Ægyptius refigit, ponitque in 22. eius mensis.

*Ptolemaicus.*

Ptolemæus anno 132. à nato Christo reperit æquinoctium Autumnale in 25. Septembris, & anno Christi 140. Vernum in 21. Martij. Ægyptius post annos mille quadringentos videt Vernum in 21. Martij, & Autumnale in Septembris 23.

*Nicænis.*

Anno Christi 324. decreto Concilij Nicæni instituitur Kalendarium, quo Ecclesia vsa est vsque ad correctionem Gregorij, & Æquinoctium Vernum collocatur in 21 Martii. Ægyptius inde reuocat ad 19.

*Albategnians.*

Anno Christi 883. Albategnius deprehendit Æquinoctium Autumnale in 24 Septembris. Ægyptius illud ipsum æquinoctium obseruat in 18. illius mensis. Hac in re horarum, & minutorum errori venia dari potest, at duorum, trium, quatuor, sex integrorum dierum errore duci, illaudatum omnino, & inexcusabile est.

*Scaligeri locus causa erroris Ægyptio.*

At imposuit Ægyptio Scaliger, dicam nescio, an Scaligeri locus, qui libro tertio suorum canonum prolatis quinque æquinoctiis vernalibus ex observationibus Tychois, ea sibi proponit pro virgula diuina. *Eorum, inquit, constantia facit, ut nullas recentiorum illis præferamus, omnes autem veterum ad eas exigamus.* Atque hinc intulit, ad eorum æquinoctiorum instar inuenienda esse æquinoctia omnia à capite ad calcem vniuersi.

*Anni quæritas à Ty-*

Verum dupliciter hic peccatum est à Scaligero, & ab Ægyptio, primum, quod ex observationibus

Tychonis collegerunt, anni Tropici magnitudinem esse dierum 365. h. 5. min. 49. quum Tycho illam aperte diffinierit dierum 365. h. 5. m. 48. <sup>41</sup>.

*chone obser-  
nata diversa  
ab ea, quam  
Scaliger, &  
Ægyptius  
dicunt.*

Deinde, quod omnium tam præteritorum quam futurorum temporum amussim, hanc esse voluerunt, quod tamen alienissimum fuit à mente eius Authoris, qui libro Progymnasmatum primo constituta anni æquinoctialis quantitate, ei præfixit hunc titulum. *Vera anni calestis quantitas ad hæc prima secula respectu æquinoctiorum deducta.* Et post subiecit hæc verba. *Hæc deputata anni æquinoctialis quantitas, etsi à longissimis seculis non sit deducta, quod quidem per se fuisset satius, & quoad minimas particulas magis exquisitum indubitatumque testimonium promereri videretur, nihilominus eam satis certam, & ratam pro centenariorum aliquot annorum decursu esse non diffidimus, tutius existimantes è centum saltem annorum interpositione per observationes perspectas, & in temporibus minime ancipites, eas deriuare, quam si è longissimis seculorum intervallis per minus ratas animadversiones, & temporum dubiam limitationem hanc peteremus; præsertim quum hisce seculis particularem motus solaris restitutionē, adaptare, nostra sit intentio.* Hæc Tycho. Certe vero, quū de rebus à sua ætate remotis disputationē instituerūt viri solide docti, multò aliter loqui consuevere, quam nunc Ægyptius fecerit. Paulus Mildeburgēsis Episcopus Forosempronien-  
*In calculo  
temporum  
Christi Ta-  
bulis Ptole-  
maicis uten-  
dum.*

sis vir sua ætate doctissimus, lib. 7. c. 1. Paulinæ suæ inuestigaturus diem Passionis Christi: *Reminisci convenit, inquit, quod alibi diximus, Tabulas Alphonsinas, & alias tabulas ex eis extractas hac tempestate non esse idoneas pro moribus Planetarum inuestigandis. Immo in*

quinque planetis aberrant nonnunquam in gradibus duobus vel tribus. Et licet in motibus luminarium minus à vero dissentiant, tamen non ad vnguem eos supputant, quanto minus ad annos natiuitatis Christi sufficientes erunt propter magnam temporis intercapedinem? Quamobrem erit tutius hæc indagare per tabulas Ptolemæi, qui fuit propinquior ætati Christi. Hæc Paulus.

22. Sed esto, errauerit Hipparchus in obseruatione æquinoctiorum, errauerint Ptolemæus, Albateginus, Copernicus, & cæteri omnes, castigandæque sint eorum obseruationes ex obseruationibus Tychonis ad modum Alphonsinum, vt castigauit Scaliger, putasne dies integros immutandos? absit. Hipparchæas castigauit Scaliger hunc in modum, cæterasque eadem proportionem.

Quantum à  
Scaligero  
disiideas  
Ægyptius  
quomodo sequi  
se proficetur.

Aquinoctia	Hor.	Scrup.
1	1	43
2	3	42
3	4	58

Vnde vero Ægyptiacum illud tam immane discrimen?

23. Nemo opinor est, qui non videat, quicquid huiusmodi principiis consecretarium est, id omne incertum, vanum, & prorsus falsum esse, idque ne Ægyptius quidem ipse sit tantisper torqueatur, ibit inficias. Libro nimirum 4. c. 17. loquens de apparitione Christi rediuiui, quando medius stetit inter discipulos, habet hæc ipsa verba. *Idque præcise fuit in die plenæ lunæ. Verissima enim tabularum Astronomicarum supputatio nobis demonstrat, in nocte illa eam fuisse in maiori sua plenitudine, & punctus oppositionis ipsius fuit* in

Tabula Ægyptij erronea ex confessione ipsius.

*in sequenti mane feria secunda, diei XIV Aprilis, ipsius anni Iuliani 3984, & 17 mensis Nisan eiusdem prædicti anni sacri 1531. At certum est, à puncto coniunctionis ad punctum oppositionis luminarium elabi dies 14. 15. 16. 17. Quare oppositio fieri nequit post quintam decimam lunam: Quum ergo, Ægyptio fatente, eo anno, eoque mense oppositio inciderit in feriam secundam; quintam decimam etiam feria secunda fuisse necesse est; die Dominico quartam decimam. Quomodo ergo XIV fuit feria sexta, quod est vnicum fundamentum huius erroris?*

24. Adde, Ægyptium deceptum esse in computandis omnibus Neomeniis anni sui primitivi. Quum enim Hebræi eas putarent non à die congressus cum Sole, sed à sequenti, qua Luna è radiis Solis egressa conspici potest, ipse à die congressus cum Sole eas omnes putavit. Eam rationem putandi Neomenias adhibitam fuisse Saluatoris, & maiorum ætate, constat ex Thalmud. cap. Ross. hassanà, & passim ex omnibus veterum Hebræorum scriptis, sed præsertim Rabbi Moyse Ægyptij, cuius verba sunt hæc. Tract. *הדרוש החדש* hoc est de sanctificatione mensis c. 1. a. 3. *Singulis mensibus Luna biduo plus minus delitescit, una circiter die ante, & altera post coniunctionem cum Sole, priusquam videatur in occidente; Nox qua primum conspicitur, principium mensis est, ab eaque numerantur dies xxx. si conspicitur nocte xxx, trigesimus erit primus mensis sequentis, si non conspicitur ea nocte, trigesimus primus à priori Luna conspectu erit primus in sequentis mensis, neque refert conspiciatur an non nocte trigesimi primi, quando nullus mensis excedit triginta dies.*

*Error Tabularum Ægyptij tertius in omnibus Neomenijs.*

*Hebræi Neomenias non putabant à die coniunctionis luminarium sed à sequenti.*



Penultima die mensis, (si Hebræorum traditio-  
nibus fidem habeamus), à confessu Iudicum Urbis  
sanctæ mittebantur testes fide digni ad cacumina  
altiorum montium speculatum primum Lunæ or-  
tum, ut ex eorum fide Neomenia sanctificaretur,  
eisque iurantibus illam se corniculatam vidisse, &  
vel Australem, vel borealem, altiore, seu depre-  
sio-riorem, dicebant iudices סחורש סחורש *Sanctificata est,  
Sanctificata est*; atque ita denunciabatur Neomenia.  
Et certè Ecclesiastici cap. 43. habemus: à Luna signum  
diei festi, inuisa vero signum esse non potest. In libro  
Iohasin, & in libro cui titulus: *germen David*, haben-  
tur hæc verba. *Rabbi Hillel Princeps concinnauit con-  
textum computi annalis iuxta methodum Tekupha Rabbi  
Adda, propterea quod usque ad tempora eius sanctificabant  
Neomeniam secundum visionem.* Antiquus liber, cui  
titulus Prædicatio Petri apud Clementem Alex. VI.  
lib. Stromaton. *Nisi luna apparuerit (Iudæi) non agunt  
Sabbathum, quod dicitur primum, neque agunt Neome-  
niam, neque azymos, neque festum, neque magnam diem.* Luna  
igitur, quam Ægyptius vocat secundam, fuit sem-  
per prima, & quæ illi XIV, Hebræis fuit semper tre-  
decima. Fuerit igitur XIV à coitu luminarium feria  
illa VI, qua Christus mortuus est, uti contendit, He-  
bræis fuisse XII non Paschalis.

*Hebræi nul-  
lum mensem  
habuerunt  
dierum 31.*

25. Huc accedit, quod communi Hebræorum  
antiquiorum & doctiorum consensu, falsum est,  
habuisse illos mensem vllum dierum vnus & tri-  
ginta, & falsum pariter, annos intercalares vllas  
habuisse stationes sic fixas, quin refigi possent mul-  
tas ob causas, qua de re audiendus est doctissimus

Maymonides lectione חנוכה חנוכה cap. 4. a. 2. *Consistorium* tribus potissimum ad intercalandum causis inducebatur, quæ erant, 1. *Æquinoctium*. 2. *maturitas segetum*. 3. *Fructuum*. Si sexta decima mensis Nisan aut sequentes dies incidissent in æquinoctium Vernum, intercalabant mensem; & qui fuisset Nisan, fiebat Adar secundus. art. 3. Si consistorium vidisset, neque tempus mensis venisse, neque maturuisse fructus, qui tempore Paschali maturescere solent, intercalabant. Addit art. 5. has alias causas; vias, quæ ad Urbem ducebant, & pontes fractos, stagnantes fluuios, clibanos, quibus Agni coquebantur, dirutos, aliasque nonnullas. Et quod maximi refert, art. XIII, non promulgabatur intercalatio citra necessitatem, nisi mense Adar, qui est anni duodecimus. Consentit Rabbi Aben Ezra in XXIII cap. *Leuitici*. Mos Consistorij est, considerare in exitu omnis mensis Adar, utrum necesse sit, intercalarem annum facere nec ne, & dicitur de Magistro Akiba, quod duos annos continuos embolimeos fecerit propter necessitatem. Exemplum litterarum intercalatitiarum Consistorij erat huiusmodi. *Fratribus nostris filiis deportationum Babylonia, & fratribus nostris, qui sunt in Media, & reliquis omnibus deportationibus Israelis, Pax vestra augeatur in æternum. Notificamus vobis, quod pulli columbarum sunt teneri, & hedi pufilli, & quod tempus nouarum frugum nondum venit. Ideo placuit negotium coram me, & coram collegis meis, & adieci huic anno triginta dies. Iam vero certum est, prima excepta, omnes causas intercalandi prorsus incertas & accidentarias fuisse, propterea frustra sudant ingenia, quæ demonstrationibus mathematicis per Cyclos, & è cælis certò petunt supremum Pascha à Christo celebratum.*

G ij

*Argumentum  
14. Aegyptij  
pro Cyclo suo.*

26. Cæterum quia nihil est adeo absurdum, quin aliquaratione possit suaderi: lib. 4. c. 28 Ægyptius hunc sibi laborem suscepit, ut annum & Cyclum suum certis aliquot annorum sacrorum characteribus confirmaret. Quibus si eius tabulis evertendis quidquam excogitari possit validius, Lector iudicabit. Primo ait, creationem mundi cœpisse die Dominico; quod quidem verissimum est, sed luminaria feria quarta creata fuere, & ex eius sententia in Nouilunio. Quare primum Nouilunium incidit in feriam quartam, non in Dominicam: ipse tamen offensurus in limine ponit primum Nouilunium in Dominica, & consequenter omnes lunarium syzygias quatrduò antevertit.

*Enodatur,  
est contra  
scripturam.*

1. *Argum.*

27. Secundo diem XVII secundi mensis egressionis ab Ægypto, quo manna pluit, fuisse feriam quintam.

*Pugnat  
cum scriptu-  
ra, & Pa-  
tribus.*

At illi refragantur Scriptura, & Patres. Scriptura, Exodi enim c. 16. commate 1. multitudo filiorum Israel venit in desertum Sin, die XV mensis secundi, & murmuravit contra Moysen & Aaron in solitudine. Commate 8. Moyses vespere carnes, & mane panem populo pollicetur. Commate 5. Usque ad sextum diem quotidie, quantum sufficeret, sexta tantum die duplum mannae ab omnibus colligi iubet. Commate 22, sexta die colligitur manna duplicata mensura; & commate 23, Moyses dicit, *Quodcunque operandum est, facite, & quæ coquenda sunt, coquite; quidquid autem reliquum fuerit, reponite usque mane.* Commate 24 dixit Moyses, *comedite illud hodie, quia Sabbathum est Domini.* Si septima fuit Sabbathum; ergo prima

mannæ pluuiâ fuit XVI mensis, & Dominica; & consequenter die XVII, feria secunda, non quinta. Iure itaque inter priuilegia dici Dominicæ à Patribus Concilij Palæstini dictum fuit; *Tertiam illi benedictionem esse, quia eodem die cælestis cibus manna hominibus datus est.* Eosque sequuti sunt Patres Synodi sextæ.

28. Tertio ait Ægyptius, diem XVII Regni Ezechix, & primam Regni Ioas fuisse Sabbatho, ab eis enim cultus diuinus restitutus est, qui restitui non poterat sine ministerio sacerdotum, quorum vices Sabbatho incipiebant.

Sed quanto in errore versetur, ipse se doceat, qui lib. 4. c. 2. verbis disertis scribit, restitutionem cultus sub Macchabæis incidisse in Dominicam: Immo ne prima quidem vice institutio sub Salomone Sabbatho facta fuit, si veræ sunt eius tabulæ. Durauit nimirum dedicatio templi 14 dies, & absoluta fuit 22 mensis VII, anni XI. Salomonis. 2. Paralip. 7. & 3. Reg. 7. 8. Prima mensis septimi eius anni in tabulis Ægyptij est XIV Septembris. Annus ille fuit intercalaris, & à VI Kal. Martij littera Dominicalis fuit A; affixa XIV Septembris est E, quare prima eius mensis fuit feria V. Quum ergo dedicatio cœperit octaua die, sequitur cœpisse feria quinta non Sabbatho.

29. Quartum argumentum est 10. mensis quinti anni XI Sedecix, quæ fuit Sabbatho, ex Ierem. 1. & 2. Thren.

Cæterum si aliquem alium Ieremiam non legit, hoc falsum est. Nam Ieremias, quem habemus, de Sabbatho ne verbum quidem.

5. *Argum.* 30. Quintum, quod dies Pentecostes anni XI Hircani fuit feria sexta ex Iosepho lib. 13. antiq. cap. 16.  
 » ubi grauissimè hallucinatus est, quum verba Iosephi eò loci sint ista. *Nam Pentecoste instabat post Sabbathum.* Anno igitur illo festum Pentecostes fuit post Sabbathum, non ante, feria prima, non sexta; in tabulis Aegyptij est feria sexta; erratum igitur ab eo est & grammaticè, & astronomicè.

6. *Argum.* 31. Supremum testimonium est 14 mensis Nisan anni, quo Christus passus est, quæ fuit feria sexta.

*Petit principium, & pugnat cum Aulure suo.*

Si quæro ab Aegypto, vnde constet, diem qua Christus passus est, fuisse XIV Nisan, respondet, quia sic tabulæ docent. Si quæro, vnde constet, tabulas veras esse, respondet, quia dies, qua Christus passus est, fuit 14 Nisan; atque ita à primo ad vltimū per eū tabulæ veræ sunt, quia veræ sunt; & Christus passus est XIV, quia passus est XIV Nisan. At id falsum esse, vt paulò ante dixi, ipsemet scribit lib. 4. c. 17 asserens, Lunam fuisse in puncto oppositionis Feria II sequente. Hæc illa fundamenta sunt, quibus ingens earum tabularum moles sustentatur, hæc machinæ potiores, quibus oppugnatur Ecclesiæ dogma de Cœna Christi Paschali.

*Diluuntur argumenta Græcorum. Ante diem festum Pasche.*

32. Quæ verò pro Græcorum sententia refricantur ex Euangelio Ioannis, ea omnia facillimè diluuntur. Præcedenti capite duo à nobis demonstrata sunt. Primum. Dies anni Iudaici fuisse ciuiles, eosque cœpisse à noctis dimidio. Secundum. Festos dies cū mensis tum hebdomadis illis fuisse, non eos à quorum vespera festa inchoabantur, sed eos, ad quorum vesperam desinebant. Sit exempli gratia

Sabbathum X mensis, incipient festum ad vesperam Parasceues, & diei nonæ; non tamen aut sextam hebdomadis, aut nonam mensis; sed septimam hebdomadæ, & mensis decimam festum diem dicent. Hinc etsi anno, quo Christus passus est, Pascha cœperat ad vesperam Feriæ V: dies tamen festus Paschæ non dicebatur nisi feria sexta sequenti, quæ non cœpit nisi à media nocte, post cœnam Christi supremam. Recte propterea S. Ioannes tempus illius cœnæ *ante diem festum Paschæ* fuisse, dixit.

33. Parasceue Græca vox est, Latinè reddita præparatio, & propria erat Sabbathi, eorūque festorum, in quibus ne coquere quidem cibos permittum erat; pro festo enim præparabantur in festum. Quintadecima Nisan & Azymorum prima hoc iure non erat illigata, sic enim de ea Exo. 12. 16. *Nihil operis facietis in eis, exceptis his, quæ ad vescendum pertinent.* Ideo Parasceuen non habebat. Anno, quo Christus passus est, XV Nisan incidit in feriam VI; hinc contigit, ut simul esset & prima Azymorum, & Parasceues. Prima Azymorum quia XV primi, Parasceues, quia Pro Sabbathum. Torum octiduum azymorum (ut ante diximus) ævo Christi dicebatur Pascha, & festum Paschæ, & omnes illi dies, dies Paschæ. Act. 12. *Herodes rex apposuit, ut apprehenderet & Petrum, erant autem dies azymorum, quem cum apprehendisset, misit in carcerem quatuor quaternionibus militum custodiendum, volens post Pascha producere eum populo.* Rabbi Moses Aegyptius in Morè Nebuchin. *Primus dies Paschæ in quiete traducatur; similiter dies eiusdem festi seprimus.* Immo 2. Paralip. 35. 17. *Feceruntque filij Israel,*

*Erat Parasceue Paschæ.*

qui reperti fuerant ibi, *Phase* in tempore illo, & solemnitate azymorum, septem diebus. Perinde igitur est dixisse Ioannem *Parasceuem Pascha*, ac si dixisset diem præparatorium, non ad XV Nisan, sed ad Sabbathum festi Paschalis. Quod si quis primæ azymorum *Parasceuem* tribuere pergat, hunc sentire necesse est, prima azymorum nefas fuisse præparare, & coquere cibos, quod cum veritate Scripturæ apertè pugnat.

Ut mandu-  
carent Pas-  
cha.

34. Sacerdotes non introierunt prætorium, ne contaminarentur, sed manducarent *Pascha*; nimirum sacrificia Paschalia, quæ octiduo illo quotidie præter ordinem immolabantur, de quibus 2. Paralip. 35. *Dedit Iofias omni populo qui ibi fuerat inuentus, in Solemnitate Phase, agnos, & hædos, & reliqui pecoris triginta millia; boum quoque tria millia; Helcias, Zacharias, & Hahiel Sacerdotibus ad faciendum Phase pecora commixtim duo millia sexcenta, & boues trecentos, Chonenias, Semeias, & Nathanaël: ceteris Leuitis ad celebrandum Phase quinque millia pecorum, & boues quingentos.* Ioseph. antiq. lib. 3. cap. 9. *Per singulos dies azymorum Tauri iugulantur duo, aries vnus, agni septem, hæc holocausta sunt, additûrque hædus pro peccatis in quotidianum epulum sacerdotibus.*

Erat ma-  
gnus dies ille  
Sabbathi.

35. Erat magnus ille dies Sabbathi, in cuius *Parasceue* Christus mortuus est, non quòd esset primus azymorum, sed quòd esset XVI mensis Nisan, & azymorum secundus, in quo fiebat sollemnis oblatio manipuli nouarum frugum, & vnde numerari debebant dies Pentecostes. Leuit. 23. 15. Deuter. 16. 9.

37. Apostoli arbitrati sunt, Iudam abiisse comparatum cibos; quia prima azymorum fieri permittebantur

tebantur quæcunque ad vefcendum pertinerent.  
Exod. 12.

37. Non licebat quidem Iudæis ea die occidere quemquam; & ideo non occiderunt Christum, sed gentibus occidendum tradiderunt. *Nobis non licet interficere quemquam.*

Nulla igitur ratione probatum est, Christum cruci affixum XIV die mensis Nisan, quando etiam natus fuisset mense Martio, & passus anno 35. ea Aprilis die, qua contendit Ægyptiûs. Quàm verè tamen, & quàm solidè hæc ab eo asserantur, iam inquirō.

*Non Martio, sed Decembri Dominum natum esse.*

#### C A P. IV.

1. **T**RADITIO antiqua est Christum conceptum *Christum conceptum* fuisset mense Martio, natum Decembri & *xxv Martij, natum xxv Decembris.* vtriusque mensis vigesima quinta. Clemens Romanus Constit. Apostolicar. lib. 5. c. 12. *Dies festos agitate fratres, ac primum quidem diem Natalis Domini, qui 25. die mensis noni celebratur.* *Clemens Romanus manu;* Scripsisse Clementem (sitamen Clemens fuit, & non alius quispiã Constantini M. coævus) Iudæogræcorum more, qui Macedonicis mensibus utebantur, satis constat ex capitibus 13. & 16. sequentibus; illo: *Caperunt consultare, inquit, contra Dominum feria secunda, mense primo, qui appellatur Xanticus; isto: Vos verò observate diligenter conversionem Verni Aequinoctij, quæ incidit in 22. mensis XII, qui appellatur Dystros.* Si ergo Martius, in cuius 22. incidit æquinoctium Vernum, Clementi, & Ma-

H



cedonibus fuit duodecimus, & Aprilis primus, consequens est, ex sententia Clementis Decembrem fuisse mensem nonum, eiusque 25 natalem Christi.

Iudæos græcè scribentes tempora putare solitos Macedonum more, colligitur ex Iosepho variis in locis. Antiq. lib. 1. c. 4. *Moses autem, inquit, Nisan, qui est Xanthicus, mensem primum in suis fastis ordinavit.* Et lib. 2. c. 5. *fussit Mosen edicere populo, ut paratum habeant sacrificium xiii Xanthici mensis in xiv, qui apud Aegyptios Pharmuti vocatur, item Hebræis Nisan, & Macedonibus Xanthicus.* Et lib. 3. c. 10. *Mense autem Xanthico, qui mensis Nisan vocatur, & annum exorditur.* Et tandem lib. 6. de bello c. 4. *Azymorum instante die, qui est Aprilis mēsis xiv.* Si ergo Xanthicus coincidit cum Aprili, mensem Romanis decimum Macedonibus nonum fuisse, necesse est.

S. Eudim.

2. Sanctus Euodius in Episcopatu Antiocheno successor S. Petri Epistola, quæ inscribitur *lumen*, apud Niceph. lib. 2. c. 3. *Peperit autem illius mundi lucem (Virgo) annum agens quindecimum vigesima quinta die mensis Decembris.*

S. Athanasim.

3. Sanctus Athanasius, aut quisquis est, ad Antiochum q. 54. *Quare vicesimo quinto die Martij in utero Virginis clausus habitare cepit Christus, & Deus noster veniens in terram? Responso. quia eodem die in mundi principio Deus creavit Adam.* Hinc est, quod hoc ipso mense omnes arbores, & herbae, animalia item ad proferendum fructum, & ad liberos procreandos commouentur, tanquam à Deo hoc tempore creata sint.

S. Ambrosim.

4. Sanctus Ambrosius ser. 8. *Verum est, quod ait Sanctus Ioannes Baptista de Domino Salvatore, illum oportet*

ret crescere, me autem minui. Si quidem hoc etiam ipsis temporibus approbetur. Ecce enim in natiuitate Christi dies crescit, & Ioannis natiuitate decrefcit. Illo oriente lux proficit; hoc nascente minuitur. Et ferm. 10. Bene quodammodo sanctum hunc diem natalis Domini solem nouum vulgus appellat; & tanta sui autoritate id confirmat, vt Iudæi etiam, atque Gentiles in hac voce consentiant. Itaque æuo Ambrosij colebatur ab Ecclesia natalis Christi in 25. Decembris, iamque recepta & inolita traditio erat, Saluatorem ea die natum.

5. Quod paulò expressius docuit Augustinus *s. Augustinus* lib. de Trinit. 4. c. 5. Sicut à maioribus, inquit, traditum *mus.* suscipiens Ecclesia custodit autoritas, viii. Kal. Aprilis conceptus creditur Christus, quo & passus, natus autem creditur viii Kal. Ianuarij. Ergo ætate Augustini Christus credebatur conceptus Martio, natus Decembri; neque fide priuata, sed publicâ, Ecclesia autoritate sua custodiente traditionem, quam acceperat à maioribus; cuius traditionis testis omni exceptione maior est Ecclesia Romana, vt ostendemus cap. sequenti. *Ecclesia Romana.*

6. Sulpitius Seuerus Ambrosij, & Augustini contemporaneus lib. 2. hist. sac. Sub hoc Herode, anno eius imperij tertio, & trigesimo Christus natus est, Sabino, & Ruffino Consulibus viii Kal. Ianuarias. *Sulpitius.*

7. Prudentius:

Quid est quod arcum circum

Sol iam recurrens deserit?

Christus ne terris nascitur,

Qui lucis auget tramitem?

*Prudentius.*

8. Chrysostomus orat. de nativ. S. Ioan. Baptistæ. *Chrysostomus.*

H ij

*Quo die conceptus est Dominus, eadem die passus est, conceptus est enim mense Martio viii Kal. Aprilis: quod multò apertius asseruit orat. de die Christi natali, diem illam his verbis obsignans; Non sunt nostra, quæ loquimur, maiorum sententia est.*

*M. S. antiquum.*

19. Io. Georgius Heruartius Chronologiæ c. 176. ex Codice m. s. Bibliothecæ S. Marci Florentiæ temporis Honorij primi refert hæc verba: *Apostolos tradidisse, Christum ex Virgine natum Bethelæma 25 Decembris.*

*Fasti Siculi.*

10. Author Fastorum Sicularum, qui septimo sæculo tempore Heraclij scripsit, ad Consulatum Lentuli & Pisonis hæc habet: *Hac igitur die xxv. inquam Martij, vti Romani numerant, Catholica & Apostolica Ecclesia Dei, accepto more à diuinis Patribus, celebrat Sanctæ D. N. gloriosæ Deiparæ, & semper Virginis Mariæ Annunciationem; sexto igitur mense Elizabethæ, quemadmodum dictum est, xxv Martij, vti Romani vocant, hoc ipso die incipiente septimo mense, intemerata, ac benedicta, &c. Deipara Virgo Maria, &c. Christum verum Deum nostrum in utero secundum humanitatem concepit.*

*Catholicus Armeniorum.*

Catholicus Armeniorum in eo colloquio, quod habuit cum Theoriano orthodoxo, anno 1170. Intellexeram, inquit, esse quandam de hoc orationem Sancti Epiphaniij Cypri Episcopi, quam ipsam quoque non vidi. Aiunt enim D. Epiphanium, qui esset Hebræus natione, de litteris Hebræorum, & annalium scriptore Iosepho affirmasse, natalem Domini 25 Decembris celebrandum. Cum eo consentire etiam dicunt ea scripta, quæ Titus Hierosolymis Romam deportauerit.

Quare etsi Epiphanius in Panario Dominum natum asseruit VI. Ianuarij, re tamen penitius inspecta, post mutauit sententiam, monitus fortè à Hieronymo, qui in c. 1. Ezechielis eos insectatur, qui Ianuarij sexta, die Baptismo Christi sancta natum in carne putabant. Mirto agmina Patrum a sequentium sæculorum, quos in vnam nobiscum sententiam confpirasse, aduersarij ipsi sciunt, & confitentur.

11. At<sup>b</sup> Scaliger, cui vetera sorduere, quibusdam leuissimis ratiunculis suusus, contra totam antiquitatem mense Februario natum enunciauit, cuiusque exemplo Ægyptius, <sup>c</sup> ut agnoscat originem suam profectus rei, nec Decembri cum Romana, nec Ianuario cum Alexandrina, nec Februario cum<sup>d</sup> Scaligero suo; sed partim ex Scaligero petitis rationibus, partim ex coniecturis suis, mense Martio natum esse, constituit; cuius argumenta, an quidpiam ponderis habeant, nunc expendo.

12. Primum<sup>e</sup> argumentum. Quando Herodes interfecit filium Antipatrum, interfecit etiam Innocentes ex Macrobi. 1. Saturn. c. 4. Quando interfecit Antipatrum, proximus erat morti, ex Iosepho 17. Antiq. cap. 9. & 10. ergo quādo interfecit innocētes proximus erat morti. Mortuus est prope Pascha, ut constat ex Iosepho; ergo Innocentes occisi prope Pascha. Quando infantes occisi, Christus fere compleuerat annum secundum. Matth. 2. Christus igitur prope Pascha compleuerat annum secundum, & consequenter natus erat mense Martio, qui est Paschalis, non mense Decembri.

Ad hoc argumentum dux afferri possunt

H iij

Epiphanius.  
Cateri.  
a Paul. Oros.  
lib 7. c. 2. S.  
Leo serm. 1.  
de nat. Ful-  
gen. ser. 1. de  
S. Stephano.  
Cassiodor. in  
psal. 117.  
Greg. M.  
hom. 8. &  
38. in Euāg.  
& lib. 4.  
Dialog. cap.  
16. Anast.  
Nican. q.  
92. in script.  
Petr. Chry-  
sol. ser. 159.  
S. Bern. hom.  
3. de nat.  
Dom. Beda  
de nat. rerū  
lib. 1. c. 29.  
Auctor. q.  
nou. & vet.  
testam. apud  
Aug. 9. 53.  
& 55.  
b Scaliger cō-  
traria asser-  
tor sententia.  
c Tertull. de  
prescript.  
d Ægyptius  
semisæcali-  
gerianus.  
e 1. Argu-  
mentum co-  
rum.  
Prima solu-  
tio.

*Infantes ab  
Herode  
occisi anno  
primo Chri-  
sti.*

*solutiones.* Et primò quidem, infanticidium ab He-  
rode patratum malè referri in annum à Christi na-  
tali secundum, quum Ecclesia Romana in præsepe  
Bethlemitico adoratum à Magis Dominum in offi-  
cio Epiphaniæ profiteatur. Cuius sententiæ pecu-  
liares inter ceteros assertores habet tria Ecclesiæ lu-  
mina Hieronymum, Chrysostomum, Augustinum.  
Immo quia Ecclesia vniuersa in Oriente, in Occi-  
dente ex antiqua traditione & prædicat, & canit,  
Christum adoratum à Magis die Dominico VI Ian-  
uarij, si sibi ipsa consentit, sentiat necesse est, ado-  
ratum à Magis anno primo natali, quum Dominica  
in VI Ianuarij non inciderit, nisi annis duobus,  
primo, & octauo ab eius natiuitate, vt solidissimis  
rationibus ostendam capite proximo. Herodes,  
Matthæo teste, infanticidium perpetravit statim ac  
se illud à Magis intellexit; igitur anno Christi  
primo, non secundo. Antipatrum interemit anno  
secundo, morte sibi iam imminente, non ergo in-  
nocentes simul cum Antipatro. Quare quocunque  
demum tempore Antipater occisus fuerit, hoc ad  
natale Christi nihil attinet, & si quis Herodis filius  
cum innocentibus fuit occisus, is Antipater esse non  
potuit.

*Antipater  
Herodis fi-  
lius occisus à  
Patre anno  
Christi 2.  
atque ideo  
non cum In-  
nocentibus.*

Et si verò Sanctus Matthæus, *Herodem iratum occi-  
disse, scribit, omnes pueros, qui erant in Bethlem, & in om-  
nibus finibus eius à bimatu, & infra, secundum tempus,  
quod exquiserat à Magis:* Non tamen sequitur, Chri-  
stum tempore eius necis bimulum fuisse. Potuit  
enim stella biennio affulgere ante natale Christi, &  
immota manere, quousque illum Virgo eniteretur,

eoque nato moueri cœpisse, quod nonnullis placet. Et potuit Herodes fraudem in Magorum dictis suspicatus, occidere omnes pueros à bimatu, usque ad tempus, quo à Magis didicerat, Christum natum fuisse, ut etiam si maior fuisset, quàm à Magis dictum fuerat, non euaderet. Quare verba illa Matthæi : *à bimatu & infra*, &c. sic interpretanda sunt. Pueros, qui nati erant à duobus annis ad Decembrem usque, quo Magi Christum natum dixere, Herodes interfici iussit.

8. Addiderim secundò, verba Macrobij, si ex-<sup>2. solutio.</sup> pendantur, non id sonare quod Ægyptius putat. Cum audisset, inquit, *Augustus inter pueros, quos in Syria* <sup>verba Ma-</sup> *Herodes Rex Judeorum intra bimatum iussit interfici*, <sup>crobij.</sup> *fratrum quoque eius occisum, ait, Melius est Herodis porcum esse, quàm filium.* Cæterùm Antipater dum Herodes morti proximus erat, non poterat esse bimulus, <sup>Antipater primogenitus Herodis.</sup> quum, Iosepho teste, esset primogenitus Herodis ex Doride coniuge Idumæa, quam ante omnes alias uxorem duxerat. Et si tempora accuratè putentur, quando Herodes ad septuagesimum, vitæque supremum vergebat, Antipater à quinquagesimo non longè aberat. Quare successor regni iure primogenituræ ante aliquot annos declaratus à Patre, <sup>10. seph. antiq. lib. 17. c. 6.</sup> *mora impatiens de eius longæuitate apud matrem sepe-  
mero querebatur, dum etiam ipse consensceret, ut non mul-  
tum se iuuare posset tam sera successio.* Si ergo inter infan- <sup>Patre se-  
ptuagenario  
grandæuus,  
cum bimulis  
non fuit occi-  
sus.</sup> tes bimulos filius Herodis occisus, non fuit occisus Antipater, qui erat quadragenario maior. Aut ergo dicendum cum Philone Anni, bimulum hunc notum aliquem Herodis fuisse, aut Macrobius fama

*locus Augusti in Herodem de Aristobulo, & Alexandro non de Antipatro.*

fuisse deceptum, quæ, ut vires acquirat cundo, sic post quadringentos annos ad Herodis crudelitatem exaggerandam, ferebat, inter infantes occisos ab Herode filium quoque eius fuisse, deque eo sic Augustum lusisse. Quum tamen non de puero bimulo occasione infanticidij, sed de filiis ætatis procreta id ioci dixisset Augustus, quorum duos iam maritos, & patres, Alexandrum, & Aristobulum vita priuauerat anno quadragesimo Iuliano ante diem Christi natalem. Neque prodigium est, hominem septuagenario minorem generare. Aristot. 6. de hist. anim. c. 6. *Mares plurimi ad sexagesimum generant. Quem si exceßerint, ad septuagesimum usque procedunt. Etiam quidam annos septuaginta nati genuerunt.* Idque quotidie fere videre est.

*2. Argum. Scaligeri Heracles.*

14. Quam secundo loco obiectionem vrget Ægyptius, ea Hercules est Scaligeri. Ioannes Baptista, inquit, conceptus est Decembri anni Iuliani 3949. At Christus conceptus fuit sexto mense post conceptum Baptistæ; ergo conceptus fuit mense Iulio. De sexto mense Conceptionis Christi à conceptu Ioannis habemus testimonium Angeli apud Lucam: *Et hic mensis est sextus illi, quæ vocatur sterilis.* Conceptum Ioannem Decembri, colligit hunc in modum. Ioannes conceptus est paulò post quam Zacharias pater eius adoleuit incensum uti sacerdos de vice Abiæ, sed eo anno ministerium vicis Abiæ incidit in principium Decembris: ergo & conceptio Ioannis. In principium Decembris incidisse sic probat. Erant 24 Sacerdotum ephemeræ, quæ de Sabbato in Sabbatum sibi inuicem succedebant, earumque

earumque octaua erat Abiæ 1. Paralip. 24. quas si computes à die restituti cultus sub Iuda Machabæo, quæ fuit 17 Septembris anni Iuliani 3791. Ephemeria Abiæ deducet te ad 9 diem Decembris anni Iuliani 3948. Ephemeriarum verò initium sumendum fuisse à vice Ioaribi, probat, quia & erat in ordine prima, & Machabæi principes cultus restitutores ex ea erant.

In hoc tamen argumento, quod Scaligeriani ad sydera tollunt, multa assumuntur vt certa, quorum alia incerta sunt, nullaque ratione probata; alia leuissimis tantum coniecturis confirmata, quæ quacumque cilitate asseruntur, eadem refelli possunt. Primò si Ephemeria Abiæ anno 3948 incidit in nonam Decembris, quæ est anni currentis Iuliani trecentesima quadragesima quinta, eodem anno inciderat etiam in diem eius 177, quæ fuit Iunij 26. quum centesimo sexagesimo quoque octauo die redirent vices ad eandem familiam. Assumit verò Ægyptius, nec probat, ad Ephemeriam Decembris, non ad Ephemeriam Iunij referri debere visum Zachariæ.

15. Secundo assumit, conceptionem Ioannis incidisse in annum 3949 initio, quum tamen iuxta varias sententias de anno Christi natali incidere potuerit in 48. 47. 46. immo vero ex nostra in 45. & quia ex eius calculis familia Abiæ ministrare cœperat anno 3948, die 177, consequitur cœpisse etiam eodem anno nona Ianuarij, Anno 3947, Iulij 25. & Februarij sexta; Anno 3946 Augusti 22, & Martij 7. & anno demum 3945. 20 Septembris, quo anno nobis Ioannes conceptus est, & in sequenti Christus.



*Tertius er-  
ror.*

16. Tertio Ministerium Sacerdotum minorum in illas 24 familias à Davide tributum, quadruplex habuit initium. 1. Sub Salomone post dedicatum templum. 2. Sub Zorobabelle post 70. annum captivitatis. 3. Sub Dario Persarum Rege, postquam anno eius sexto templum secundum dedicatum fuit. 4. Sub Iuda Machabæo, quando domus Dei, quæ sub Antiocho Epiphane, triennio ante profanata fuerat, purgata est, & cultus diuinus in pristinum restitutus. Prima vice cœptum ministerium à familia Ioaribi exploratum est, at vnde cœptum sit tribus sequentibus vicibus, & maxime postrema, incompertum existimo. Nam etsi Ioaribi erant primæ vices, ex eiûsque familia Machabæi, non tamen ideo aut lege aliqua (quod sciamus) aut consuetudine receptum erat, vt si quando series illa interromperetur, præteritis familiis, quæ supererant, Cyclus à Ioaribo rursus inchoaretur. Neque æquum videri potest, vt vel renouatio cultus diuini, vel principatus Iudæ, cuiquam adimerent suum ius, quod ademissent, si illas familias, quæ triennio ante succedere debebant in ministerium diuinum, vicis illius iure spoliassent.

*Quartus er-  
ror.*

17. His accedit, quod Ægyptius cum Scaligero existimat, Darium illum Persarum Regem, cuius anno secundo templum restitui cœpit, fuisse Darium Nothum, quod tamen difficillimum propugnatum est. Iesus enim Pontifex, & Zorobabel, quibus Ducibus anno primo Cyri Hebræi è Babylone educti fuerant, præsedisse dicuntur ædificationi templi sub Dario. At inter primum Cyri, & secundum No-

*Aggæi c. 1.  
c. 2.*

thi intercesserunt anni 118. Quare si Zorobabel, & Iesus annorum viginti erant (iuniores enim nemo opinor crediderit) primo Cyri, quo primùm in Iudæam venêre, secundo Darij Nothi fuissent saltem annorum 138. viuidi tamen adhuc, gerendisque rebus apprimè habiles; quod, considerata humanæ naturæ conditione, improbabilissimū est. Hinc pauci Nothum, plerique omnes Histaspidem secundi templi Authorem fecêre, qui trigesimo tantum octauo anno post primum Cyri, sublati Magis Persarum Rex inauguratus fuit. Eius Regis anno sexto templum dedicatum fuisse, incunte Nisan, scribit Esdras lib. 1. c. 6. Inde ergo Cycli Ephemeriarum Sacerdotalium putandi essent, si hæc opinio sit vera, & in supputatione Scaligeri, & Ægyptij irrepsisset error annorum 98, qui inter sextum Darij Histaspis, & sextum Darij Nothi elapsi sunt. Et argumentationem adeo incertam, tantisque intricatam difficultatibus, quispiam demonstrationem appellet? Ecclesiæ traditionibus, adeoque ipsis fidei dogmatibus anteponat? Clam me non est, etiam Darium Histaspis sua vrgeri difficultate, nimirum quod Templi instaurator Darius ab Esdra inter duos Artaxerxes collocatur. Nothum verò Artaxerxes Longimanus præcessit, Memor sequutus est, Histaspidem nullus Artaxerxes præcessit, sed duo huius nominis Reges sequuti sunt; ideo Templi instauratorem Nothum potius videri, quàm Histaspidem. Cæterum quum Nothus rei, Histaspides nominis difficultate vrgeatur, nemo non grauiorem præulerit leuiori, & qui sacris litteris versare solent, nō ignorant, argu-

menta à nominibus ducta, vt plurimum esse ficulnea. Eo maxime quod Herodotus lib. 6. asserit, Darium, Xerxem, & Artaxerxem Græcis esse aut synonyma, aut ferè: quum duo priora, coërcitorem, bellatorémque significant, tertium bellatorem magnum. Quare mirum non est, si in alienum idioma translata, vnum acceptum pro altero fuit.

Quinto  
et.

18. Quinto assumit, annum Romanum ea forma, eaque magnitudine, qua Iulius Cæsar eum ordinavit, fuisse à tempore Machabæorum ad conceptum Ioannis, hoc est, ab anno 3791 ad 3948. qua hypothesi nihil falsius. Tacebo, quæ in Ægyptium è medijs Romanorum historiis peti possunt, & dicam duo, quæ ab ipsomet nobis suggeruntur. Libro quinto à cap. 13. ad 18. totus est in constituenda vera forma antiqui anni Romani, quem lunarem fuisse dicit, communem dierum 355 intercalarem, alterum quidem 385, alterum verò 386. Cyclo annorum duodecim ita dispositum, vt tertio quoque anno mensis vnus intercalaretur, semel dierum triginta, ter vnus supra triginta. Hæc c. 14. & 15. cap. vero 16. & 17. amore, odio, avaritia Pontificum, quorum erat intercalare, perturbatam, & peruersam fuisse veram annorum constitutionem, vt quatuor anni vices loco deturbatæ suo iam alienos menses occupassent. Quare Iulius Cæsar constituturus annum ad cursum Solis, inter Nouembrem & Decembrem, duos integros menses intercalare coactus est. Hæc Ægyptius: & non veretur tamen prædicare antiquos annos Romanos semper illos ipsos fuisse, quos Cæsar instituit; idque tribus Iosephi locis lectori persuasum vult.

19. Primus ex c. 9. lib. 7. de bello, diem illam, qua templum à Nabuchodonozoro exustum fuit, ad diem responderet 10 Augusti anni Iuliani, in quo per-  
*spicitur, inquit, ipsum rationem suam habere, ac si annus ille  
 semper ab antiquo fuisset, & sic inuenitur esse.*

*Novissimus  
 error duobus  
 confirmatur  
 erroribus.*

”

”

Hic verò non possum non desiderare huius Auctoris fidem, qui Iosepho tribuit, quod ne per somnium quidem unquam illi venit in mentem, cuius verba eo loci sunt ista: *Nam & mensem, ut dictum est, (loquitur de excidio templi per Titum) eumque diem servavit, quo primum à Babylonijs templum erat incensum.* Mensem quidem quintum fuisse illum, quo sub Nabuchodonoxoro à Babyloniis templum eversum est, duobus in locis aperte scriptura testatur 4. Reg. 25. & Jerem. 52. 28. At de die non ita explorata res est. Quartus Regum septimam, Ieremias decimam, Antiqua Hebræorum Kalendaria nonam, Iosephus antiq. 10. c. 11. primam dicunt; sed fuisse vel septimam, vel decimam, vel septimam excidium coepisse, finisse decima necesse est. Iosephus enim, & Kalendaria errare possunt, scriptura non potest. At quacunque demum die mensis quinti à Tito eversum fuit, ea etiam à Nabuchodonoxoro eversum fuisse, una, & constans omnium sententia est. Quod vero eadem anni Romani die utrumque excidium contigerit, neque dictum cuiquam, neque cogitatum, neque si tabulas Ægyptij consulamus, verum erit. Conflavit sub Tito X Augusti, Consulibus Imp. Vespasiano iterum, & Tito Cæsare, quo anno in Tabulis Ægyptij habemus primam mensis quinti in 26. Iulij. Propterea quæ fuit quinti septima, ea fuit Augusti

*Error primus.*

prima, & quæ fuit Augusti decima, ea fuit septima decima quinti. Si ergo tempore primi excidij Augustus concurrebat cum quinto Hebræorum, & tempore secundi non concurrebat, sed septiduo Augustum quintus anteuertebat, fieri non potest, ut vtraque vice euersum sit X. Augusti die, quum vtraque vice eadem Quinti die euersum sit.

» 20. Secundus Iosephi locus est ex cap. 12. eiusdem  
» libri, quod dies XV. mensis primi Nisan festiuitatis azy-  
» morum anni sacri 1564. illius belli principium ad diem res-  
» pondet 8. Aprilis anni Iuliani 4017. & sic inuenitur esse.

» Tertius ex cap. 18. libri secundi, quod septimus dies  
» Septembris incidit in Sabbathum, & sic inuenitur esse.

Ad secundum respondemus, nihil esse certius, quàm in numeris interdum ex falsis colligi posse verum; si enim quod vni adimitur alteri adiiciatur, semper ex omnibus consurget eadem summa. Adde, neque errare semper qui digitis micant, & qui taxillis ludunt, quando tamen collimant, casu collimant. Quatuor tali iacti casu Venereum efficiunt, num-  
etiam centum Venereos, si cccc talos ieceris, futuros putas?

Ci-  
ce.  
r. de  
di-  
uin.

Error secun-  
dus.

Tertius locus (verum fateor) mihi risum extorsit. Probare vult, Romanorum annos fuisse semper ea forma, eaque magnitudine, qua eos Cæsar instituit, & probat, quia annus euerse vrbs sancte (qui scilicet ex eius Tabulis fuit 113 Iulianus) sic institutus erat. Egregium planè argumentum, & Cedro dignum.

*Quo anno, mense, & die Dominus passus sit, ex antiqua  
(quanquam deserta) Ecclesia Traditione, quæ à  
Chronologorum, Iudæorum, Astronomo-  
rum, & Dionysianorum obiectionibus  
vindicitur.*

## CAP. V.

1. **C**ONSTANS & antiqua Ecclesiæ Catholicæ Traditio est, Christum passum esse anno trigesimo quarto labente ætatis suæ, de qua sic Beda. *Christum passum 34. ætatis anno.*  
lib. de Temp. rat. c. 45. *Habet, inquit, ni fallor, Ecclesiæ Testimoniū Bedæ de fide Ecclesiæ.*  
fides, Dominum in carne paulò plus quàm triginta tres annos usque ad suæ temporis Passionis vixisse.

Manuscriptus Codex Bibliothecæ S. Marci Florentiæ temporis Honorij Primi testatur, inter alia Apostolos tradidisse, Christum mansisse in hac vita annos 33. menses tres. *M. S. de Traditione Apostolica.*

S. Ignatius Ioannis discipuli Domini Auditor ep. ad Trallianos. *S. Ignatius.*  
*Et expletis tribus annorum decadibus, baptizatus est à Joanne, verè, ac non opinione, & tribus annis prædicato Evangelio, ac factis signis, & prodigijs, tandem à Pseudo Iudæis, & Pilato Præfide indicatus est, mortuus, & sepultus. Compleuerat annum 30. quando baptizatus est, tribus integris annis prædicauit, illisque elapsis, crucifixus est; itaque anno 34 iam labente.*

S. Euodius sancti Petri discipulus epist. quæ inscribitur Lumen, apud Nicephorum lib. 2. cap. 3. *S. Euodius.*  
*Peperit autem mundi ipsius lucem annum agens quindecimum*

25 Decembris. Deinde annos peregit triginta tres, quos etiam aeternum, & antefaculare Verbum, & filius eius egit in terris.

10. Chryso-  
stomus. Fasti  
Siculi. Nicetas.  
Græci,  
Latini passim.

S. Ioannes Chrysostomus in sermo. de B. Io. Baptista. Author Fastorum Siculorum, Nicetas, Græci scriptores Græcam certe Ecclesiam sequuti, Aurelius Cassiodorus, Marianus Scotus, Ortho Fritingen. Hermannus Contractus, & vniuersa Chronographorum cohors trigesimo quarto ætatis anno Dominum passum scripsere.

Anno xv.  
Tiberij Consulib.  
Geminis.

2. At quibus Consulibus, & quo anno Tiberij crucem pro salute nostra subiecit, quæstio paulò intricatior est. Antiquitas tamen in Consulatam duorum Geminorum, in quem incidit annus quintus decimus Tiberij, multò quàm in alios propensissima est. Tertullianus in libro contra Iudæos. *Passio perfecta est sub Tiberio Cesare Consulibus Rubellio Geminio, & Rusto Geminio.* Iulius Africanus apud Hieron. in 5. c. Danielis. Inde (à fine regni Macedonum) usque ad xv annum Tiberij Caesaris, quando Christus passus est, numerantur anni sexaginta.

Tertullianus.

Africanus.

Hippolytus.

S. Hippolytus Episcopus & Martyr descripsit antiquum Iudæorum Cyclum annorum sedecim perpetuo in se recurrentium. In eoque testatum reliquit, primum Imperij Alexandri incidisse in primum eius Cycli annum, & Passionem Christi in annum ultimum eius, VIII Kal. April. & Feriam VI. Si à primo Alexandri Cyclus in anteriora reuoluatur, annus signatus characteribus Passionis incurreret in Consules Geminos. Anonymus author brevis cuiusdam Chronici ab exordio mundi ad XIII eiusdem

Anonymus  
Hippolyti  
contemporaneus.

dem Imperatoris, lib. 1. c. 17. *A Passione Christi*, inquit, usque ad hunc annum, qui est xiii Alexandri, anni cccvi. Tot ad vnguem anni sunt à Consulatu duorum Geminorum ad XIII Alexandri. Lactantius diuinar. instit. lib. 4. c. 10. Sub Herode Iudeorum Tetrarcha anno xv Imperij Tiberij Caesaris. Et cap. 14. Zacharias adoleuit Darij, & Alexandri etate annis 500 ante annum xv Imperij Tiberij Caesaris, quo Christus crucifixus est. Lactantius.

Apud præstantissimum Senatorem Aqueensem Nic. Fabricium Peiresci dominum antiquæ sunt membranæ, in quibus Catalogus Pont. Romanorum à Petro ad Liberium in initio sic habet: Imperante Tiberio Cæs. passus est Dominus N. Iesus Christus duobus Geminis Coss.

Sulpitius Seuerus lib. hist. sac. 2. Dominus crucifixus est Fusio Geminio, & Rubellio Geminio Consulibus. Augustinus lib. de Trinit. 18. c. vlt. Mortuus est Christus duobus Geminis Cōsulibus. Clemens Alex. 1. Strom. Quintodecimo ergo anno Tiberij, & xv Augusti implentur 30 anni usque ad tempus, quo passus est. Georgius Cedrenus. Tempus etiam passionis à Romanis exactius designatur, nam in Consulatu Gemini passum esse significarunt. Et demum Euangelium, quanquam apocryphum, antiquissimum tamen, quo utebantur Gnostici apud Irenæum lib. 2. c. 28. Commentarius eorum, quæ facta sunt in D. N. Iesum Christum sub Pontio Pilato &c. anno quinto decimo Imperij Tiberij Caesaris, &c. sub Consulatu Rufi & Rubellionis. Sulp. Seuerus.  
Augustinus.  
Clem. Al.  
Cedrenus.  
Euangelium Nicodem.

3. His adiungendi sunt, qui etsi neque Consules Geminos, neque annum XV. Tiberij expresserunt, Dominum tamen passum scripserunt annorum tri-

*Alij nonem Patres.*



<sup>a</sup> Tract. 35. <sup>g</sup>inta. Quorum ex numero sunt Origenes<sup>a</sup>, Apol-  
<sup>in Matth.</sup> <sup>b</sup> Linaris<sup>b</sup> Laodiceus, Hieronymus<sup>c</sup>, Philastrius<sup>d</sup>,  
<sup>b</sup> <sup>Apud</sup> Idacius<sup>e</sup>, Bernardus<sup>f</sup>, Chrysologus<sup>g</sup>, Haimo<sup>h</sup>, &  
<sup>Hieron. c. 9.</sup> <sup>Dan.</sup> sunt demum qui in hac sententia etiam Sedulium  
<sup>c</sup> <sup>Ep. 22.</sup> fuisse existimant, ex quo canit Ecclesia<sup>i</sup>

<sup>d</sup> <sup>Con. he-</sup> *Lustris sex qui iam peractus,*  
<sup>ref. c. de an-</sup> *Tempus implens corporis,*  
<sup>nis Christi.</sup> *Se volente natus ad hoc*  
<sup>e</sup> <sup>Collect.</sup> *Passioni deditus*  
<sup>chronolog. c.</sup> *Agnus in cruce leuatur*  
<sup>34.</sup> *Immolandus stipite.*

<sup>f</sup> <sup>Serm. 2. de</sup> *Recepta itaque, ut vides, antiquiorum Patrum sen-*  
<sup>ver. Apost.</sup> *tentia fuit, Christum passum esse consulibus Gemi-*  
<sup>g</sup> <sup>Serm. 2. de</sup> *nis, eorumque animis altis adeo infixis radicibus,*  
<sup>Christi in</sup> *ut plerique asserere maluerint, passum esse illum an-*  
<sup>Egypt. su-</sup> *nos natum triginta, quam inde recedere.*  
<sup>ga.</sup>

<sup>h</sup> <sup>In Matth.</sup>  
<sup>c. 2.</sup>  
<sup>i</sup> <sup>Domin.</sup>  
<sup>Passionis.</sup>

*Difficulta-*  
<sup>tes duæ in</sup>  
<sup>hoc Consul-</sup>  
<sup>tu.</sup>

<sup>4.</sup> Hic tamen annus Tiberij, & hi Consules duas  
 habent difficultates, alteram testimonium Sancti  
 Lucae, qui c. 2. asserit, Christum, (quem post baptismum  
 quatuor Paschata celebrasse, constat ex Euangelio),  
 baptizatum fuisse anno quinto decimo Imperij Tiberij  
 Caesaris, cum esset incipiens quasi annorum triginta. Alte-  
 ram, quod publicis Fastorum omnium tabulis testa-  
 rum videmus, anno quintodecimo Tiberij Consu-  
 les fuisse Geminos duos. Propterea passio in Consu-  
 latum Geminorum duorum conferri non posse vi-  
 detur, nisi quis aut contra Traditionem Christum  
 vixisse tantum annos triginta, quod plerique fecere;  
 aut contra totam antiquitatem non anno quinto-  
 decimo, sed decimo octauo, vel decimo nono Ti-  
 berij duos Geminos Consules fuisse, assertum ear.

Torsit semper locus hic omnes scriptores, vicissimque tortus ab eis, & retortus est, nullus tamen hætenus fuit, qui conciliarit quintumdecimum annum Tiberii, & Consulatum duorum Geminorum cum trigésimo quarto ætatis Christi. Vnus Ioannes Georgius Heruartius vir plane eruditus id facere aggressus est, sed inani conatu, vt dicam, quanquam sua laude fraudandus non est, quòd aliqua viderit, quæ ante eum nemini prorsus fuerant obseruata. Et prima quidem fronte paradoxum videtur, fateri, Christum baptizatum esse anno ætatis suæ trigésimo primo labente, & passum trigésimo quarto; fateri trigésimum Christi fuisse Tiberii quindecimum, eoque fuisse Consules Geminos duos, & nihilominus propugnatum ire, quod Christus passus sit anno quintodecimo Tiberii, Consulibus Geminis. Id tamen verum est, & illud est, quod ego nunc explicandum suscipio.

5. Tiberium imperasse ne dum solum, sed & cum Augusto annis aliquot, scripserunt Paterculus, Tranquillus, & Tacitus; sed Tacitus Imperium ei collatum putat eo ipso tempore, quo ab Augusto adrogatus est, & ascitus in familiam Cæsarum; Tranquillus decennio post, nimirum post actum de Pannonia, & Dalmatia triumphum, anno vitæ Augusti supremo, Paterculus inter adrogationem & triumphum.

Tacitus annalium primo post mortem Cæi, & Lucii Cæsarum, Nero *solus*, inquit, è primignis erat, illuc cuncta vergere, Filius, Collega Imperij, Consul, Tribunitia potestatis adsumitur, omnesque per exercitus ostentatur.

*Tranquillus.* Tranquillus in Tiberio c. 20. à Germania in Urbem post biennium regressus, triumphum, quem distulerat, egit. 21. At non multo post, lege per Consules lata, ut Prouincias cum Augusto communiter administraret, simulque censum

*Paterculus.* ageret, condito lustro in Illyricum profectus est. Paterculus lib. 2. post narratam vindictam Varianæ cladis, anno ab adrogatione quinto, & sexto. Eadem, inquit, virtus & fortuna subsequenti tempore ingressa animam Imperatoris Tiberij fuit, quæ initio fuerat, &c. Et Senatus Populusque Romanus postulante patre eius, ut equum ei ius in omnibus Prouincijs, exercitibusque esset, quam erat ipsi, decreto complexus esset (etenim absurdum erat non esse sub illo, qui ab illo vindicabantur, & qui ad opem ferendam primus, ad vindicandum honorem non iudicari parem.)

*Paterculus alijs præfens.* In urbem reuersus, iam pridem debitum, sed continuatione bellorum dilatum ex Pannoniis, Dalmatiisque egit triumphum. Quo in dissidio nemo non steterit à Paterculo, qui cum Tiberio vixit, militauit, & Præfectura, Quæstura, legatione, Prætura, Augusto deferente functus, omnium, quæ de Tiberio scripsit ad XVI vsque annum ab excessu Augusti, fuit testis oculatus.

*Initium Imperij Tiberij Augusto vivente, anno post adrogationem octiano.* Inquirendum tantummodo est, quoto post adrogationem anno id factum narret.

5. Bellum, quod in Germania, Pannonia, & Dalmatia gessit Tiberius, per ætates, & hyemes à Paterculo sicut Peloponnesiacum à Thucydide digestum est, quo ordine eius verbis dicam.

*Cap. 13. Prima astra.* Itaque quod post Lucij mortem, adhuc Caio viuo facere voluerat, eoque repugnante vehementer Nerone, erat inhibitus, post utriusque adolescentium obitum facere perseueravit, ut, & Tribunitia potestatis consortium Neroni

constitueret, multum quidem eo cū domi, tum in Senatu recusante, & cum Ælio Cato & Sentio Consulibus quinto Kal. Iulias post urbem conditam annis septingentis quinquaginta quatuor, ab hinc annis viginti septem adoptaret. Cap. 104. Non diu vindicem, custodēque Imperij sui morata in Vrbe Patria protinus in Germaniam misit. Cap. 105. Neque verbis exprimi, & fortasse fidem vix mereri potest; intrata protinus Germania, subacti Caninefates, Actuani, Bructeri, recepti Cherusci, gentes; & annis mox nostra clade nobilis transitus Visurgis, penetrata ultiora. Anni eius aestiua vsque in mensem Decembrem producta immanis emolumentum fecere victoria.

Pietas sua Casarem, pene obstructis hyeme alpibus, in urbem retraxit. Prima hyems.

Eum veris initio reduxit in Germaniam, in cuius medijs finibus ad caput Iuliæ fluminis hyberna digrediens princeps locauerat. C. 106. 2. aestas. Prò Dij boni quanti voluminus opera in sequenti aestate sub Duce Tiberio Casare gessimus? Perlustrata armis tota Germania est, victa gentes penè nominibus incognita, recepta Cauchorum nationes, fracti Longobardi, gens etiam Germana feritate ferocior, denique quod nunquam antea spe conceptum, nedum opere tentatum erat, ad 400 milliarium à Rheno vsque ad flumen Albin, qui Senonum, Hermundorūque fines præterfluit, Romanus cum signis perductus exercitus.

Victor omnium gentium, locorūque, quos adierat Casar cum incolumi, inuiolatōque, & semel tantummodo, magna tamen clade hostium fraude eorum tentato exercitu, in hyberna legiones reduxit, eadem, qua priore anno, festinatione Urbem petens. C. 107. 3. hyems.

Nihil erat iam in Germania, quod vinci posset, præter Cap. 108.

gentem Marcomannorum, quæ Maroboudo Duce excitata sedibus suis, atque in interiora refugiens incinctos Hercinia sylvæ campos incolebat. Cap. 109. Hunc virum, & hanc regionem proximo anno diuersis è partibus Tiberius Cæsar aggredi statuit. Cap. 110. Rumpit, interdum moratur proposita hominum fortuna. Præparauerat iam hyberna Cæsar ad Danubium, admotoque exercitu, non plus quàm quinque dierum iter à primis hostium Saturninorum admoventi placuerat, cum vniuersa Pannonia insolens longæ pacis bonis, & adulta viribus Dalmatia, omnibus tractus eius gentibus in societatem adductis, ex constituto arma corripuit. Tum necessaria gloriosis præposita, neque tutum visum, abdito in interiora exercitu vacuum tam vicino hosti relinquere Italiam. Cap. 111. Itaque ut præsidium militum Resp. ab Augusto Ducem in bellum poposcit Tiberium, quas nos primo anno acies hostium vidimus? quantis prudentia Ducis opportunitatibus furentes eorum vires vniuersas euasimus partibus? qua prudentia hyberna disposita sint? quanto opere inclusus custodijs exercitus nostri, ne qua posset erumpere, inopsq; copiarum, & intra se furens viribus hostis elanguesceret?

Cap. 112. Fælix euentu, fortis conatu prima æstate belli Messalini opus mandatum est memoria, &c.

Cap. 113. Et ipse asperrima hyemis initio regressus Scisciam, legatos, inter quos ipsi fuimus, partitis præfecit hybernis.

Cap. 114. Sed in sequenti æstate omnis Pannonia reliquiis totius belli in Dalmatia manentibus pacem petiit.

5. æstas. 5. hyems. Autumnus vi etor in hyberna reducitur exercitus.

Cap. 115. Initio æstatis Lepidus educto hybernis exercitu, pergētes integras, &c. Illa æstas maximi belli consummauit effectus. Cōfirmat hoc triennium belli Dalmatici Tranquillus

in Tiberio, c. xx. sequitur Paterculus. Cap. 117. *Tantum*  
*quod ultimam imposuerat Pannonico, ac Dalmatico bello*  
*Cæsar manum, cum intra quinque consummati tanti operis* *Clades Pa-*  
*dies, funesta ex Germania epistola, Cæsi Vari, trucidata-*  
*rumque legionum trium, totidemque alarum, & sex cohort-*  
*tium.* Cap. 120. His auditis reuolat ad patrem Cæsar per- *riana.*  
 petuus patronus Romani Imperij, assuetam sibi causam sus- *Cap. 120.*  
 cipit, mittitur ad Germaniam, Gallias confirmat, disponit  
 exercitus, præsidia munit. Arminio territo, quem arguisse  
 pater, & Patria contenti erant, penetrat interius, aperit  
 limites, vastat agros, uris domos, fundit obuios, maximaque  
 cum gloria incolami omnium, quos transduxerat, numero, in 6. hyems.  
 hyberna reuertitur.

Eadem & virtus, & fortuna subsequenti tempore in- *Cap. 121.*  
 gressa animam Imperatoris Tiberij fuit, quæ initio fuerat, *7. æst. æ.*  
 qui concussis hostium viribus, classicis, peditumque expedi-  
 tionibus, quum res Galliarum maxime nobis accensâsque  
 plebis Viennensium dissensiones coercitione magis, quam  
 pœna mollisset, & Senatus, populûsque Romanus, postulan-  
 te patre eius, ut æquum ei ius in omnibus prouinciis, exerci-  
 tibusque esset, quàm erat ipsi, decreto complexus esset, (ete-  
 nim absurdum erat, non esse sub illo, quæ ab illo vindica-  
 bantur, & qui ad opem ferendam erat primus, ad vindican-  
 dum honorem non iudicari parem) in urbem reuersus iam  
 pridem debitum, sed continuatione bellorum delatum ex  
 Pannonijs, Dalmatiisque egit triumphum.

6. Deserit quidem hic nos Paterculus septima *Paterculus*  
 nimirum æstate, neque ætatis, hyemisue deinceps *deserit in*  
 mentio vlla. Quare aliunde arcessenda testimonia *septima æ-*  
 temporis, quod ad imperium vsque à Tiberio susce- *state belli.*  
 ptum reliquum fuit. Dio Cassius lib. 56. Anno sequenti

Tiberius adem Concordiæ sacrauit inscripto suo, & fratris Drusipridem vita functi nominibus. Qui Consules anno illo sequenti fuerint, è vestigio subiecit. *M. Æmilio Lepido, Statilio Tauro Consulibus, Tiberius, & Germanicus impressionem in Germaniam fecerunt.* Fuit verò hoc octauum Consulum par à Cæso, & Saturnino. Templum Concordiæ à Tiberio dedicatum post triumphum, scripsit Tranquillus. *A Germania in urbem post biennium regressus, triumphum, quem distulerat, egit. Dedicauit, & Concordiæ adem; item Pollucis & Castoris, suo, fratrique nomine de manubiis.* Annus acti Triumphi, & dedicati Concordiæ Templi fuit secundus à clade Variana, & ab egressu Tiberij ex Tranquillo, atque ideo octauus ab adoptione. Imperium Tiberio delatum fuit post septimam æstatem ab adoptione, & ante Triumphum ex Paterculo; igitur octauo ab adrogatione sua Tiberius confors imperij Augusto factus fuit, *M. Æmilio Lepido, & T. Statilio Tauro Cōsulibus.* Quod si his Consulibus Tiberius suscepit imperium, & Augustus decessit Consulibus duobus Sextis, annis quatuor Tiberium cum Augusto regnasse necesse est, quum inter illos Consulatus sint tria Consulum paria.

*Imperium  
Tiberio col-  
latum anno  
post adroga-  
tionem octa-  
uo.*

7. Confirmat hanc supputationem testimonium Dionis lib. 56. qui quum adoptionem Tiberij constituisset in anno V.C. 757 ad annum 765 nonum scilicet ab adrogatione hæc habet: *At verò Augustus senectute iam grauis, Germanicum Senatui, Senatuum Tiberio commendauit.* Quod non fecisset, nisi Tiberius princeps iam declaratus fuisset, vt quæ esset proportio Senatus ad Germanicum, ea esset Tiberij ad Senatum.

8. Heruar-

Heruarius nullum non mouet lapidem vt persuadeat, Tiberium imperasse post excessum Augusti annos tantum vnum & viginti, duos Augusto viuentē, totum principatum Tiberij, tam ante, quàm post obitum Augusti concludens annis illis tribus, & viginti vulgatis. At quàm frustra, docent duo eius Imp. monumenta. Tiberij sepulchrum ita inscriptum est,

*Heruarius  
inanis conatus.*

## O S S A

TI. CAESARIS. DIVI. AVG. F. AVGVSTI *Apud Græcorum pag. 236.*  
PONTIFICIS MAXIMI  
TRIB. POTES XXXIIX IMP.  
VIII. COS. V.

9. Onuphrius in Fastis meminit huius nummi aurei, qui, vt apparet ex titulo Diui, si non post, saltem eo ipso anno cusus est, quo Augustus decessit:

TI. CÆSAR. DIVI. AVG. F. AVGVSTVS IMP.  
VIII. TRIB. POTES. XVI.

10. Sedecimo Trib. potestatis Tiberii Augustus decessit, trigesimo octauo Trib. Pot. suæ Tiberius mortuus est; ergo annis fere tribus & viginti Tiberius Augusto superuixit, atque ideo si quid cum Augusto regnauerit, id ante annum ab adoptione XI. querendum est, vti fecimus nos, non post, vt Heruarius, quemadmodum ex subiecto diagrammate videre est.



*Mira ergo res est  
quod Deckerius et  
suslyga annos  
Trib. Pot. Tiberij  
putatos fuisse di-  
cant à Consulatu  
duorum Sextorum  
post excessum Au-  
gusti; quum Tibe-  
rius ipse illis Coss.  
annum decimum  
seximum numeraret.*

Consules.	Anni adoptio- nis.	Trib. potest.	Imperi ab Au- gusto primum incepit.	Ab excessu Au- gusti.
Catus, & Saturninus	1	6		
Messalla, & Cinna	1.2	6.7		
Lepidus, & Nepos	2.3	7.8		
Nerua, & Silanus	3.4	8.9		
Camillus, & Quinctilianus	4.5	9.10		
Sabinus, & Camerinus	5.6	10.11		
Dolabella, & Silanus	6.7	11.12		
Lepidus, & Taurus	7.8	12.13	1	
Germanicus, & Capito	8.9	13.14	1.2	
Nepos, & Plancus	9.10	14.15	2.3	
Sexti duo	10.11	15.16	3.4	1
Drusus, & Norbanus	11.12	16.17	4.5	1.2
Sitenna, & Libo	12.13	17.18	5.6	2.3
Rufus, & Flaccus	13.14	18.19	6.7	3.4
Tiberius, & Germanicus	14.15	19.20	7.8	4.5
Silanus, & Balbus	15.16	20.21	8.9	5.6
Messalla, & Corra	16.17	21.22	9.10	6.7
Tiberius, & Drusus	17.18	22.23	10.11	7.8
Galba, & Agrippa	18.19	23.24	11.12	8.9
Pollio, & Vetus	19.20	24.25	12.13	9.10
Cathecus, & Varro	20.21	25.26	13.14	10.11
Itauricus, & Agrippa	21.22	26.27	14.15	11.12
Getulicus, & Sabinus	22.23	27.28	15.16	12.13
Crassus, & Piso	23.24	28.29	16.17	13.14
Silanus, & Nerua	24.25	29.30	17.18	14.15
Gemini duo	25.26	30.31	18.19	15.16
Quartinus, & Longinus	26.27	31.32	19.20	16.17
Tiberius, & Seianus	27.28	32.33	20.21	17.18
Donatius, & Vitellius	28.29	33.34	21.22	18.19
Galba, & Scylla	29.30	34.35	22.23	19.20
Pericus, & Nepos	30.31	35.36	23.24	20.21
Gallus, & Nonianus	31.32	36.37	24.25	21.22
Lænanus, & Gallienus	32.33	37.38	25.26	22.23
Proculus, & Nigrinus	33	38.39	26.27	23

Vides itaque Tiberium Augusto correxasse annis quatuor, solum regnasse annis viginti duobus, & parte vigesimi tertii.

II. Consueuisse annos Tiberii, vt aliorum Imperatorum apud veteres putari interdum etiam à tempore Principatus primum suscepti, testis est Clemens Alexandrinus, Strom. qui Tiberium regnasse scribit annis XXVI mensibus sex, diebus viginti nouem. Quum enim vno scriptorum omnium, monumentorum omnium consensu certum sit, post Augustum vixisse illum annos tantum XXII menses sex, & dies 26. quadriennium illud, quo abundat Imperium eius apud Clementem, necessariò referendum est ad viuentem Augustum. Et familiare fuisse cum Hebræis, tum gentibus aliis tempora Principum hac ratione putare, multò apertius constabit ex his, quæ dicenda erunt cap. vltimo de annis Nabuchodonoxori Regis Babylonis.

Vt ergo tollatur dissidium inter Consulatum Geminorum & trigésimum quartum ætatis Christi, & baptismus Christi anno trigésimo, cum anno quindecimo Imperii Tiberii Cæsaris redeant in gratiam; Euangelistam Imperium Tiberii inde putasse dicendum, vnde Clemens Alexandrinus, hoc est, ab anno post adoptionem octauo, quo primum quoad Prouincias Tiberius collega Augusti in Imperio factus fuit. Sic enim Christus reuera passus erit anno XXXIV labente ætatis suæ, Consulibus duobus Geminis, & anno quintodecimo Tiberii, scilicet ab excessu Augusti, vt antiquitas tradidit; quum tamen ante annos quatuor, dum iniret ætatis suæ annum

*Tempora Tiberij putata ante excessum Augusti.*

*Quò concilianda mors Christi anno Tiberij XV, cum baptismo anno eiusdem Imperatoris XV.*

trigesimum primum, & Tiberius numeraret quinde-  
cimum ab imperio primum suscepto, fluuio Iorda-  
ne baptizatus fuisset.

*Cur hac sen-  
tentia cate-  
ris præfere-  
nda.*

12. Quod hanc ego sententiam cæteris antepo-  
nam, præter consensum antiquitatis, à qua in hu-  
iusmodi rebus recedere & nequeo, & nolo, multa  
persuadent. In primis verò, quòd ea posita, Christus  
passus fuisset feria sexta, vigesima quinta Martii, &  
luna quinta decima mensis primi; quod etsi Eccle-  
siastica autoritate receptum est, alia tamen ratione  
defendi non potest.

*Christum  
passum xxv  
Martij.*

Ex antiquioris Ecclesiæ traditione tenuisse fide-  
les Dominum in cruce mortalitatem exuisse Martii  
XXV die, qua ante annos quatuor, & triginta illam  
induerat, testem habemus antiquitate insignem  
Tertullianum, duosque alios sapientia & sanctitate  
grauissimos, Hippolytum Episcopum & Martyrem,  
& Augustinum; præter antiquissimum Catalogum  
Rom. Pontificum. Tertullianus lib. contra Iudæos.

*Tertullianus*

*Passio, inquit, perfecta est sub Tiberio Casare, Coss. Ru-  
bellio Gemino, & Rufio Gemino, mense Martio, tempori-  
bus Paschæ, die viii Kalendarum Aprilium, die prima*

*Hippolytus.*

*azymorum.* Hippolytus ducentis ante Augustinum  
annis, in marmorea tabula sua Paschali, cui anti-  
quiora quædã intersperxit, passionē Domini affixit  
VIII Kal. Aprilis, & feriæ sextæ. Schedæ peruerustæ  
apud Peiresci dominum, quarum supra meminimus,  
in Catalogo Episcoporum Urbis Constantii Au-  
gusti ætate confecto; Imperante Tiberio Cas. passus est  
Dominus N. Iesus Christus duobus Geminis Coss. viii Kal.  
Aprilis. Augustinus lib. de Trin. 4. c. 5. Sicut à maiori-

*Augusti-  
nus, & Ec-  
clesia.*

bus, inquit, *acceptum Ecclesiæ custodit authoritas, viii Kal. Aprilis conceptus creditur, quo & passus.* Ecclesiæ auctoritate vsque ad ea tempora traditionem hanc fuisse custoditam, testis est primæuum illud Martyrologium Romanum adeo à Baronio desideratum, quod ex antiqua Bibliotheca Colonienſi erutum anno 1517 publici iuris fecit Heribertus Rosueyduſ; ad diem enim XXV Martij habet. *Annunciatio D-* *Ecclesiæ Romanæ.*  
*minica, & Crucifixio.* Hinc tanquam à fonte riuuli, antiquiora Ecclesiarum Italiæ, Angliæ, Galliæ, Hispaniæ Kalendaria deriuata. Est apud Bedam in Ephemeris Kalèdarium cum titulo: *Annus Romanus,* cuius hæc est XXV Martij. *Annunciatio Virginis Mariæ. Dominus crucifixus est.* Ad eandemque diem Martyrologium ab eo carmine expressum. *Anglicana.*

*Angelus octaua venturum nuntiat Agnum,*

*Agnus & ipse cruce mundi pro morte leuatur.*

Kalendarium Romanum antiquum præpositum *Italica.*  
 Sacramentario Sancti Gregorij manuscripto Vaticano peruetusto ad diem XXV Martij habet: *Annunciatio, conceptio, & Passio Domini.* Alterum Kalendarium scriptum anno MCLX, & Breuiarium quoddam antiquitatis non contemnendæ habent Resurrectionem Domini ad diem. VI. Kal. Aprilis; & hæc tria in Vaticana sunt, num. 3806. .... 4753. Alphonsus *Hispanica.*  
 Tostatus huius traditionis hostis supra modum infensus, faterur, pro ea obiecta fuisse sibi antiqua aliquot Kalendaria, & inter cætera vnum Sancti Isidori Episcopi Hispalensis, qui floruit circa annum Domini 630. Vir optimus & doctissimus Hieronymus *Gallica.*  
 Aleander selectioris antiquitatis tam Ecclesiasti-

cæ, quàm sæcularis instructissimum condimentarium, mihi rem inquirenti quatuor Kalendaria antiqua Ecclesiæ Gallicanæ commodauit, Romanis, Britannis, Hispanis hac ex parte omnino consentientia. Vnum ex antiquo M.S. Ecclesiæ Sancti Victoris annorum fere trecentorum; alterum ex antiquo M.S. Ecclesiæ sancti Germani, tertium ex antiquo M. S. Ecclesiæ sanctæ Genouefæ Parisiense. Quartum veteris Ecclesiæ Cluniacensis editum Parisiis anno 1546. quorum duo priora affixam habent Passionem Domini in VIII Kal. Aprilis, duo posteriora Resurrectionem in VI Kal.

*Hieronymus*

Bridfertus Ramesiensis in cap. 45. Bedæ de ratione temporum refert verba Hieronymi in Martyrologio, quod ego nusquam vidi. *viii Kal. Aprilis Hierosolyma Dominus crucifixus est.*

*Ex Bedæ  
plures.*

*Chronologi  
passim.*

Beda eodem capite. *Quod autem viii Kal. Aprilis crucifixus, vi Kal. earundem resurrexit, multorum latè Doctorum Ecclesiasticorum constat sententia vulgatum.* Mitto Marianum Scotum, Addonem, Sigebertum, aliósque scriptores illustres; quibus enim satis non sunt, quæ dicta sunt, quid satis esse possit, prorsus ignoro.

*Impugnatores  
xxv Mar.  
tj qui, &  
quando.*

13. Quod genus hominum in hanc traditionem principio impetum fecerit, audiendus est, qui illis nomen dedit Alphonsus Tostatus 2. part. defensorij c. 19. *De hoc tamen aliquando, inquit, diebus nostris, & prius in curiis duorum Pontificum magna quæstio facta est, & tenentibus communiter Doctoribus Theologiæ, quod fuerit mors Christi viii Kal. Aprilis, iuxta Augustinum; inuocati sunt Astrologi, & Iudæi, & virique di-*

xerunt, impossibile fuisse, mortem Christi fuisse illa die; *In dai & Astrologi circa annum Domini 1431.*  
 scilicet, quia Astrologi inueniebant repugnare via Astrologia, scilicet, quia die mortis Christi erat luna XV & plena, ut necesse est dari ex Evangelio, ut supra probatum est, & tamen die Annunciationis non erat XV sed multo prior & minor. Iudæi autem reperiiebant hoc repugnare terminis suarum solemnitatum. Nam ut constat ex omnibus Evangelistis, mors Christi fuit prima die azymorum, vel secunda, secundum aliam computationem; & tamen die Annunciationis nondum incaperat festum azymorum, sed multo post in illo anno, quo Christus mortuus est, siue dicatur mortuus anno 33 siue 34 ætatis suæ inchoato, & ob hoc fuit magna discordia inter Doctores Theologos communes, & Astrologos, & Iudæos, nec potuerunt conuenire in unam sententiā. Qui ergo pro traditione steterūt, ij fuerunt omnes Theologi, qui contra, Astrologi & Iudæi, duo scilicet laudata hominum genera. Etsi verò è iudicio discessere discordes, non tamen ita inde discessum, ni fallor, quin nota aliqua impugnatoribus antiquitatis inusta sit.

Quod etsi certis argumentis confirmare non possum, non defunt tamen coniecturæ graues. Queritur nimirum in Proëmio Tostatus, assertionem suam primo erroneam, & hæreticam censitam esse, post præsumptuosam saltem, & superbam. Quod factum non fuisset, si paulo ante decreto Pontificum, aut absoluta, aut ampliata fuisset. Et in eo tractatu digreditur citra necessitatem ad differendum de Potestate Pontificis, & Concilii, subiicitque Concilio Pontificem, eique adimit infallibilitatem in decernendo de fide, ut totam transferat in Con-

cilium Generale, non facturum certè, nisi parum prosperè cessissent res Astrologis, & Iudæis, quando apud Pontifices contra XXV Martii disseruerunt.

14. Et si verò progressu temporis è Martyrologiis & Kalendariis Passio Domini è XXV Martii sublata fuit, non ideo id factum ab Ecclesia est, quòd minus veram putaret antiquam traditionem, ut iactat Tostatus, sed ne contra receptum morem, eius recitaretur memoria, die, qua non colitur, quum vaga sit, & ex Ecclesiæ instituto nulli affixa diei.

*Qua urgeatur difficultate.*

Eius defensio vna hac vrgetur difficultate, quod si annis singulis Æræ Christi motus syderum ad calculos reuocentur, nunquam Luna XV mensis primi occurreret in feriam VI & Martii XXV ante annum 175, ad quem vsque dicere Christum vixisse, insanum est.

Quo argumento Tostatus vexillum extulit contra antiquitatem, eoque superati quicunque de hac controuersia à multis retro annorum curriculis scripserunt, Traditione despecta, à Patribus & Theologis, ad Iudæos & Astrologos defecerunt, retentâque feria sexta, & Luna XV mensis primi, alias vel Martii vel Aprilis dies amplexati sunt, prout sua quemque traxit, vel ratio, vel voluntas.

*Probandum, Consilium Geminis fuisse xxv Martii, feriam sextâ, & lunam xv mensis primi.*

Mihi verò, qui Dominum passum dico Consilium Geminis, quum esset annorum quatuor & triginta, Antiquitatem & Traditionem ab Astrologis & Iudæis vindicare facile est. Sed antequam de Luna contra Astrologos dicam, de Feria contra Chronologos est disceptandum.


15. Ex

15. Ex Cyclo Dionysij ( si tamen Dionysij est) quo *Feria vj.*  
Ecclesia vitur, certum est annum XXIX æræ cur-  
rentis à Christi natiuitate habuisse Cyclum Solis X  
& Dominicalem litteram B. quare si Consulatus  
duorum Geminorum incidit in annum illum, du-  
bitari non potest, quominus XXV Martij fuerit  
Feria sexta. Tota difficultas est, an Gemini Consules  
fuerint anno XXIX istius æræ; ex serie enim Chro-  
nologię Romanæ, eius præfertim, quam concin-  
nauit Panuinius, Geminorum Consulatus fuit æræ  
vulgaris trigessimus primus, & habuit Cyclum Solis  
XII. & Dominicalem litteram G. ex qua XXV Mar-  
tij incidit in Dominicam. Quare aut caussa nobis  
cedendum est, aut probandum, Consulatum Ge-  
minorum biennio nobis proximiorum in Fastis esse,  
quàm reuera fuerit. Quod vt verissimum est, ita fa-  
cillimum cognitu, si prius necessaria quædam ex-  
plicentur.

Cyclus Solis est periodus annorum viginti octo *Cyclus solis*  
solarium, qua periodo certa quadam serie illa se- *quid.*  
prem elementa A. B. C. D. E. F. G. quæ litteræ Do-  
minicales dicuntur, sic disposita sunt, vt post vige-  
simum quemque octauum annum, singuli quique  
dies anni solaris ad easdem hebdomadæ ferias re-  
uertantur, vt ex subiecto eius schemate videre  
est.

M





Dicitur Cyclus Solaris, quia Solarem annum moderatur. Diffinitur annis *xxiix*. quia litteræ Dominicales sunt septem, & bissextus quarto quoque anno ex quadrante confurgit. Ductæ verò feriæ in bissextos, septem in quatuor, emergunt *xxiix*. quo annorum spatio bissextus omnes per Ferias vagatur, & ad eandem litterarum seriem tandem recurrit, à qua primùm recesserat. Litteræ Dominicales in anteriora procedunt, quia annus Solaris commu-

nis est dierū 365. intercalaris 366. qui diuisi in hebdomadas reddunt in communi hebdomadas 52 & diem vnū, in intercalari hebdomadas quinquaginta duas, & dies duos. A. quæ Kalendarij Iuliani prima littera est, eadem est etiam eiusdem anni suprema: Hinc si hoc anno, est index Dominicæ, anno altero, si communis sit, fit index feriæ secundæ, tertiæ, si intercalaris.

16. Huius Cycli constantia tanta est vt nedum *Constantia Cycli Lunares*, verum ipsæ etiam cœlestium *Cycli Solis.* motuum periodi illi conferri non possint. Incredibile est, quot Cycli Lunares in Ecclesia Catholica recepti, reiectique sint: Et Gregorius XIII fatetur, in nullo penitus Lunari Cyclo omnia nos effugere incommoda posse. Metonis obseruationes correxit Calippus, Calippicas Hipparchus, Hipparchæas Ptolomæus, Ptolemaicas Albategnius, Albategnianas Alphonsus, Alphonsinas Copernicus, omnes Tycho, in quo tamen multa iam à multis desiderantur. De defectibus luminarium, quod multis insuperabile argumenti genus videtur, non minus Astronomi, quam de reliquis Chronologi velitantur: omnibusque obstruxit os Tycho, qui ab exordio mundi ad supremam eius diem quorannis sex luminarium eclipses fuisse futurâsque esse asseruit, vulgatumque illud Astronomorum principium, *ad Epochas Astronomicas constituendas tres eclipses sufficere*, vti falsum derisit. Vnde eius alumnus Christianus Longomontanus author Astronomiæ Danicæ Theoricorum lib. 1. c. 2. prorupit in hæc verba. *è tali eclypsum triade compendiosè magis, quàm prudenter*

M ij

à Ptolemæo, aut fortè eius antecessoribus introducta, & postea à Copernico inani applausu frequentata, nobis vehementer impositum est. Solus Cyclus Solaris est, qui omnis erroris, omnisque vicissitudinis experts, nunquam non similis sibi, vno, & eodem passu semper in seipsum recurrit. Ideo si semel scias numerum eius ad datum aliquem annum, inde ante, & retro in infinitum tutò progredi potes, & agnito characterè duorum annorū, illorum interuallū ex eius periodis colligere, & chronologiæ, si qui irrepserunt, errores deprehendere, & castigare. Ex eo igitur inquiramus, an istius biennij error irrepserit in Romanam Chronologiam.

*Cyclus sancti Hippolyti primus à primo Alexandri Seueri anno consurgit.*

17. Sanctus Hippolytus Episcopus Portuensis, qui sub Alexandro Seuero vixit, & floruit, scripsit illum Cyclum Paschalem annorum 112, quem in illo marmoreo sedili inciderunt antiqui, cui ad hanc usque diem insidet eius statua in Vaticano. Bis sculptum ibi est, annum illius cycli primum fuisse etiam primum Imperij Alexandri. Diuisit illum Hippolytus in septem hecdecæterides, cuius hic ego primam subijcio, adiecto vnicuique Dominicæ characterè suo.

1. XI. Kal. Mai. F	6. VIII. Cal. Apr. G.	11. VIII. Cal. Apr. A. G.
2. VIII. Id. Aprilis E	7. Idib. April. FE	12. XVIII. Cal. Ma. F.
3. V. Kal. Aprilis D. C.	8. IV. Cal. April. D	13. VIII. Id. Apr. E.
4. XV. Cal. Ma. B.	9. XII. Cal. Maias. C.	14. XI. Cal. Apr. D.
5. IV. Non. Aprilis. A	10. IV. Id. Apr. B	15. IV. Id. Apr. C. B.
		16. IV. Non. Apr. A.

*Error biennij in Chronologia Panuinij, & sectatorum.*

Anno igitur Alexandri primo currebant, vt videtur, Cyclus Solis VII & Dominicalis littera F. fuit ideo vulgaris æræ Christi 222. At ex Chronologia Panuinij, & cæterorum, qui Dominum natum di-

cunt Consulibus Augusto XIII, & M. Plautio Syluano, est 224. eoque currunt Cyclo Solis IX. & Dominicales D. C. Ergo æram biennio anticipant, & quem illi numerant trigessimum primum, reuera huius æræ est trigessimus nonus, atque adeo Gemini Consules fuerunt anno æræ Christi vulgaris 29, Cyclo Solis X, & Dominicali littera B. quod erat probandum.

*Littera Dominicalis  
Consulibus  
Gemini.*

18. Si de vno Crucis Domini anno disceptandum fuisset, de hoc Cyclo præterea nihil dicerem, sed quia inter viros doctos pari contentione disceptatur, de annis Natalis, Baptismi, Epiphaniæ, quorum notitia mirum in modum illustrat annum vitæ Christi supremum, anni Iuliani institutio, corruptio, restitutio præteriri non potest.

Iulius Cæsar constituta ea forma anni solaris, quæ in usu est, quarto quoque anno, ut sit, diem, qui ex quadrante crescit, intercalari præcepit. Cæterum eo sublato, antequam de intercalandi ratione sacerdotes bene instituerentur, tertio quoque anno intercalare cœperunt; atque ita spatium annorum sex & triginta dies duodecim intercalarunt, quum nouem tantum intercalare debuissent. Augustus errorem deprehendit, & correxit, iussitque annos duodecim sine intercalatione præteriri, eisque elapsis, quarto quoque anno intercalari: *Et omnem hunc ordinem*, inquit Macrobius, *area tabula ad eternam custodiam incisione mandauit.* Et Solinus: *Ex qua disciplina omnium postea temporum fundata ratio est.*

*Anni Iuliani institutio, & deprauiatio.*

Disceptari solet, qualisnam fuerit annus primus Iulianus, communis, an intercalaris, & an primus

Kalendarij ab Augusto emendati fuerit Iulianus trigessimus sextus, an septimus, an octauus, quæ inexplicata dimittenda non sunt, quòd numerus Feriarum natalis, baptismi, & passionis Christi hinc tanquam à capite pendeat.

*Quartus Cæ-  
saris Con-  
sulatus caput  
era Iuliana.*

19. Ante omnia constituendum est, quem annum æræ suæ Cæsar caput & indicem fecerit; hunc enim Ægyptius mutat, còque subducto, qui cæterorum omnium est fundamentum, mutari, luxarique omnia necesse est. Censorinus, *Ex hoc anno*, inquit, *ita à Iulio Cæsare ordinato, cæteri ad nostram memoriam Iuliani appellantur, eique consurgunt ex quarto Cæsaris Consulatu.* Consentit Dio lib. 43. quo res à Cæsare gestas minutissimè prosequutus est.

*Ægyptius  
quintum di-  
cit, sed errat.*

20. Audet nihilominus Ægyptius noster contra huiusmodi testes surripere huic æræ annum vnum, annosque Iulianos numerare à quinto Iulij Cæsaris Consulatu, quo coniuratorum pugionibus confossus est. Eaque vna ratione, quod anni Iuliani forma promulganda prius fuerat per Orbem Romanum, quàm usu reciperetur: ob ingentem vero molem Imperij Romani ante vnus anni decursum non poterat promulgari; idcirco æram Cæsaris in V eius consulatu, non in IV habuisse caput. Cæterum etsi progressu temporis gentes pleræque omnes, quæ Romanis parebant, eam anni formam suscipere, ab initio tamen Romanis solis, & Vrbi præscripta fuit; quare neque Ægyptij ante debellatum ab Augusto Antonium annos suos vagos fixere, neque Hebræi sacros vnquam deseruerunt suos; immo non nisi post aliquot sæcula ipsa Romana

suburbia à patriis institutis deflexerunt. Hinc Censorinus : *Apud Albanos Martius est sex & triginta dierum. Maius viginti & duum. Sextilis duodeviginti. September sedecim. Tusculanorum Quintilis dies habet triginta sex. October triginta duos; idem October apud Aricinos triginta nouem.* Vide tu modò, an noua anni Romani forma toti Imperio Romano imposita fuerit.

*Non recepta  
statim in or-  
be Romano  
anni Iuliani  
forma.*

21. Elapso fuisse annos triginta sex, quibus intercalandi fuerant dies nouem, quando errorem deprehendit Augustus, & duodecim integros sine intercalatione illius iussu prætereundos fuisse, testantur Plinius, Macrobius, & Solinus. Plinius lib. 18. c. 25. *Et ea ipsa ratio postea, comperto errore, correctæ est, ita ut duodecim annis continuis non intercalaretur.* Macrobius: *sed hunc quoque errorem serò deprehensum, correxit Augustus, qui annos duodecim sine intercalari die transigi iussit, ut illi tres dies, qui per annos triginta & sex vitio sacerdotalis festinationis excreuerant, sequentibus annis xii, nullo intercalato, deuorarentur.* Solinus: *Quod deprehensum Augustus formauit, iussitque annos XII sine intercalatione decurrere, ut tres illi dies, qui ultra nouem necessarios temerè fuerant intercalati, hoc modo possent repensari.*

*Quis annus  
primus eme-  
dasi ab Au-  
gusto Cycli.*

22. Primum æræ Cæsaris intercalarem fuisse, colligitur ex Macrobio, & Solino, quos Scaliger despicit, quia non intelligit, quanquam non solus. Macrobius verba sunt: *Nam cum oporteret diem, qui ex quadrantibus fit, quarto quoque anno confecto antequam quintus inciperet intercalare, illi quarto non peracto, sed incipiente, intercalabant.* Hic error sex & triginta annis permansit, quibus intercalati sunt dies duodecim, cum debuerint intercalari nouem. Solinus: *Nam cum præceptum esset, anno*

*Primus Iu-  
lianus fuit  
intercalaris.*

quenti, à quo Cæsaris æra decurrit, non fuit intercaladum. Ego vero uti superfluos anno illo decurtatos fuisse confiteor, ita eum, qui anno proximo erat intercalandus, inter superfluos neque numero, neque numerari posse concedo.

Anni Juliani	Cæsar & Augustus.	Herodes	Chris- tus		Cyclus Cæsar exAug. emen.	Cyclus Nostræ Mid- delburg- ensis	Scali- geri.	Agy- ptii	
1	Cæsar			C. Iulius Cæsar IV. sine collega	CB	CB	C	B	D
2	Occiditur			C. Iulius Cæsar V. M. Antonius	A	A	B	A	CB
3	Augustus æt. III. vir primo			C. Vibius Pansa A. Hirtius	G	G	AG	G	A
4	Interfecti Brutum & Cassium			M. Æmilius Lepidus II L. Munatius Plancus	F	FE	F	FE	G
5				Lucius Antonius P. Sereuilus Isauricus	ED	D	E	D	FE
6		Rome de- claratur Rex.		Cn. Domitius Calpurnius L. Atilius Pollio	C	C	DC	C	D
7				L. Marcus Censorinus C. Calpurnius Sabinus	B	BA	B	BA	C
8				Ap. Claudius Pulcher C. Norbanus Flaccus	A	G	A	G	BA
9	III. Viratus in a quin- quennium	Mortuo Antigono assequitur regnum		M. Agrippa L. Caninius Gallus	GF	F	GF	F	G
10				L. Gellius Publicola M. Cocceius Nerva	E	ED	E	ED	F
11	Vicit Sext. Pompe- ium.			L. Cornificius Sext. Pompeius	D	C	D	C	ED
12				M. Antonius II L. Scribonius Libo	C	B	CB	B	C
13				C. Cæsar Octavianus II L. Volcatius Tullus	BA	AG	A	AG	B
14				Cn. Domitius Enobarbus C. Sotius Nepos	G	F	G	F	AG
15	Vicit An- toniū, ad Actium.			C. Cæsar Octavianus III M. Valerius Messalla	F	E	FE	E	F
16	Recipit le- gem & mo- rum regimē			C. Cæsar Octavianus IV M. Licinius Crassus	E	DC	D	DC	E
17				Imp. Cæsar Octa. V. Sext. Apuleius Nepos	DC	B	C	B	DC

N

Anni Juliani	Augu- stus	Hero- des	Chri- stus		Cyclus Cæsaris ex Aug. emen.	Cyclus Nostra	Mid- lebur genus	scali- geri	Æ gy- ptij
18				Imp. Cæsar Octavianus VI M. Agrippa II	B	A	BA	A	B
19				Imp. Cæsar Octavianus VII M. Agrippa III	A	GF	G	GF	A
20				Imp. Cæsar Augustus VIII T. Scantilius Taurus	G	E	F	E	GF
21				Imp. Cæsar Augustus IX M. Junius Syllanus	FE	D	ED	D	E
22				Imp. Cæsar Augustus X C. Norbannus Flavius	D	CB	C	CB	D
23				Imp. Cæsar Augustus XI Calphurnius Piso	C	A	B	A	CB
24				M. Claudius Marcellus L. Arantius	B	G	AG	G	A
25				M. Lollius Q. Æmilius Lepidus	AG	FE	F	FE	G
26		Tem- plū æ- dificat.		M. Apuleius P. Silius Nerva	F	D	E	D	FE
27				C. Sestius Saturninus Q. Lucretius Vespillo	E	C	DC	C	D
28				P. Lentulus Marcellinus Cn. Cornelius Lentulus	D	BA	B	BA	C
29				C. Farnius C. Junius Silanus	CB	G	A	G	BA
30				L. Domitius P. Cornelius Scipio	A	F	GF	F	G
31				M. Lucius Drusus Libo L. Calphurnius Piso	G	ED	E	ED	F
32				C. Lentulus M. Licinius Crassus	F	C	D	C	ED
33				Tiberius Claudius Nero P. Quinctilius Varrus	ED	B	CB	B	C
34				M. Valerius Messalla Sulpitius Quirinus	C	AG	A	AG	B
35				Paulus Fabius Q. Ælius Tubero	B	F	G	F	AG
36				Julius Antonius Fabius Maximus	A	E	FE	E	F
37				Nero Claudius Drusus T. Quinctius Crispinus	GF	DC	D	DC	E
38				C. Marius Censorinus C. Asinius Gallus	E	B	C	B	D
39				Tiberius Claudius Nero n. Calphurnius Piso	D	A	B	A	C
40		Inter- ciduus tur- cilius	Nasci- tus	D. Lælius Balbus C. Antistius Vetus	C	G	A	G	B



PLACIDUS C. CHRIS. P.

97

Anni Juliani	Augu- stus	Hero- des	Chris- tus		Cyclus Cæsar ex Aug. emen.	Cyclus Nostri Mid- delbur- geri	Cyclus erroneus ex sententia Scal- igeri	Ægy- ptij	
41		Inter- fectio in- nocentes	Adora- tur à Magis	Imp. Cæsar Augustus XII Cornelius Sulla	BA	F	G	F	A
42		Mori- tur		C. Calpurnius Sabinus C. Papius Ruffus	G	E	F	E	G
43				L. Lentulus M. Messalinus	F	D	E	D	F
44				Imp. Cæsar Augustus XIII M. Plautius Silvanus	E	C	D	C	E
45				Cossus Cornel. Lentulus L. Calpurn. Piso Augur	DC	B	C	B	D
46				C. Cæsar L. Æmilius Paulus	B	A	B	A	C
47				P. Vinicius Nepos P. Alpinus Varus	A	G	A	G	B
48				L. Ælius Lamia M. Servilius Geminus	G	F	G	F	A
49	Adop- tat Ti- berium			Sex. Ælius Catus C. Sestius Saturninus	FE	E	FE	E	G
50				P. Valerius Messalla C. Cornelius Cinna	D	D	D	D	FE
51				M. Æmilius Lepidus L. Arruntius Nepos	C	C	C	C	D
52				A. Licinius A. F. Nerua Silianus Q. Cæcilius Silanus	B	B	B	B	C
53				M. Furius Camillus Sex. Nonius Quinctilianus	AG	AG	AG	AG	B
54				C. Poppæus Sabinus Q. Sulpicius Camerinus	F				AG
55				P. Cornelius Dolabella C. Iulius Silanus Flam. Martia	E				F
56	Adi- cit Ti- berium sibi cõ- sortem imperii			M. Æmilius Lepidus T. Statilius Taurus	D				E
57				Ti. Iulius Germanicus Cæsar C. Fonteius Capito	CB				D
58				C. Silius Nepos L. Munatius Plancus	A				CB
59	Mori- tur & succe- dit Ti- berius			Sex. Pompeius Nepos Sex. Apuleius Nepos	G				A
60				Drusus Iulius Cæsar C. Norbanus Flavius	F				G

Anni Juliani	Augu- stus	Hero- des	Chri- stus		Cyclus Cæsar. ex Aug. emen.				Egy- ptij
61				T. Statilius Sifenna Taurus L. Scribonius Libo	ED				F
61				C. Cælius Rufus L. Pompeius Flavius	C				ED
63				Tl. Cæsar Augustus Ti. Iulius Germanicus Cæsar	B				C
64				M. Iunius Silanus L. Norbanus Flaccus Balbus	A				B
65				Marcus Valerius Messalla M. Aurelius Cotta	GF				A
66				T. Iulius Augustus Drusus Iulius Cæsar	E				GF
67				C. Sulpicius Galba D. Haterius Agrippa	D				E
68				C. Asinius Pollio C. Annius Silius	C				D
69				Ser. Cornelius Cethegus L. Velleius Varro	BA				C
70				Coss. Cornelius Isauric. M. Agrippa Agrippa.	G				BA
71			Bapu- zatur	Cn. Cornelius Gericus C. Calpurnius Sabinus	F				G
72				M. Licinius Crassus L. Calphurnius Piso	E				F
73				Ap. Iulius Silanus P. Silius Nerva	DC				E
74			Cruci- figitur.	C. RUBELLIVS GEMINVS C. F. FIVS GEMINVS	B				DC
75				M. Vinicius Quartinus C. Cassius Longinus	A				B
76				T. Cæsar D. Aug. F. V. L. Aelius Sejanus	G				A
77				Cn. Domitius Enobarbus A. Vitellius	FE				G
78				Ser. Sulpicius Galba Lucius Cornelius Sulla	D				FE
79					C				D
80					B				C

Primus igitur duodenum Augusteorum in intercalarium fuit Iulianorum trigessimus octauus, eiusque duodenarij supremus fuit Iulianorum quadragesimus nonus, vt iam quinquagesimus Iulianus, qui ex institutione Cæsaris fuisset primus post tredecimum intercalarem, fuerit primus restituti Cycli. Dominicalis littera anni septuagesimi quarti Iuliani fuit B. affixa diei vigesimæ Martij, quare anno illo, quo Christus passus est, vigesima quinta Martij cuius affixa est G. incidit in Feriam sextam, vt iam dicebamus.

23. Constituto anno Passionis Saluatoris, facile est reperire annum natiuitatis; si enim triginta quatuor annos subducas à septuagesimo quarto Iuliano, Christi natalis erit quadragesimus Iulianus, quo Consules fuerunt D. Lælius Balbus, & C. Antristius Vetus. Natalem hunc annum ab Augustino quasi digito demonstratum fuisse nemo, opinor, negauerit, qui ad characteristicam, quam incarnationi Verbi Dei notam affixit, oculos tantisper conuertat, lib. 4. de Trinit. c. 3. *Sicut à maioribus, inquit, acceptum Ecclesiæ custodit authoritas viii Kal. Aprilis conceptus creditur Dominus, quo & passus.* Characterem eius diei habet serm. 18 de tempore. *Qua die est conceptus in utero Virginis, in ea resurrexit ab inferis cum gloria.* Fide constat, Dominum die Dominico surrexisse, credebatur igitur Augustinus Ecclesiæ traditionibus instructus, anno Christi natali Martij XXV in Dominicam incidisse. At ex omnibus annis, qui pro opinionum diuersitate natali Domini tribuuntur, solo quadragesimo Iuliano XXV Martij incidit in

*Septuagesimo quarto Iuliano, quo Consules fuerunt Gemini duo, littera Dominicalis B.*

*Annus natiuitatis Christi, Patrum traditione receptus confirmat passionem Consulibus Geminiis.*

*Dominus conceptus die Dominica.*

Dominicam, ut ex Cyclo Iuliano videre est, in eum igitur ex Augustini sententia conceptio & natiuitas Domini incidere. Et certè quum duobus Geminis Coss. passum assereret, alio conceptum & natum nunquam dixisset, ne à sensu & consensu Ecclesiæ Romanæ recedere velle videretur, quæ si Bedam audiamus à primis cunabulis ad hanc vsque diem Dominum tricesimo quarto labente passum, publicis quoque monumentis se credere testata est. Quod non de die mensis, sed de die hebdomadæ hinc Augustinus loquatur, inde apparet, quod profiteretur, tenere se, Dominum passum esse XXV Martij Feria VI. Aut enim vna & eadem die Dominum passum esse, & (quod impium est) resurrexisse credebat, aut non vnam, & eandem mensis, sed vnam, & eandem hebdomadæ diem incarnationi, & Resurrectioni communem fuisse putabat. Accedit ad Augustinum Beda libro de argumento lunæ c. de solstitiis, & æquinoctiis. *Conceptus est Christus Dominus noster die Dominico viii Kal. Aprilis, & natus est tertia feria viii Kal. Ianuarij*, quibus verbis ad hunc vnum annum digitum intendebat.

Natus Feria iij.

Extradit.  
Ecclesia nationale Christi confirmat  
annus Epiphaniæ.

Privilegia  
diei Dominice ex Ecclesia Romanâ.

24. Hoc anno exeunte Christum verè natum fuisse, facit ut credam altera Ecclesiæ traditio de privilegiis Dominicæ dici expressis ea Antiphona, quam Ecclesia Romana canit in secunda vespere Epiphaniæ: *Tribus miraculis ornatum diem sanctum* (hoc est Dominicum) *colimus; hodie stella Magos duxit ad Præsepium: hodie vinum ex aqua factum est ad nuptias: hodie in Iordane à Ioanne Christus baptizari voluit.* Plura addunt Græci in sexta Synodo c. 8. *In eo die,*

inquiunt, *manna in eremo pluit; in eo nasci dignatus est; Ex Græc. in eo stella Magis refulsit; in eo de quinque panibus, & duobus piscibus quinque millia hominum pavit; in eo baptismum in Iordane suscepit; in eo ipse pius redemptor humani generis sponte pro salute nostra à mortuis resurrexit.* At diei natali Ecclesia Occidentis non subscribit.

*Dominum natum Dominica non tenet Ecclesia Romana. Epiphania die Dominica 6. Ianuarij.*

Magos adoratum venisse Christum, dum adhuc in præsepe Bethleemitico iaceret, sententia est magno sanctorum Patrum recepta consensu. Ita Hieronymus ep. 14. 17. 18. & 27. Augustinus ser. 2. de Epiph. Chrysost. hom. 6. & 7. in 2. cap. Matth. Fulgentius, & alij, & Ecclesia Romana canit; *Hodie stella Magos duxit ad Præsepium.* Idque contigisse 6. Ianuarij proximè insequentis anni, Græci nobiscum sentiunt, Alexandrini præ cæteris, qui contra totam Ecclesiam sexta Ianuarij Dominum natum, & adoratum à Magis esse contendunt. Si natum dicamus anno quadragesimo Iuliano, utique adorauerunt eum Magi die dominica, quum littera Dominicalis anni quadragesimi primi sit F. affixa Ianuarij sexto. At si ab hoc anno natali recedamus, nunquam occurreret Dominica in sextam Ianuarij, nisi anno Iuliano quadragesimo nono, quem primum ætatis Christi fuisse, impossibile est, quum nimium proximus sit quintodecimo Tiberij, quo Christus erat annos natus triginta.

25. Rursum si annus iste statuatur Christi natalis, baptizatus fuerit etiam Dominus die Dominica, quemadmodum tenet Ecclesia, secus si in quouis alio. Et si enim anni tres inter cæteros ætatis Christi.

*Annus baptismi. Baptizatus Dominus Ianuarij 6. die Dominica.*

fiti pro varietate opinionum baptismo eius notantur, 29. 30. 31. à quinto decimo tamen Tiberij præter Kepplerum, & paucos alios eius manipulares, nemo est, qui recedat. At sexta Ianuarij, Consulibus Getulico & Sabino, (currente iam Tiberij quindodecimo ab imperio primùm suscepto à sexta decima Augusti anni præcedentis) littera Dominicalis fuit F. & ex consequenti sexta Ianuarij FERIA prima. Quinto decimo ab excessu Augusti littera Dominicalis fuit B. illo igitur, non isto ex Ecclesiæ traditione Christus baptismum suscepit. Quod si ab hoc anno in sequentes progrediare, non occurret sexta Ianuarii in Dominicam, nisi anno 77 Iuliano, tertio scilicet post quintumdecimum Imperii Tiberij Cæsaris, ab excessu Augusti, ad quem usque, quicquid Kepplerus dicat, transferri baptismum Salvatoris, nec Patrum consensus, neque sancti Lucæ permittit autoritas.

Quum ergo aut triplicem Ecclesiæ traditionem de die passionis, baptismi, Epiphaniæ reicere necesse sit, aut cum his traditionibus referre diem Christi natalem ad quadragesimum Iulianum, hunc ego tanto Ecclesiæ antiquioris consensu firmatum fidenter constituo annum Christi natalem.

26. Mirum dictu est, quanta consensione conspiceret omnis antiquitas in hunc annum. Iosephus antiqu. lib. 14. c. 31. scribit ex SC. Regnū Iudæorū à Romanis Herodi delatum C. Domitio Caluino, & C. Asinio Pollione Cōsulibus. Eodem lib. c. ult. M. Agrippa, & Caninio Gallo Cōsulibus, expugnatis Hierosolymis regni possessionē assequutū. li. 17. c. 10. obiisse ait post detru-

*Nisi hic annus statuatur Christi natalis, Christus natus esset post mortem Herodis.*

detrusum regno Antigonum anno 34. *Ex quo à Romanis Rex declaratus est anno 37.* Et ne qua subesse suspitio possit de librariorum errore, id ipsum repetit libro primo de bello Iudaico c. 21. Quare obitus Herodis incidit in Consulatum Calvisij Sabini, & Passieni Ruffi. Primus itaque Regni eius annus fuit Iulianorum sextus, vitæ verò regnique supremus Iulianorum quadragesimus secundus. Si igitur natus esset Christus Consulibus siue Lentulo & Messalla, siue Augusto XIII, & Plautio Syluano, siue demum alio quocunque ex sequentibus annis, qui alijs probantur, natus esset post obitum Herodis; quod pugnat cum Euangelio. At si natus dicatur Consulibus Balbo, & Vetere, Herodes superuixerit nato Christo ad annum secundum; idcirco ab illorum Consulatu non recedendum.

27. Hoc argumentum vt enodarent Eusebius, & plerique omnes huius æui scriptores, quibus duplex initium Imperij Tiberij ignotum fuit, assertum ire cœperunt, regnasse Herodem non annos triginta septem, sed quadraginta, hallucinatúmque fuisse in eius vita Iosephum. Recentioresque Scaliger, & alij testimonium contra Iosephum, à Iosepho ipso, & è cœlis petiere, nimirum deliquium, quod Lunam passam fuisse scribit Iosephus nocte, qua Herodes seditiosos quosdam viuos comburi iussit, diebus aliquot, antequam interiret. Constat autem anno 45. Iuliano inter nonam & decimam Ianuarij fuisse magnam eclypsim; in eam igitur annum Herodis interitum aiunt referendum.

28. Cæterum Io. Kepplerus Mathematicus hoc

O

*Cuius fundamen-  
tum eueritum.*

argumentum latè prosequutus, obseruauit, contigisse aliam eclipsim Lunæ anno Iuliano quadragesimo secundo, die Martij XIII, horis tribus ante ortum Solis, & quia paucis post seditiones combustos diebus Herodes periit, instante festo azymorum, vt colligitur ex Iosepho antiq. lib. 17. c. 2. probabilius est, annum quadragesimum secundum, quam quadragesimum quintum Iulianum morte Herodis, & cœlesti charactere designari. Nulla igitur subest ratio, cur Iosepho fidem derogemus.

*Disputatio  
de ætate lunæ  
tempore  
passionis.*

29. Explicati à Cyclo Solis, confirmatâque FERIA VI in Martij XXV, Consulibus Geminis, partem alteram de ætate lunæ contra Astronomos aggrediamur, ostensuri, nulla cuiusque ponderis ratione probare illos, anno XV Tiberij lunam XV mensis primi non incidisse in Martij XXV. vti incidisse necesse est ex Ecclesiæ traditione. Ptolemæus illorum princeps in supputatione motuum cœlestium Epochâ Nabonassari potissimum vsus est, de cuius connexionione cum æra Iphyti dicemus cap. vltimo; interim cum maiori & meliori eorum parte accipientes, Iphyti XXIX siue quod idem est, primum octauæ Olympiadis fuisse primum æræ Nabonassari. At de connexionione æræ Christi vulgaris cum Olympica, & cum Nabonassarea, quum conuenire non possint, nihil sumendum ab eis, quod non probetur. Copernicus, Maginus, Reinoldus, Mercator, & alii, primum æræ Christi coniiciunt in tertium, Lucidus, Scaliger, Buntingus, & alii in quartum Olympiadis

*Primus æra  
Nabonassari  
fuit Olympi-  
cus xxix.*

*Astronomo-  
rum contro-  
uersia de cõ-  
nexionione æræ  
Christi, cum  
Olympica,  
& Nabonassarea.*

194. Ioannes Temporarius in primum nonagesimæ quintæ. Rursus Temporarius, & Mercator primum



æra nostræ vulgaris in 747, Maginus, & cæteri passim in 748 æra Nabonassari. Et quod mirum est, in hac opinionum varietate omnes Vraniam sibi testem vocant, quæ si certum suffragium ferret, lites omnes dirimeret. Imbecillitatis eius radix hæc est. *Astronomorum ratiocinia sæpe fallacia, & incerta, & cur.* Omnis Astronomorum argumentatio nostris vñibus applicata composita est ex Astronomia & Chronologia; & ideo conclusione debiliorem partem insequente, eorum ratiocinia non raro aut falsa sunt, aut incerta. Tanto tempore tantum spatii sydera peragrarè, Mathematicum est; tantum temporis inde huc vsque fluxisse, vt à primo Nabonassari ad primum Adriani, & vice versa, Chronologicum. Qua in parte quantum peccare possint Astronomi, exemplo suo Ptolemæus docebit. Ioannes Behm *Error Ptolemæi in Chronologia Romana.* Prædicans Lutheranus ad calcem suæ manuductionis Chronologicæ ex manuscriptis hyppothsesibus Phænomenum Ptolemæi publicauit integrum illum canonem Mathematicum à primo Nabonassari ad vigesimum tertium Antonini, cuius partem priorem ediderat Scaliger lib. 3. Isagogicorum ad æram 47. In eo tempora Principum Romanorum ita disposita sunt.

Augusti	43
Tiberii	22
Caii	4
Claudii	14
Neronis	14
Vespasiani	10
Titi	3
Domitiani	15

Neruz primi 1

Traiani 19

Adriani 21

Antonini 23

Præterit integrū bienniū à morte Neronis ad initiū Vespasiani, quo Imperium delibarent Galba, Virellius, Otho, Domitiano annos quindecim tribuit, quum Mathematicorū more regnauerit sedecim; & Neruz vnum numerat, quum vixerit in Imperio duos, vt grauiſſimi ſcriptores Tranquillus, Tacitus, Dion, & cæteri paſſim prodidēre. Si verò tantum errauit in Romana Chronologia ætati proxima ſua, quid feciſſe putamus in Aſſyria, Medica, Perſica ab eo tanta intercapedine diuiſis? Ex hoc ramentum ſuo collegit, à decimo ſeptimo Adriani ad meridiem primam regni Nabonaſſari retro numeratos fuiſſe annos 879. dies 66, &c. Et ideo eius Regis Epocham illam eſſe, quam mox dicemus, qua Epocham omnium Aſtronomorum conſenſu Aſtronomia tota nihil habet certius, nihil illuſtrius. Viden, Lector, cuiuſmodi principiis nitatur Aſtronomia? Nec ratione diſſimili ab Aſtronomis noſtri & ſuperiorum temporum Epocham annorum Chriſti conſtituta eſt; à quibus ſi requiras, vnde conſtet, à paſſione Chriſti ad annum, qui nunc excurrit, annos fluxiſſe 1590. aut à Natiuitate 1624 nihil habent, quod afferant certi, præter communem Faſtorum Chronologiam, & æram Chriſti vulgarem, quas tantis implicatas difficultatibus videbis, vt ſi cum antiquis Eccleſiæ traditionibus ſtare non poſſint, tuo & omnium iudicio indignæ futuræ ſint, quibus cum ab

*Atmag.  
diſt. 3. c. 8.*

*Quam incerta Aſtronomorum vaticiniorum de rebus Chriſti.*

homine Christiano conferantur. Hæc dixi, non quòd aut ab Hyppothesibus Ptolemæi recedere velim, aut causæ diffidam nostræ, si illas sequamur; sed vt Astronomiæ imperiti ad Astronomorum voces discant non trepidare, si quando traditiones Ecclesiæ cum eorum ratiociniis minus consentiant. Eo maxime quòd nec ipsi trepidant, dum de præcipuis Astronomiæ capitibus dissident inter se; connexionesque Epocharum, & ærarum suas rationibus è cœlo petitis ad inuicem euertunt. Omissis ergo incertis eorum connexionibus annorum Christi cum annis Nabonassari, & cum Olympicis, experiamur nos, an ratione aliqua certiori Epochas istas colligare possimus, indéque inuestigare tutò tempus illius plenilunii, quod controuertitur.

30. Censorinus Consulibus Vlpio, & Pontiano scripsit libellum illum suum de die Natali, annúmque illum fuisse ait Olympicum 1014. Hic annus, inquit, cuius velut index & titulus quidam est Vlpij & Pontiani Consulatus, ab Olympiade prima millesimus est, & quartus decimus, ex diebus duntaxat æstiuis, quibus agon olympicus celebratur. Biennio antequâ Censorinus scriberet, Author quidâ Anonymus scripsit breue illud Chronicon ab exordio mundi ad annû XIII Seueri.

Alexandri, quod habet Canisius Antiquarum lectionum tom. 2. Hic libro primo c. 17. *A generatione Christi vsque ad passionem eius, inquit, anni triginta, & à passione eius vsque ad hunc annum, qui est xiii Alexandri, anni ccvi.* Quotus tunc numeraretur annus Olympicus, habet eodem libro c. 19. *Sunt, inquit, omnium Olympiades, vsque ad annum xiii Alexan-*

*Alia ratione æra Christi isti connexenda cum æra Nabonassari, & Olympicæ, & quæ.*

*dri Cæsaris Olympiades ccliii, quæ sunt anni mille duodecim.* Eo tẽpore ludi Olympici adhuc celebrabantur, dubitari propterea non potest, quominus vterque illorum scierit, quibus Consulibus Olympias ccliii acta sit. Fuit ergo liber Censorini biennio posterior Chronico istius Anonymi, cõque interuallo trẽdecimus Alexandri præcessit Consulatum Vlpij, & Pontiani. Hinc alter error detegitur Chronologiæ vulgatæ, cui hærentes Astronomi in deuia abrepti sunt.

*Error alter  
vulgaris  
Chronologia.*

31. In fastis Panuinij Imperium Alexandri occupauit sequentes Consulatus.

- 1 Antoninus Augustus IV, & Alexander Cæsar.
- 2 Maximus, & Ælianus.
- 3 Iulianus, & Crispinus.
- 4 Dexter & Rufus.
- 5 Alexander Aug. II, & Marcellus.
- 6 Balbinus II, & Pupienus.
- 7 Modestus, & Probus.
- 8 Alexander Aug. III, & Cassius Dio. II.
- 9 Agricola, & Clementinus.
- 10 Pompeianus, & Felicianus.
- 11 Lupus, & Maximus.
- 12 Maximus II, & Paternus.
- 13 Maximus, & Vrbanus.
- 14 Seuerus, & Quinctianus.

Consulibus Imp. Antonino Heliogabalo, & Alexandro ipso, ex a.d. VI. Idus Martij, occisa illa bellua, Imperium Alexandro delatum fuisse, sensit Panuinius. Ego verò, vt illi in anno & mense consentio, ita in die consentire non possum; quòd videam apud

Lampridium in Alexandro c. 6. & sequentibus ex actis vrbis ante diem pridie nonas Martias optimum Principem, recepto imperio, Magni, & Antonini nomina sponte à senatu oblata constantissimè recusare. Cæterum quicquid de die sit, id certum est, tam initium, quàm finem eius Imperij in Martium incidisse, quum Lampridio teste imperauerit annis XIII, diebus nouem, omnibusque consentientibus, furore militum, Seuero & Quinctiano Consulibus è viuis sublatus sit.

Annorum Olympiacorum initiũ erat à Solstitio æstiuo, quod quum contingat circa VIII. Kal. Iulij, Alexander attingit quidem annum XIV Principatus, at XIV Olympicum attingere non potuit, tribus ante eum mensibus interfectus. In Fastis vulgatis inter Consulatum Seueri & Quinctiani, & Consulatum Vlpj & Pontiani sunt duo Consulium paria, sic enim se habent.

*Seuerus & Quinctianus*  
*Maximus Aug. & Africanus*  
*Perpetuus & Cornelianus*  
*Vlpj & Pontianus.*

*Chronologia  
 vulgata ubi  
 additus an-  
 nus unus.*

Hinc videas inter tredecimum Alexandri, & Vlpium, ac Pontianum Consules annos duos, quum tamen, Cenforino, & Anonymo testibus, vnicus intercesserit.

32. Adde Cenforinum testantem, annum illum suum fuisse, Augustorum 265, quorum initium sumebatur ab indicta Octauio appellatione Augusti, illo VII & Agrippa III Coss. in Fastis tamen Panuinii annus iste ab eo Consulatu est 266.

33. Postremo Ptolemæus Almag. dict. 4. c. 6. tres eclipses lunæ obseruasse se dicit, primam anno Imperii Adriani XVII, Nabonassari 880 : secundam Adriani XIX Nabonassari 882 : tertiam Adriani XX Nabonassari 883. Adriani anno XVII Consulatū gesserunt Seruianus & Verus, idcirco ex connexionē annorum Nabonassari cum Olympicis annus ille fuit primus Olympiadis 288. In Fastis tamen Panuini est eius Olympiadis secundus. Malè ergo colligauit Panuinius Chronologiam Romanam cum Olympica. Nos verò Cenforinum & Anonymum testes omni exceptione maiores sequuti, ponimus initium Olympiadis ccliiii in Consulatu Seueri & Quinctiani, & inde per Fastos vulgares, vsque ad crucem & cunas Christi inoffenso pede recurrimus.

*Fasti Panuini male colligati cum Olympiadicis.*

*Duo Gemini Consules Olympiade 202 anno 2.*

Nobis ideo Consulatus duorum Geminorum est secundus Olympiadis 202, vt Iulius Africanus, & Anonymus testati sunt, non primus, vt vulgò putatur : & primus æræ Christi vulgaris est secundus Olympiadis 195, non tertius vel quartus centesimæ nonagesimæ quartæ, eoque Fasti Consules edunt C. Cæsarem Augusti F. & L. Æmilium Paulum.

*Vera Chronologia Romanæ desunt anni duo.*

34. Errorem Panuini, & cæterorum, qui æram Christi anticipant biennio, error alter sequutus est. Quum enim à Consulatu C. Cæsaris, & Æmilij Pauli ad annum nunc labentem præterierint anni 1624, vt Cyclus Solaris demonstrat, ipsi à Consulatu Augusti, & Syluani, hoc est, à biennio antecedenti tot annos numerant, & ne Chronologia æram excederet, Chronologia biennium detraxerunt. Quo sublato, quanta sequantur incommoda, nemo non videt.

videt. Imminutæ Chronologiæ demonstratio hæc est. Ab anno primo Alexandri Seueri, quo, ex marmore Hippolyti Vaticano, Cyclus Solis fuit VII, & littera Dominicalis F, ad annum emendati à Gregorio Kalendarij 1582, cuius Cyclus Solis fuit 23, & Dominicalis littera G, numerantur anni 1361. In Chronologia Panuinij & cæterorum, quibus Alexandri primus est Christi 224 ab eo ad annum 1582, sunt anni 1359 tantum; ergo inde huc vsque Chronologiæ defunt duo Consulium paria, cum quibus vnum integrum, biennium detractum est.

*De Chronologia.*

35. Si annus istius æræ 29 quo Christus Crucem pertulit, fuit Olympicus 806, ex certo Epocharum interuallo fuit etiam Nabonassari 778, eiusque initium Augusti XVII. Ratio hæc est. Antiquior Ægyptiorum annus fuit Solaris, diuisus in XII menses æquales dierum triginta, ad cuius duodecimi calcem adiciebantur dies quinque, vt consurgeret annus dierum 365 sine intercalari. Eius initium mensis Thoth, nulli cœlestis anni tempori affixus; sed ob defectum quadrantis intercalandi errans & vagus. Per annum tamen solarem fixum non exlex errabat, sed quarto quoque anno, quum illo minor esset horis 24, illum anteuertebat die, quæ intercalatur. Hinc prima mensis Thoth, quæ anno primo fuit 29 Augusti ad ortum Caniculæ, anno quarto fuit Augusti XXIIIX, anno octauo Augusti XXVII, eoque sic in anteriora progrediente in annis 1460, Kalendaræ mensis Thoth redibant ad eandem diem anni fixi, vnde progressæ fuerant; & hanc periodum Ægyptij annum canicularem magnū nuncupabant.

*Annus quo Christus passus est, fuit Olympicus 806. Nabonassari 778 cuius initium in anno Iuliano inuestigatur.*

*Cæso. rin. e. 18.*

Si anni Iuliani, ac si semper fuissent, retro putentur, communi Astronomorum consensu Kalendæ primi Thoth Nabonassari incidissent in 26 Februarii, quorum sententia testibus oculatis confirmatur. Censorinus libro suo de die Natali c. 21 testis est, annum eius libelli lucubratione insignem fuisse Nabonassari 986. eiusque diem primam incidisse in Iunij 25. In annis Iulianis 986 intercalantur dies 247:

*Initium æra  
Nabonassari  
26 Februarii  
78, et initium  
anni Ægyptiaci, quo  
Christus passus  
est, dies  
xvij Augusti.*

qui si proiiciantur à Iunij 25, prætergressi Decembrem desinent in annum alterum, & Februarij 26. In annis 778 Iulianis intercalantur dies 194, quorum omissione Consulibus Geminis caput anni Nabonassarei ad XVII Augusti retrocesserat, & erat tertius post intercalarem.

36. Mensium Ægyptiorum nomina fuere.

*Ægyptiorum  
menses.*

30	60	90	120	150
1. Thoth.	2. Paophi.	3. Athir.	4. Choiac.	5. Tybi.
180	210	240	270	

6. Mechir. 7. Phamenoth. 8. Pharmuti. 9. Pachon.

300	330	360	365
10. Payni.	xi. Epiphi.	xii. Mefori.	Appendices dies quinque.

*Quæ dies anni  
Nabonassari fuerit  
xxv Martij  
anno xv  
Tiberij.*

Dies 17 Augusti est 229 anni Iuliani, à qua ad ultimam Decembris, inclusis extremis, sunt dies 137, & ab initio Ianuarii ad Martij XXV dies 84, quæ iunctæ reddunt dies 221. Ducentesima vigesima prima anni Ægyptiaci est mensis octauus, hoc est Pharmuti XI. Ergo indagaturis diem mensis Lunaris, vigesima quinta Martij, Consulibus Geminis, ex Tabulis Ptolemæi inuestigare necesse est, quoniam cœli loco esset utrumque luminare vndecima Pharmuti, anno 778 Nabonassari.



37. Quas Ptolemæus tabulas construxit, sunt quasi speculum, in quo intuearis, quantum spatij emeriantur Sol & Luna in signifero à meridie primi Thoth Nabonassari vsque ad octo annorum centurias, & quantum superet eius à quocunque tempore dato ad aliud tempus. Ex illis locus solis prima illa meridie secundum motum medium fuit 45. minuta *Locus medius solis Christo patiente.* piscium, quare longitudo eius fuit partes 330. min. 45

Radix	par.	330	min.	45	sec.	0.
Anni	774	171		49		21
	3	359		16		14
Menses	7	206		59		0
Dies	10	9		51		22
		1078		40		57

Subducto ex hac summa toto circulo (hoc est par. 360) quoties potest, (potest autem bis) reliquæ erunt par. 358. min. 40. sec. 57. atque ita Sol, Consulibus Geminis, ante meridiem 25 Martii, incunte Pharmuti die XI secundum motum medium tenuerit piscium gradus 28. min. 40. sec. 57.

38. Luna Kalendis primo Thoth Nabonassari meridie tenuit Tauri par. 11. min. 27. quæ sunt signiferi partes 41. min. 27. *Locus medius lune patiente Christo.*

Radix ergo	par.	41.	min.	27
Anni	774	59		44
	3	28		8
Menses	7	247		2
Dies	10	131		45
Summa		508		6
A qua subductis partibus		360		
Residuum erit par.		148		6

Tenuit ideo Luna ante illam meridiem Leonis grad.  
28. min. 6.

Oppositum loci Solis erat Virginis grad. 28. min.  
40. sec. 57. quæ sunt signiferi partes 178. min. 40. sec.  
37. quare Lunæ ad Diametrum Solis decrant gradus  
30. min. 34. quod ex Tabulis Ptolemæi est iter die-  
rum duorum, & horarum duodecim. Viden-  
dum igitur est, an Hebræi tunc anticiparent, & tantò an-  
ticiparent suum Pascha.

*Menses He-  
bræorum non  
Astronomi-  
ci, sed cini-  
les.*

39. Qui ex locis veris vel mediis luminarium  
colligunt, Pascha supremum hoc vel illo anno ce-  
lebratum à Christo fuisse, vel non fuisse, commise-  
ratione digni mihi videntur, quum accipiant uti  
rem certam, & notam, Hebræos celebrasse semper  
Pascha in plenilunio Astronomico, quod falsissi-  
mum est. Primum quia ut gentes cæteræ, ita He-  
bræi non Astronomicis, sed civilibus mensibus an-  
nos diffiniebant. Deinde quia in civilibus mensibus  
constituendis nemo Synagogæ maiores prærogati-  
uas tribuerit, quàm Ecclesiæ, quæ Cyclis decepta suis,  
per aliquot sæcula in nouiluniis biduo, triduo, qua-  
triduo aberravit à medio, & interdum celebravit  
Pascha septem, aliquando 28, aliquando 35 diebus  
serius quàm oportuisset, longius progressura nisi  
Gregorius XIII occurrisset. Bertholdus Constan-  
tensis ad annum 1093 putat, Solem eclipsari potuisse  
Luna 28. Et Sigebertus ad annum 1023 eum in Pas-  
chate defecisse scribit. Quod si quis hisce in rebus  
Ecclesiam errare potuisse putat, Synagogam non  
putat, magno certè hic in errore versatur. Scimus  
ex Cyclo Metonis, qui magna ex parte conuenit

cum Ægyptiaco, spatio annorum 76 excrefcere diem, & quadrantem fere diei; ex Cyclo Calippi eadem periodo horas quinque, min. 52; ex Cyclo Nicæno, quantum modo dicebamus? Fatetur Ægyptius, ex Cyclo suo quintam decimam vsualem præcessisse quintam decimam Astronomicam ad duos dies; & nos solas veterum Hebræorum syzygias ad Astronomicam amissim exigemus? Non certè, si sapimus, sed longè diuersa ratione quæstionem istam dissoluemus.

40. Si aut cœlum semper serenum fuisset, vt luna noua nullis obducta nubibus posset conspici semper, aut omnes Hebræi ita circumfusi Hierosolymis, vt ea visa maturè illis denuntiari possent Neomeniæ, non eguissent seu Cyclis, seu Astronomicis regulis, vt festa sua vbique simul agerent. Cæterùm has ob causas suos & ipsi Cyclòs habuère, minorem vnum annorum quatuordecim; maiorem alterum annorum nonaginta octo, & quod magni refert, vtrumque vitiosum & erroneum. Refert eos Sanctus Epiphanius in Panario hæresi quinquagesima prima, quæ est Alogorum. Et eos quidem errare potuisse, ipsimet Hebræi non diffitentur. Ita nimirum Rabbi Moyse Ægyptius in tractatu Chidus Hachodes cap. 2. a. 10. *Si in sanctificanda Neomenia Tribunal errasset, siue per deceptionem, siue per vim, nihilominus sanctificata erat, tenebanturque omnes agere festa iuxta diem, quem Tribunal sanctificasset; & etiamsi quisquam certò scisset Tribunal errasse, nihilominus eius declarationem sequi necesse habebat, quod id negotij ad alium neminem pertineret.*

*Hebræos Cyclis usos esse.*

*Eosque fallaces fuisse.*

*R. Moyse Ægyptius.*

41. Cyclos eorum reapse erroneos fuisse, anticipasseque Neomenias diebus aliquot, præter Epiphanium, alia vetustioris Ecclesiæ monumenta fidem faciunt. Apostolorum canon octauus: *Si quis Episcopus, aut Presbyter, aut Diaconus sanctum Paschæ diem ante vernale æquinoctium cum Iudæis celebraverit, anathema sit.*

Canon  
post.

Clem. Rom.

Clemens Rom. Apost. const. lib. 6. c. 16. *Neque amplius cum Iudæis tempus celebrandi Pascha obseruetis, falluntur enim in ipso etiam calculo & ratiocinatione, quam existimant se absoluer.*

Constanti-  
nus Imp.

Constantinus Augustus epistola ad Ecclesias, quam dedit ex Synodo Nicæna. *Hinc etiam existit, quod ne hac quidem parte veritatem perspiciunt (Iudæi): quippe qui præ errore extra æquitatem temporis in hoc festo celebrando obseruationem longissimè euagati, eodem anno alterum Pascha celebrant.* Socrates lib. 5. c. 21. *Nonnulli ut dixi, in Asia minore, decimo quarto die mensis festum istud peragunt quidem, qui partes propius ad Orientem sitas incolunt, Sabbatho illud celebrant illi quidem, sed de mense discrepant. Atque illi Iudæos quamuis tempus festi non adeo accuratè obseruantes imitandos asserebant; hi post æquinoctium celebrant, eodémque tempore cum Iudæis festum agere abhorrent; quippe Pascha semper celebrandum esse, cum Sol sit in Ariete, docent, mense, ut Antiocheni vocant Xantico, ut Romani, Aprili. Et eodem capite non longè à fine: Porro quamuis possemus sermonem de Paschate susceptum multò longius producere, & tum Iudæos ipsos, neque tempora illius celebrandi, neque modum accuratè obseruare, cum qua ratione Samaritani, qui sunt secta Iudæorum, semper post æquinoctium hoc festum peragant,*

Socrates.

plane ostendere, &c. Errabant ergo Iudæi, & Cyclis hærentes suis sursum versus initia mensium progressi, Apostolorum, & proximo tempore & anticipabant Neomenias, & Pascha longè ante æquinotium vernum celebrabant. Quæ verò quantâque esset anticipatio, ex sequentibus coniectandum.

42. Cyclis, quos Epiphanius retulit, explicandis Viri hac ætate doctissimi plurimum industriæ contulerunt; cæterum, aut ego vehementer fallor, aut eorum modum assequuti non sunt. Verba Epiphaniij, ex quibus Cyclorum rationes petuntur, eò loci sunt ista. *Supersunt enim ex illorum ratiocinijs horæ aliquot appendices, quæ tertio quoque anno diei apud illos discrimen afferunt. Quippe lunarem ad modum præter 354 dies, horas insuper quaternas adiiciunt, quæ singulis triennijs diem integrum conficiunt. Ob id anni XIV menses postulant intercalares quinque, eo quod de solis cursu, qui est dierum 366 cum horis tribus, unam horâ decerpūt. Nam horis additis fiunt deinde 365 dies, una hora minus. Vnde illi XIV annis sexies multiplicatis, ut 84 anni consurgant, anno 85 mensem unum intercalant, quo fit, ut 85 anni, 31 menses exhauriant, quum accurata ratio præter menses 30, dies præterea xxiv ac tres horas requirat. Hactenus Epiphanius. Anni vertentis tam solaris, quàm lunaris quantitas & antiquis incerta fuit, & ad hanc usque diem in controuersia est, quamquam angustioribus terminis, quàm olim circumscripta. Censorinus c. 18. enumeratis diuersis aliquot luminarium periodis, & veterum Astronomorum annis magnis, subintulit. Hæc annorum magnitudo eo discrepat, quod inter Astrologos non conuenit, quando vel sol plusquam trecentos sexa-*

*Cycli Hebræorum ex Epiphanio.*

*Diffensio Astronomorum de quantitate mensium, & annorum.*

ginta quinque dies in anno conficiat, vel luna minus quàm triginta in mēse. Et cap. proximo. Hoc tempus (annuum) quot dierum esset, ad certum nondum Astrologi reperire potuerunt. Philolaus annum naturalem dies habere prodidit trecentos sexaginta quatuor, & dimidiatum. Aphrodisius trecentos sexaginta quinque, & partem diei octauam. Calippus autem trecentos sexaginta quinque. Et Aristarchus Samius tantumdem, & præterea diei partem millesimam sexcentessimam vigesimam tertiam. Meton verò trecentos sexaginta quinque & dierum quinque partem undevigesimam. Oenopides trecentos sexaginta quinque, & dierum duum & viginti undesexagesimam partem. Harpalus autem trecentos sexaginta quinque, & horas æquinoctiales tredecim. At noster Ennius trecentos sexaginta sex, plerique præterea incomprehensibile quiddam & inenuntiable esse existimauerunt, sed pro vero, quod proximum putabant, amplexi sunt, dies scilicet trecentos sexaginta quinque. Quum ergo apud antiquos tanta fuerit opinio-  
num varietas de quantitate mensium & annorum, eos omnem operam ludere arbitror, qui de Cyclis istis, & de sententia Epiphaniij ita philosophantur, ac si illi ad rationes anni Iuliani directi fuissent, deque eis ex amussi Iuliana, neglectis cæteris, vir sanctus iudicasset.

43. Mihi Epiphanius, qui diebus trecētis sexaginta quinque & horis tribus annum solis cursum diffinierit, Aphrodisium sequutus videtur; Hebræi, qui Aphrodisij rationibus horam adimebant, rationes alias. Eapropter nec Epiphanius de Cyclis istis rectè potuit iudicare, & præter germanam illorum Cyclorum formam alia ab eo nequicquam postulatur.

Quæ

Quæ, nisi coniectura me fallit, talis fuit.

Annus vertens solaris fuit dierum 365, horarum duarum; lunaris dierum 354 horarum quatuor. In annis quatuordecim intercalabant menses quinque; in octoginta quinque triginta & vnum, adeoque in 98 triginta sex, quare rationes illorum tales fuere.

*Rationes Cy-  
cli erronei  
Hebræorum.*

Anni 14 solares ex diebus 365, & horis duabus in dies resoluti sunt dies 511, horæ 4.

Anni 14 lunares ex diebus 354, horis quatuor, sunt dies 498, horæ 8. Menses intercalares quinque ex diebus 30 dies 150. Ac propterea tota Tesseradecaëteris lunaris constat diebus 5108, horis 8; & est solari minor diebus duobus, & horis viginti, quæ in annis 84 sexies repetitæ excrefcunt ad dies septendecim.

Annus 85 solaris ex data magnitudine lunarem superat diebus decem & horis viginti duabus, quæ adiectæ epactis annorum 84 hoc est diebus 17 conficiunt dies 27 horas 22. Propterea si aut anno 85 intercalatur præter ordinem mensis vnus lunaris dierum viginti octo, aut duo vltimi intercalares sextæ tesseradecaëteridis fiant caui, dierum 29, nouilunia redibunt ad eandem anni solaris diem, quamuis non ad horam eandem. Hebræi ergo superstitiosè septennarium numerum in omnibus obseruantes, huiusmodi ratiociniis colligebant, lunam cum sole paria facere, septima tesseradecaëteride ineunte. Et appositè quidem omnia hæc, si motus luminarium bene metiti fuissent, at quum de annuo motu solis horas fere quatuor detraherent, de lunæ horas to-

Q

*Cycli Hebraeorum error quantum.*

tidem, min. 48. sec. 36. prima tesseradecaeteride desinente antecedeabant nouilunia diebus duobus, horis 19. min. 20. sec. 24. Eoque errore gradatim progrediente, in annis 98 anticipabant dies fere 20, & æquinoctia ultra sedecim dies, vt ex subiecta tabella videre est. Vnde colligas, quanta-cum-ratione dixerit Constantinus, Hebræos ætate sua à legitimo tempore longissimè euagatos vno, eodémque anno duo Paschata celebrasse.

### Anticipatio Neomeniarum.

Diuisa					Collecta			
prima--dies 2 hor. 19. min. 20. sec. 24					Dies 2. hor. 19. min. 20. sec. 24			
Tesseradecaeterides	1	—	—	2	5	14	40	48
	2	—	—	2	8	10	1	12
	3	—	—	2	11	5	21	36
	4	—	—	2	14	00	42	0
	5	—	—	2	16	20	2	24
	6	—	—	2	19	15	22	48
	7	—	—	2				

### Anni Æquinoctialis Iuliani Hebraica anticipatio.

Diuisa			Collecta.	
1 Dies. 2 hor. 8			Dies 2. hor. 8	
Tesseradecaeterides	2	— 2 — 8	— 4 —	16
	3	— 2 — 8	— 7	
	4	— 2 — 8	— 9 —	8
	5	— 2 — 8	— 11 —	16
	6	— 2 — 8	— 14	
	7	— 2 — 8	— 16 —	8

Ex obseruationibus Alphonsi & Tychonis ad dies 365. & horas sex, quibus constat annus Iulianus, de-



sunt minuta circiter vndecim, quæ in annis 98 efficiunt horas 18. Quibus subductis ab anticipatione Cycli Iudaici maioris, reliqua erit eius Cycli erronea anticipatio dies XV, horæ XIV. Tantoque temporum eo annorum circuitu Hebræi aberrabant à vero in constituendo capite anni solaris, & consecratiæ etiam anni lunaris.

Ex dictis Epiphaniij, qui indicat, tempore Christi, Hebræos triduo anteuertisse nouilunia, colligitur Dominum passum esse anno secundo secundæ tessera decaëteridis, cuius à phasæ lunæ ad amissim erat anticipatio tanta.

44. Cæterum de Cyclo illo litem moueri posse non ignoro, tum quod mēdis quibusdam fortè non caret, tum quod Epiphanius quibusdam in rebus adeo obscurus est, ut naratore Dælio egere videatur; idcirco ad antiquiora, & clariora Astronomi, & Hebræi prouocandi. Sanctus Hippolytus Episcopus & Martyr septem suos Cyclos Paschales concinnauit ex antiquo Cyclo Paschali Hebræorum, qui eidem marmori insculptus est, quo Cycli eius, in eisque hoc vnum præstitit, ut quotannis notaret in quam anni Iuliani diem, iuxta computum Hebræorum, Dominica Paschalis incideret. Quod factu facillimum fuit, quum Hebræorum Cyclus quotannis & anni Iuliani diem, & ferias lunæ XIV insertas haberet, è quibus Dominicas Paschales colligere, nullius erat laboris.

*Cycli Hebræorum ex S. Hippolyto.*

Cyclum illum adeo antiquum, & adamantinum putabant Hebræi, ut ab exodo ad postrema tempora omnino immutatum durasse existimarent; quod

Qij

monent festa Paschalia Christi, Esdræ, Ezechiz, Iosifæ, Exodi, quæ illi inspersa sunt. Et verba, quæ ei præfixit Hippolytus : *Erit in sequentibus annis ordine, quo in tabula explicatur. Factum est verò in præteritis, ut infra per notas demonstrabitur.*

Cyclus ille erat periodus annorum sedecim, quorum decem erant communes, sex embolimæ; illi dierum 354 isti 384. Annis sedecim euolutis XIV mensis primi recurrebat ad eandem diem anni Iuliani, quæ primo Cycli erat Aprilis XIII. Rectissime quidem hæc omnia ad cursum Solis; nam anni sedecim solares Iuliani sunt dies 5844 quot etiam sunt decem lunares communes dierum 354, & sex embolimæ dierum 384. Cæterum non æque bene quadrabat Cyclus ille cursui Lunæ, quum iuxta motum medium in anno communi exigat dies 354 horas 8.  $\frac{1}{2}$ . in embolimæo dies 383 horas 21 fere, & tota hec edecaëteride dies 5847 horam vnam, & quasi dimidiam. Quare ex hoc Cyclo Hebræi integro tri-duo Neomenias Astronomicas antecueriebāt. Quod si in sedecim annis tantundem errabant, an non quinto quoque Cyclo celebrauerint Pascha in nouilunio? & nisi retrocedentibus annis modum aliquem posuissent, nonne progressu temporis millies errassent toto cælo? Et nos Astronomicos calculos cum antiquis eorum Cyclis componemus? & sic instructi manu cum illis facta antiquas Ecclesiæ traditiones oppugnatum ibimus? Nunquid non ipsimet & Cyclis se diffidere suis, & vna opera inscientissimos Astronomiæ prodebant, dum (si eorum Rabbinos audiamus) nescire se profitebantur, qua hora,

*Eius Cycli  
errat.*

quaue die luna conspiceretur, nisi iureiurando certi essent, eam ad cacumina montium cornubus exploratorum oculos incurfasse? Quotus enim quisque est, Astronomicis principiis vrcunque tinctus, qui etiam clausis luminibus domi sedens eam nascentem non videat? Valeant igitur Astronomorum, & Hebræorum nugæ, & stet antiqua Ecclesiæ traditio, Christum passum esse Martii XXV, & ciuili luna XV mensis primi.

45. Grauioribus difficultatibus superatis, tertia minoris momenti reliqua est de æra Christi vulgari, quam Dionysianam vocant, quæ posito natali Domini in Consulatu Balbi, & Viteris, falsa esset, & integro sexennio verâ breuior, quod durum fortasse alicui videri potest, ob eam, quam à consensu Ecclesiæ Occidentalis auctoritatem sortita videtur, ideo opportunum existimo, dicere, quæ fuerit eius origo, quæ sit auctoritas.

Cyclus Solis quid sit, copiosè à nobis explicatum est, Cycli lunæ est periodus annorum decem & nouem solarium, qua emensa, nouilunia ad easdem mensium dies reuertuntur. Si vnus Cyclus ducatur in alterum, multiplicenturque 18. per 19. emergit Cyclus maior annorum 332, quibus euolutis, quæcunque ad solem, & lunam pertinent, ad eundem omnino statum perpetuo esse reuersura antiqui credidè, nescij nouilunia singulo quoque cyclo anticipare horam vnā, minuta 27, atque adeo in annis 312 vnā ferè integram diem. Hinc ex eorum hypothefi, qualis fuit annus Christi Domini primus, tales fuere anni 333. 1065. 1597, & sic ante & retro qui-

*De æra  
Christi vul-  
garis aucto-  
ritate.*

*Cyclus Ma-  
gnus Diony-  
sij quid.*

*Ambros.  
epist. de Pas-  
sch. celebrat.  
Beda de ra-  
tione Temp.  
c. 45.  
Cyclos Dio-  
nyssianus  
Authorem  
non habet  
Dionysium  
exiguum.*

libet quingentesimus trigessimus tertius in infinitum. Huius periodi Dionysius Exiguus Abbas Romanus author fuisse fertur, qui orsus ab anno Christi 532 cyclum vnum, cum produxit vsque ad annum 1064, eoque authore Christi fideles annos à Christi natali primum putare cœperunt, quum ante in Cyclis Paschalibus à die Imperij à Diocletiano suscepti numerarentur. Hactenus certa omnia. At Dionysium fuisse eius æræ authorem, cuius nunc labitur annus 1624, & eius Cycli Magni, qui cœpit Cyclo solis IX, & Dominicalibus litteris DC, ut hucusque creditum est, ægrè suaderi possum, immo omnino non possum.

*Præfatio  
Dionysij.*

46. Marianus Scorus ad annum Domini 526 refert Præfationem Cycli Dionysiani ab authore suo hisce conceptam verbis. *Præsentis anni monstramus exemplum. Indictio quippe quarta est, & lunaris Cycli xi decemnouennalis xiv, & quia endecadis eius sextus est annus, ideo embolismum esse necesse est. A quintadecima itaque luna præteriti festi, vsque ad xiv præsentis, quot dies sunt, diligentius inquiramus, & inueniemus proculdubio quando Pascha celebrare debeamus. Transacto anno per indictionem tertiam Pascha xiv lunam ix die Kal. Aprilis, id est xxiv Martij fuisse, quis dubitat? Et paulo ante dicit, Hoc monemus, quod Cycli iste 95 annorum, quem fecimus, non per omnia in seipsum reuertitur, & ideo post expletionem 95 annorum, non ad quintum sancti Cyrilli, qui incipit Cycli sub anno 153 Diocletiani, quorum quintum Cyclum necessario nobis proposuimus, sed ad nostrum primum Cyclum, qui nos ab anno 248 eiusdem Diocletiani incipimus, lector recurat. Hæc Dionysius, qui etsi se*

concinnaſſe dicit Cyclum annorum 95 tantum, po-  
tuit tamen poſt illum producere uſque ad 532, neque  
ego ob hanc vnā cauſam deſeruiffem vnquam  
communem opinionem de huius Cycli authore. At  
quod vrget illud eſt, quod ordiri ſe dicit Cyclum  
ſuum, ubi deſierat quintus ſancti Cyrilli, ut iam cha-  
racter infallibilis Cycli Dionyſiani ſit continuatio  
Cyclorum ſancti Cyrilli, qui ſi non quadrat in Cy-  
clum iſtum vulgarem, non video, quo iure Cyclus  
Dionyſianus dici queat.

*Dionyſius  
exiguus pro-  
fitetur ſe  
continuari  
Cyclos ſancti  
Cyrilli.*

47. Apud Bedam eodem lib. quo Cycli Diony-  
ſiani collecti ſunt, habentur etiam priores duo ex  
quinque ſancti Cyrilli, quamuis inſcitia aliena mi-  
ſerè deformati; adiecti ſunt enim illis anni Domini  
à neſcio quo, qui arbitratus Cyrilli Cyclos cœpiſſe  
ſub initium æræ Chriſti vulgaris, primum Cycli pri-  
mi notaui anno ſalutis tertio, quod quàm alienum  
à vero ſit, Dionyſium audiuiſus. Neque eiufdem  
hominis inſcitia pepercit Dionyſianis, quos dū tri-  
plicare voluit, & extendere ad quingentos triginta  
duos, priores, & poſteriores; mille fœdauit errori-  
bus. Primi anni duo Cycli primi ſancti Cyrilli in  
Cyclo Solis ſunt,

*Characteres  
Cyclorum  
ſancti Cy-  
rilli.*

20 D

21 CB: Quare duo vltimi, nempe nonageſi-  
mi quartus & quintus neceſſario fuere in Cyclo  
Solis

1 GF

2 E. Quos quum ſequutum ſe Dionyſius pro-  
fitetur, aliunde Cyclum ſuum ordiri non potuit,  
quam Cyclo Solis 3, & Dominicali littera D. At Cy-

*Cyclus vul-  
garis Dio-  
nysij sexen-  
nio posterior  
Cyelo Dio-  
nysij vero,  
et vera eius  
era.*

clus magnus, qui ei tribuitur, incipit Cyclo Solis 2, & Dominicali littera geminata DC, non igitur hic Cyclos est ille, quem Dionysius fecit, sed alter sexennio posterior. Si cœpit Dionysius Cyclum suum anno æræ Christi 532, & cœpit Cyclo Solis 3, & Dominicali littera D, annum eius 533 habuisse oportet Cyclum Solis 4, & Dominicalem litteram C. In Cyclo magno qualis est annus primus, talis est etiam 533, & vicissim. sensit igitur Dionysius, Dominum natum esse Cyclo Solis 4, & Dominicali littera C, qui sunt ipsissimi characteres anni quadragesimi Iuliani in Cyclo Cæsaris emendato. Fixit itaque Dionysius æram suam in illo ipso anno, quo ex nostra, & antiquorum sententia Dominus natus est, ut iam qui nunc dicitur Dionysianus 1624 sit Dionysianus 1630. Si Cyclos iste vulgaris cum æra sua Dionysij exiguus non est, aut aliquem alium Dionysium authorem habuit, aut impostor aliquis hoc nomine personatus orbi illudere voluit. Quo id primum tempore factum sit, et si diffinire non ausim, quo tamen factum coniectem, non tacebo.

*Æra Christi  
fit quando  
usurpata  
cæperit.*

48. Ante tempora Caroli Magni nullus fuit usus æræ à Christi natali, sed usque ad Iustinianum per Consulatus, inde per indictiones, seu per annos Principum tempora discreta fuere. At ætate Caroli recepto isto Cyclo Paschali cum nomine Dionysij, ex eo etiam anni Domini numerari cœpere, statim tamen ac in usum venit, non defuerunt, qui æram eius castigandam contenderent, & reducendam ad veriorē illam, quam antiqui statuerant. Cuius rei testis est Annalium Francicorum fragmentum ab  
anno

Iusti-  
niani  
no-  
uella  
47.

anno Domini 714 in annum 793 in quo ad annum *Controversia*  
 758 subiiciuntur hæc verba : *cum causa.* *Et immutavit se numerus*  
*annorum.* Et anno 759. *Et immutavit se numerus anno-*  
*rum.* Et anno 760. *Et immutatus est numerus.* Et annis  
 767. 770. 777. *Et immutavit se numerus annorum.* Et tan-  
 dem anno 787. *Et immutavit se annus.* Verùm ista æra  
 vulgaris computistarum consensu obtinuit tan-  
 dem, non (ut mea fert opinio) quòd æra alia verior  
 putaretur, sed ne anni illius Cycli alio charactere  
 notarentur, quàm quo eius auctori placuerat. Libe-  
 rum tamen semper in Ecclesia fuit, & sentire de ea, *Quid viri*  
*docti de illa.*  
 & dicere quod liberet; hinc inter eos, qui de ratione  
 & emendatione temporù scripserunt, vix vnũ aut  
 alterum reperias, qui omni conatu ei nõ reluctetur.  
 Ioannes Lucidus ei deesse vult annum vnum. Ioan-  
 nes Temporarius, communior scriptorum duos.  
 Marianus Scotus duodecim. Sigebertus Stofferinus,  
 & Rhenerius vnum & viginti. Hermannus Contra-  
 ctus triginta. Antonius Dulciatus tres & triginta.  
 contra Paulus Middelburgensis redundare vult  
 annos duos; Veneti, Florentini, & Senenses vnum.  
 Vno verbo dicam, nemo omnium est, qui falsam  
 non putet; ipsa enim, ut ostendimus, affixa est Con-  
 sultui C. Cæsaris, & Æmilij Pauli, qui fuit æræ Cæ-  
 saris 46. Olympiadis 195, secundus & tertius, Nabo-  
 nassari 750 & 751, quo tamen anno natum Christum,  
 qui diceret, vidi neminem. Quum ergo & ipse vi-  
 deam, illam stare non posse cum antiqua Ecclesiæ  
 traditione de diebus Conceptus, Natalis, Epipha-  
 niæ, Baptismi, & Passionis Christi, liber us & li-  
 bentius dixero, errasse Dionysium ( si Dionysius

R

*Quid an-  
not.* fuit) in ea constituenda, quam Ecclesiam, & Patres posteris commendando certos dies tanquam præcipuis mysteriis nostræ salutis insignes.

*Epilogus  
disputatio-  
nis & com-  
pendium  
præcipuo-  
rum capi-  
sum vite  
Christi.*

49. Colligo iam quæ hæcenus disputavi. Christus natus est 25 Decembris, Feria tertia, Consulibus D. Lælio Balbo, & Caio Antistio Vetere, anno Iuliano 40, Augusteorum inintercalarium tertio; Olympiadis centesimæ nonagesimæ quartæ primo; Nabonassari 745. Baptizatus est VI Ianuarij, die Dominico; anno XV Tiberij Cæsaris ab Imperio primum suscepto; Consulibus Cn. Cornelio Getulico, & C. Calvisio Sabino, Septuagesimo primo Iuliano, quum ex a. d. VII Kal. Ianuarij iniisset annum trigessimum primum. Passus est 25 Martij, Feria sexta; Luna XV Hebræorum civili; Consulibus duobus Geminis; anno Olympiadis 202 secundo; Nabonassari 778, XIX Tiberij ab Imperio primum suscepto, XV ab excessu Augusti, Iuliano 74, ætatis suæ quarto supra trigessimum.

Ne quam verò confusionem Lectori pariant anni Olympici, & Nabonassarci, qui cum Romanis non nisi ex parte conveniunt, tabulam subicimus, quæ uno intuitu toto tempore vitæ Christi omnia eorum discrimina dignoscantur. Olympicorum initium est à solstitio æstivo; Ægyptiorum à diebus Iulianis, qui in eis notantur.



*Tabula annorum totius vite Christi in æris præcipuis.*

Olym- piades	Anni Nabo- nassar	Anni Juliani	Anni Christi vulgares	Anni Christi veri	Con- fu- ls
4 194 1	Augusti 25 744 745	40		Dies se- ptem	Balbus & Vetus
1 2	745 746	41		1	Augustus XII & Sulla
2 3	746 747	42		2	Sabinus & Rufus
3 4	747 Augusti 24 748	43		3	Lentulus & Messalinus
4 195 1	748 749	44		4	Augustus XIII & Sylvanus
1 2	749 750	45		5	Lentulus & Piso
2 3	750 751	46	1	6	C. Cæsar & Paulus
3 4	751 Augusti 23 752	47	2	7	Nepos & Varus
4 196 1	752 753	48	3	8	Lamia & Geminus
1 2	753 754	49	4	9	Catus & Saturninus
2 3	754 755	50	5	10	Messala & Cinna
3 4	755 Augusti 22 756	51	6	11	Lepidus & Nepos

R ij

Olympiades	Anni Nabonnassari	Anni Juliani	Anni Christi vulgare	Anni Christi veri	Confules
4 197 1	756 757	52	7	12	Silvanus & Silanus
1 2	757 758	53	8	13	Camillus & Quinctilianus
2 3	758 759	54	9	14	Sabinus & Camerinus
3 4	759 Augusti 21 760	55	10	15	Domitilla & Silanus
4 198 1	760 761	56	11	16	Lepidus & Taurus
1 2	761 762	57	12	17	Germanicus & Capito
2 3	762 763	58	13	18	Nepos & Plancus
3 4	763 Augusti 20 764	59	14	19	Nepos & Nepos
4 199 1	764 765	60	15	20	Drusus & Norbanus
1 2	765 766	61	16	21	Taurus & Libo
2 3	766 767	62	17	22	Rutius & Flaccus
3 4	767 Augusti 19 768	63	18	23	Tiberius & Germanicus
4 200 1	768 769	64	19	24	Silius & Balbus

## PASS. CHRISTI.

131

Olympiades	Anni Nabonnassari	Anni Iuliani	Anni Christi vulgares	Anni Christi veri	Consules
1 2	769 770	65	20	25	Messalla & Cotta
2 3	770 771	66	21	26	Tiberius & Drusus
3 4	771 Augustus 772	67	22	27	Galba & Agrippa
4 201 1	772 773	68	23	28	Pollio & Vetus
1 2	773 774	69	24	29	Certhegus & Varro
2 3	774 775	70	25	30	Isauricus & Agrippa
3 4	775 Augustus 776	71	26	31	Getulicus & Sabinus
4 202 1	776 777	72	27	32	Crassus & Piso
1 2	777 778	73	28	33	Sylvanus & Nerva
2 3	778 779	74	29	34	Geminus duo

50. Si Baptismus Christi constituatur in XV *si anno alio*  
Tiberij ab excessu Augusti, vt antiquis, & recentio *passus Christi*  
ribus plerisque placuit, & passio in 202. Olympiadis *passus dicatur*  
anno quarto, baptizatus erit 74 Iuliano, Consulibus *varias Ec-*  
Geminis, passus 76 Iuliano, Consulibus Tiberio, & *clesie tradi-*  
Seiano. At quibus id placeat, neque passum dicere *tiones euerii.*

R. iij.

possunt 25 Martij, neque baptizatum & adoratum à Magis die Dominico. Dominicalis enim anni 76 est G. affixa Martij 25. nemo verò Christum passum dixerit Dominico die. Dominicalis 74 Iuliani est B. sexta Ianuarij F. quare baptizatus fuisset feria quinta, Dominicalis 43 Iuliani est D. Itaque adoratus fuisset à Magis feria tertia. Quod si demum Passio Domini remoueaturn à 34 ætatis Christi, ut plerique recentiorum fecêre, vnus, aut alter ex his scopulis vitari poterit, omnes non poterunt; nemo tamen infœlicius periclitabitur, quàm Ægyptius, qui passum vult Galba & Sylla Coss. die XI Aprilis, eius enim anni Dominicalis fuit D. affixa XI Aprilis est C, quare passus fuisset Sabbatho contra Euangelium; sed videamus iam, quibus argumentis instructus hanc in arenam descenderit.

si Christum  
passus esset  
anno & die  
quo putat  
Ægyptius,  
passus fuisset  
sabbatho.

*Diluuntur argumenta Ægyptij contra ea, quæ constituta sunt capite præcedenti, & quæ supererant ex capite huius dissertationis primo de Cæna Christi suprema.*

## C A P. VI.

1. *argum.* 1. **P** R I M V M Ægyptij argumentum est. Anno  
 » XV Imperij Tiberij Cæsaris Christus annum  
 » trigessimum fere compleuerat. Nam Lucæ cap. 3. *Erat*  
 » *incipiens quasi annorum triginta.* Retexe annos 30 à  
 » XV Tiberij, quo Consules fuerunt Gemini duo, de-  
 » ducèris ad annum mundi Iulianum 3984 quo Con-

fules fuerunt Augustus XIII & Plautius Syluanus. »

Respondeo, verba sancti Lucæ Græcè concepta, *solutio.*  
 uti illa scripsit, sunt hæc : καὶ αὐτὸς τὸ Ἰησοῦς ὡσαύτῃ ἐτίθη  
 τε ἀναρτὰ δεξέρωτος. Ad verbum, *Eripse erat Iesus quasi* *Ex verbis*  
*annorum triginta incipiens.* In quibus duo consideran- *sancti Lucæ*  
 da sunt, participium *incipiens*, & particula *quasi*. Par- *non collige*  
 ticipium annis postpositum, & loco periodi supre- *annum cer-*  
 mo, ad annos non potest referri, sed si ex similibus *tum Christi*  
 similia colligamus, refertur ad Euangelium, cuius *tempore Ba-*  
 ibi primordia describuntur. Actorum cap. 1. 21. Pe- *ptismi.*  
 trus, Oportet ergo ex his viris, inquit, qui nobiscū sunt con-  
 gregati in omnitempore, quo intrauit, & exiuit inter nos  
 Dominus Iesus incipiens à baptismo Ioannis, usque in  
 diem, qua assumptus est à nobis. Et rursus cap. 10. 37. Vos  
 scitis, quod factum est verbum per uniuersam Iudæam, in-  
 cipiens enim à Galilæa post baptismum, quod prædicauit  
 Ioannes. Vides itaque Apostolis Euangelium Chri-  
 sti descripturis, Petróque in primis familiare fuisse,  
 eius initia petere non ab ætate Christi, sed à baptis-  
 mo Ioannis, istoque ipso verbo, *incipiens*, quo hic  
 utitur Lucas. Ut quid ergo, Petro neglecto, id verbi  
 nunc non ad Euangelium, cuius initia ibi descri-  
 buntur à Luca; sed ad ætatem Christi referemus?  
 Quod Latine, *quasi*, Græcè ὡσαύτῃ, particula est, quæ  
 etsi varias interpretationes admittit, frequenter ta-  
 men usurpatur pro *circiter*. Dixerat Matthæus cap.  
 10. Christum die sexta post institutum sermonem  
 transfiguratum esse. Lucæ tamen cap. 9. id factum  
 asseruit, post illum sermonem ὡσαύτῃ quasi dies octo. Quo sen-  
 su cap. 3. loquutum fuisse Lucam de ætate Christi  
 existimauit Iustinus Martyr dialogo cum Tripho-

ne. *Ad annos, inquit, plus minus triginta durans quoad-  
usque Ioannes aduentus eius praco, & baptismi viam.  
præiens, sicut antea ostendi, processit. Noluit igitur Euan-  
gelista hîc diffinire accuratè ætatem Saluatoris,  
quod nec ab aliis diffiniri mos esset, sed satis fuit, di-  
xisse, annorum circiter triginta illum fuisse, quando  
euangelizaturus ad baptismum accessit. Aliunde  
tamen constat, cum, anno trigesimo absoluto ablu-  
tum à Ioanne fuisse. Ignatius enim, qui illum viuen-  
tem vidit, epist. ad Trallianos. *Expleis, inquit, tribus  
annorum decadibus baptizatus est, anno quintodecimo Ti-  
berij; non à morte Augusti ( non enim hoc dicit  
Euangelista) sed ab imperio primum suscepto; hinc  
Consulibus Getulico & Sabino Iuliano 71 vt di-  
ctum est.**

2. *Argum.* 2. Secundum argumentum. Tempore Passio-  
nis sol passus est ingentem illam eclipsim, quam nar-  
rant Euangelistæ. At eclipsis illa testimonio Phle-  
gontis apud Eusebium in Chronico incidit in an-  
num quartum Olympiadis 202. Igitur anno illo  
Christus passus est, non XV Tiberij, qui fuit eius  
Olympiadis secundus.

*Solutio.*

*Incertus est  
annus ecli-  
psis, cuius  
meminit  
Phlegon.*

Respondeo. Qui ex testimonio Phlegontis hanc  
eclipsim Gentibus primus obiecit, is fuit Iulius Afri-  
canus vetustus, & accuratissimus scriptor. Hic ta-  
men Christum passum scripsit anno secundo Olym-  
piadis 202 Imperij Tiberij Cæsaris XV. Ita apud  
Hieronymum in cap. Danielis nonum, & apud Eu-  
sebius de Demonstr. Euang. lib. 8. Quare eius anni  
notas Arithmeticas, quas nunc habemus in Chro-  
nico Eusebij, spurias esse necesse est; còque magis,  
quod

quod Eusebius ipse passionem constituit in Olympiadis 202 anno tertio, quod non fecisset, si eclipsim in Phlegonte vidisset anno eius Olympiadis quarto. Quid enim pertineret ad Passionem Christi eclipsis anni quarti, si Christus anno tertio passus esset? Quum ergo antiqua Phlegontis manuscripta sibi non constarent, sed alia haberent annum secundum, alia tertium, alia quartum, nos tot argumentis instructi verustioribus subscribimus cum Africano. Et certè quum fieri nequeat, ut Christus passus sit anno quarto Olympiadis 202, & Herode viuente natus sit, si in vita Herodis Iosephus non errauit, ego à librariis potius erratum in eclipsi, quàm à Iosepho semper sibi constante in Herode, crediderim. Herodis enim res recentes erant, & cōspicuz, quando Iosephus scripsit, ut vix possibile sit, ignoratum ab eo fuisse, quandiu Tyrannus ille regnauerit, quandiu vixerit, quando interierit.

3. Tertium argumentum ex 2. cap. S. Ioannis. *3. Argum.*  
 Supremis vitæ suæ diebus flagello facto de funiculis ”  
 Dominus eiecit de templo vendentes & ementes, à ”  
 quibus interrogatus, quod signum ostendis nobis ”  
 quia hæc facis? Respondit Iesus, & dixit eis: Soluite ”  
 templum hoc, & in tribus diebus excitabo illud. Di- ”  
 xerunt ergo Iudæi: Quadraginta & sex annis ædifi- ”  
 catum est templum hoc, & tu in tribus diebus exci- ”  
 tabis illud? Quæ verba sic interpretantur. Quadra- ”  
 ginta & sex anni sunt, quod templum hoc ædifica- ”  
 tum est, ut tu vides, tantæ magnitudinis, & magnifi- ”  
 centiæ, quomodo est, quod tu dicis, ut nos illud de- ”  
 struamus, & tu in tribus diebus reædificabis illud? ”

» hoc certè nihil aliud est, quam vanissima quædam  
 » iactantia & supina stultitia. Posita hac interpreta-  
 » tione colligit annum Christi natalem hunc in mo-  
 » dum. Herodès cœpit ædificare templum anno 18 re-  
 » gni sui, mense Iulio, absoluit spatio nouemanno-  
 » rum cum dimidio media hyeme, ex Iosepho antiq.  
 » 15. c. 14. Cœptum itaque mense Iulio anni Iuliani  
 » 3929 absolutum mense Ianuario 3939. Adde 45. an-  
 » nos annis 3939 habebis annum 3984 completum  
 » Ianuario; & inchoatum 46 per duos menses, qui fuit  
 » vitæ Christi supremus.

*Solutio.*

*Era templi  
 ab Herode  
 refecti He-  
 brais memo-  
 rata anno  
 primo Pra-  
 dicationis  
 Christi non  
 ultima ut  
 Ægyptius  
 vult.*

Respondeo. Vis omnis huius ratiocinationis in  
 eo posita est, quod hæc verba Christo dicta sint ab  
 Hebræis eo Paschate, quo crucifixus fuit. Quod  
 quàm falsum sit, docent testimonia S. Ioannis, quæ  
 subiicit. Primum de eo sic loquitur. *Quum autem  
 esset Ierosolymis in Pascha in die festo, multi crediderunt  
 in nomine eius, videntes signa eius, quæ faciebat. Ipse autem  
 Iesus non credebat semetipsum eis.* Christus hoc Pas-  
 chate Ierosolymis euangelizat, signa facit, pluri-  
 mos Iudæorum conuertit, illis tamen seipsum non  
 credit. In ultimo Paschate secundum nos capitur,  
 illuditur, crucifigitur. Secundum Ægyptium etiam  
 in sepulchro iacet, pridie interfectus. Et hoc erit vl-  
 timum Pascha Christi? Adde Ioannem asserentem,  
 verba illa dicta Christo fuisse post nuptias Galilææ  
 illustres primo miraculo Christi, & Dominum post  
 illud Pascha habitatum iuisse Capharnaum: quæ de  
 supremo Christi Paschate affirmari nisi stultè & im-  
 pie non possunt. Quò tamen Ægyptius trahere illa  
 vult hac vna ratione, quòd omnium aliorum Euan-



gelistarum testimonio ante ultimum Pascha Christus eiecit de templo ementes & vendentes. Quasi eos pellerere bis non potuerit, ut pepulisse sentiunt omnes interpretes.

Elegantissimam illam interpretationem: *quadraginta sex annis templum hoc edificatum est*, hoc est, *sunt quadraginta sex anni, postquam templum hoc edificari desit*, quis patienter, audiat?

4. Verum urget Ægyptius communem testimonio Iosephi, asserentis, templum ab Herode completum nouennio, & sesquianno.

At de præcipuis, & essentialibus templi partibus Iosephum ibi loquutum fuisse, didicisse poterat à Iosepho ipso, qui antiq. 20. c. 8. prima belli Iudaici semina describens hæc habet. *Iam absolutum erat & templi ædificium*, Populus igitur cum videret, esse in otio *circiter octodecim opificum millia solitorum hæctenus in templo ex operarum mercedibus victum quærere, nolensque sacram pecuniam repositam habere, ne quando præda Romanis fieret, simulque opificibus inde prouisum cupiens, quod vel una hora operato merces repræsentaretur, suasit Regi, ut Orientalem instauraret porticum.* Si sub initium belli Iudaici, hoc est, quadagesimo ferme anno à morte Christi templum absoluere Iudæi; non certè annis quadraginta sex, antequam moreretur, illud abolu-  
Templum  
vix absolu-  
tum sub ini-  
tium belli  
Iudaici.

5. Ex æra templi ab Herode resecti Iudæis memorata anno primo prædicationis Christi, ut tradit S. Ioannes, egregiè deduci potest quadagesimum Iulianum fuisse eius natalem. Herodes scilicet ex Iosepho regnavit an 37, biennio ante eius excessum  
Ex æra tem-  
pli ab Hero-  
de resecti  
confirmari  
annum Chri-  
sti natalem  
verum.

natus est Christus, quare 35. Herodis fuit natalis Christi. Anno 18 regni sui Herodes ædificare templum aggressus est, itaque natalis Christi fuit templi inchoati decimus septimus; atque ideo templi inchoati quadragesimus sextus fuit ætatis Christi trigessimus primus, quem inierat ex a. d. VIII Kal. Ianuarij Consulibus Isaurico & Agrippa. Siue planius & apertius. Herodes regnum auspicatus est post mortem Antigoni anno Iuliano nono, Agrippa, & Gallo Consulibus. Anno regni 18 templum ædificari ab eo cœptū. Ergo initium templi sub Herode in Iuliano 26. Quadragesimo sexto ab initio templi hæc verba Christo dicta fuere à Iudæis: ergo anno Iuliano septuagesimo primo; ex Ioanne dicta fuere anno Euangelij primo; igitur septuagesimo primo Iuliano Dominus & baptizatus est, & prædicare cœpit. At erat hic annus 15 Imperij Tiberij ab imperio primū suscepto; inde igitur annos Tiberij Euangelista putauit, à quo si retexamus annos 30 completos, natus reperietur Consulibus, quos prius constituiamus.

4. *Argum.* 6. Christus, inquit Ægyptius, mortuus est xiv  
» mensis Nisan, feria sexta; sed vno hoc anno XIV  
» Nisan fuit feria sexta; ergo vno isto anno mortuus  
» est.

*Solutio.* Respondemus neque XIV mensis Nisan mortuum esse, neque illo anno XIV fuisse feria sexta.

5. *Argum.* 7. Prolixè tandem disputat de 70 hebdomadis  
*ab Hebd-* Danielis, & quia putat finiri illas in annis suis Iulia-  
*madis Da-* nis 3949, & 3984, ideo colligit, vno natum fuisse Chri-  
*stian.* » stum, altero passum.

Equidem declinasset libenter hoc argumen- *Responsio.*  
tum, quod sciam, neminem esse adeo alba linea in  
rebus sacris, quin bene norit, quàm insulsa res sit, ab  
Hebdomadis Danielis colligere annos natalis, &  
passionis Christi, ac si illæ istis essent certiores, & no-  
tiores. Quia tamen Ægyptius sententiam suam rem  
pulcherrimam arbitratus eam suauissimè exoscula-  
tur, eaque vna præferri se vult omnibus, à quibus ad  
hanc usque diem de hac controuersia scriptum est,  
ego argumentum indiscussum præterire neque po-  
tui, neque volui, non male operam locaturus, si cie-  
cero trabem hanc de oculo fratris. Verba Danielis  
seu verius Gabrielis ad Danielelem cap. 9. sunt hæc:  
*Septuaginta hebdomades abbreviatae sunt super populum  
tuum, & super urbem sanctam tuam, ut consummetur præ-  
uaricatio, & finem accipiat peccatum, & deleatur iniqui-  
tas, & adducatur iustitia sempiterna, & impleatur visio,  
& prophetia, & ungatur Sanctus Sanctorum. Scito ergo,  
& animaduerte, ab exitu sermonis, ut iterum edificetur  
Ierusalem usque ad Christum ducem, hebdomades septem,  
& hebdomades sexaginta duæ erunt: & rursus edificabi-  
tur platea, & muri in angustia temporum, & post hebdo-  
mades sexaginta duas occidetur Christus, & non erit eius  
populus, qui eum negaturus est.*

Quatuor scriptura commemorat de reducendis  
Hebræis, & restituendo templo Regum Persarum  
decreta, primum Cyri, secundum Darii, tertium &  
quartum Artaxerxis. Cyri anno primo; Darii secun-  
do; Artaxerxis septimo, & vicesimo. Cyri Esdræ 1. c.  
4. Darii c. 6. Artaxerxis lib. 1. c. 7. & lib. 2. c. 2. & 5.

De duobus iam ferè conuenit inter omnes, heb-

*Statum con-  
trouersia.*

domadas istas esse hebdomadas annorum, non dierum, & eorum initium ab aliquo ex his quatuor decretis esse sumendum, quum Angelus Daniele cas numerare docuerit ab exitu Verbi, ut iterum ædificetur Ierusalem. Sed quia inter primos decem Persarum Reges Darij duo, duoque item Artaxerxes fuere, Darij Hystaspis & Nothus, Artaxerxes Longimanus, & Memor, utriusque Darij, & Artaxerxis fuerint ea decreta, hoc disceptatur, ex ploto iam communibus eruditorum suffragiis decreto Cyri, quod eius regnum ultra septuaginta hebdomadas antecierit Saluatorem. De earum exitu conuenit inter Christianos, eas in Messia finiri, soli refragantur Hebræi, qui earum exitum ponunt in excidio Urbis. Scaliger, & Ægyptius nos inter, & Hebræos media incedunt via; Septuaginta hebdomadas finiunt in excidio Urbis cum Hebræis, sexaginta duas in morte Christi, & Ægyptius nouo quodam commento, quinquaginta quinque in anno Saluatoris natali. Septuaginta putat à secundo anno Darij Nothi, sexaginta duas à quinto Artaxerxis Memoris, quinquaginta quinque à vicesimo eiusdem Regis: Verba enim illa: *Hebdomades septem, & hebdomades 62 erunt*, sic explicari vult, hoc est, *hebdomades septem subducenda ab hebdomadis sexaginta duabus, ut remaneant quinquaginta quinque*. Et hæc eorum omnium, quæ scribit à cap. 19. ad 25. summa est. Ego relicta Prisciano, qui ea grauius vapulat, integra refutatione tertiæ interpretationis, de aliis compendio dicam.

Opinio Scaligeri & Ægyptij.

Regum Persarum Chronologia.

8. A Cyro primo Persarum Monarcha ad Artaxerxem Memorem in Perside ita regnatum est.

Cyrus	an.	30
Cambyfes cum Magis	an.	8
Darius Hiftafpis	an.	36
Xerxes	an.	22
Artaxerxes Longimanus	an.	40
Xerxes, & Sogdianus	an.	00 — m.9
Darius Nothus	an.	19
Artaxerxes Memor	an.	40

In duobus Regibus diffidet ab hac Chronologia Ægyptius, in Cyro, & Xerxe. Contra omnia cœli & terræ testimonia, quæ dicam cap. ultimo, Cyri primum facit tertium Olympiadis 35, quum fuerit primus. Et Xerxi tribuit annos tantum viginti, quum regnauerit 22, sed quia neutrum magni refert ad hoc argumentum, nunc ei libenter largimur vtrumque. Eius anni Iuliani ad ducendas, & subducendas rationes accommodatissimi sunt; quare omissis Olympicis, istis ceu notioribus utemur.

Primus Cyri Ægyptio fuit Iulianus	3324
Primus Darii Nothi	3529
Primus Artaxerxis Memor	3548
Annus Christi natalis fuit	3250
Annus Passionis	3284
Ierosolymorum excidium.	4021

9. His explicatis, quibus sine neque prophetia intelligi, neque argumentum enodari potest, expendamus vtrumque. Verba Gabrielis sunt: Scito, & animaduerte, quod ab exitu Sermonis, ut iterum ædificetur Ierusalem usque ad Christum ducem hebdomades septem, & hebdomades sexaginta duæ erunt. Verbum illud, erunt, non potest accommodari solis hebdomadis

*Opinio Scaligeri & Ægyptij refutatur.*

62, sed ex appositâ coniunctione enunciatur, & necessario intelligendum est de tota eâ, quæ ex utroque numero summa confluit. Si quis enim Ægyptium vixisse dicat annos septem & septuaginta, & ego cum sic interpreter, ut dicam, vixisse quidem illum annos septuaginta, sed non septem, quis me non irideat? Si ex mente Angeli omnes sexaginta nouem ad Christum Ducem nostrum putandæ sunt, à secundo Darii Nothi putari non possunt. Nam hebdomades 69 sunt anni 483; à secundo Nothi ad annum Passionis, siue ab anno 3530 ad annum 3984, anni fuerunt 454. non ergo ab edicto illo 69 hebdomades inchoandæ.

10. Minus erratum certè in sexaginta duabus, quam in 69, erratum tamen etiam in eis est. Septimus annus Memoris, quo edictum primum eius Regis datum est, fuit Iulianus 3554. Annus Passionis Christi 3984. Differentia 430, hebdomades 62 sunt anni 434. Ergo ex hypothesi Ægyptii Christus passus non esset post hebdomadas sexaginta duas, sed sexagesima secunda mediante, quod pugnat cum varicinio Danielis.

*Responsio  
Ægyptij.*

Videtur Ægyptius post Scaligerum vidisse hanc obiectionem, eique sic occurrit. Eldram egressum ex Babylone anno 7 Artaxerxis haberi ex scriptura, at non haberi, quod eodem anno promulgatum fuerit, edictum illud. Duobus verò annis ante id factum putat, quo commodè conuocari possent Hebræi per varia loca dispersi, & iter adornare.

*Constitutio.*

Cæterum error quadriennii non compensatur biennio, & quæ dicuntur, gratis ab eo dicuntur.

Ecquid

Ecquid enim id interstitii requirit in hoc edicto, & non in duobus Darii, & Artaxerxis? Illa ipsa die, qua promulgatum fuit edictum Pharaonis, potuerunt adornare iter, & Ægypto cedere ultra vices centena millia Hebræorum, & totos duos annos exegerint ad adornandum iter ex Babylone quadraginta eorum millia? Mancipia, quæ libertate donantur, annos requirunt ad adornandum iter? nos errare non patitur Esdras, qui lib. 3. c. 8. disertis verbis scribit, edictum Artaxerxis non ante sibi datum à ministris Regis, quàm Hebræis congregatis, omnia ad iter necessaria parata essent. Igitur edicti promulgatio proxima fuit egressui, & nullis hebdomadis Danielis probari potest Christum eo anno passum, quo vellet Ægyptius.

II. Immo si eum nos imitari velimus, & post tot homines doctos in hebdomadas Danielis nostram nos quoque symbolam dare, multò probabilius annum passionis à nobis constitutum possumus confirmare, sumpto hebdomadarum initio seu à primo, seu à secundo edicto Longimani, quod utrinque & æquè bene numerari possint. Annus nimirum eius Regis primus fuit etiam primus Olympiadis 79, Iphyti 313, ergo eius septimus, quo edictum primum promulgatum fuit, fuit Iphyti 319 annus baptizati, & cœlitus declarati & conclamati Christi, quo scilicet cum mortales audire iussi sunt, & tanquam Ducem sequi, fuit nobis ducentesimæ primæ Olympiadis secundus, Iphyti 802. Differentia annorum 483, quæ reddit integras hebdomadas sexaginta novem, quas Angelus futuras prædixit. ab exitu

*Opinio Authoris probabilior, quæ confirmatur, quæcumque de anno passionis disputata sunt.*

*Huc referenda sunt, quæ habentur c. 4. p. 101.*

T

verbi, ut iterum ædificetur Ierusalem usque ad Christum ducem, anno quarto post baptismum labente, hebdomadaque septuagesima dimidia, Christus in ara Crucis oblatu sacrificiis Mosaicis, quæ illius oblationis fuere prænuncia, finem imposuit; & sic impletum quod Angelus prædixerat: *Post hebdomadas sexaginta duas occidetur Christus; & in dimidio hebdomadis deficiet hostia & sacrificium.*

At si à secundo Artaxerxis edicto, & anno eius vigesimo hebdomadas purare libeat, eas annorum lunarium cum Africano, Theodoro, & aliis constituemus. Lunares verò 48, sunt Solares 468, menses nouem, dies viginti, quos si addas anno Artaxerxis vigesimo, & Olympico 333, consurget annus Iphyti 802, quem ex sententia nostra initiis Ducatus sui Christus nobilitauit. Si ergo neque anno illo primitiuo Hebræi vsi sunt, neque de eo Cyclo cogitauit Adamus; si neque mensibus, neque annis, quibus Ægyptius arbitratur, Christus natus, adoratus, baptizatus, passus est; si demum anno illo Aprilis XIII non fuit feria sexta, & feria sexta procul fuit à Luna quarta decima mensis primi, in tuto restat Ecclesiæ Catholicæ dogma de Cæna Christi Paschali, quod ex primo argumento Ægyptij his potissimum machinis impetebatur. Ab eo igitur explicati cætera prosequamur.

*Diluitur secundum argumentum contra Christi Cænam Paschalem.*

12. Ad secundum, quod est vetus argumentum hæreticorum apud Theophylactum, de renibus accinctis, cæterisque cæremoniis, quæ præcipiuntur in Exodo, respondemus: eas immutatas fuisse post reditum è Babylonica seruitute, proque illis eas sub-



stitutas, quibus vsus est Dominus; quas ad hâc vsque diem Hebræi retinent, vt constat ex eorum rituali.

*Antiquus  
Synagoga  
ritus muta-  
tos in capti-  
uitate.*

13. Ad tertium, præcipit quidem lex vt agnus affetur igne, at ne alia elixentur, neque à Moyse scriptum est, neque dictum à Deo. Hebræi verò ex rituali suo ea nocte lactucas, & alia quædam elixant, tinguntque azyma in communi catino. Immo 2. Paralip. c. 35. de Pascha, quod celebratum est à Iosia habentur hæc verba: *Et assauerunt phasc super ignem, iuxta quod in lege scriptum est; pacificas verò hostias coxerunt in lebetibus, & cacabis, & ollis, & festinato distribuerunt uniuersæ plebi.*

*Et tertium:  
Lex non pro-  
hibet elixa  
in Paschate.*

14. Ad quartum, Quo ponderantur articulatim omnia, quæ post Cœnam à Christo gesta sunt, respondemus, ea omnia factu fuisse facillima. Quod enim primò dicitur de portis clausis, falsum est. Ierusalem enim, quòd esset matrix Religionis Hebrææ diu, noctûque patebat. Hinc ea Idumæorû apud Iosephum de portis etiam bello ingruente clausis, querela: *Vrbem omnibus alienigenis religionis causa patentem nunc domesticis præclusistis.*

*Et quartum.  
Porta Hieru-  
salem  
semper pa-  
tebant.*

*Lib. 4. de  
bello c. 6.*

Torrens Cedron in suburbiis portæ sterquiliniæ medius inter vallem Iosaphat, & montem Oliuarum labebatur, mœniis ciuitatis multò propinquior, quàm Bethaniæ, vnde progressum Christum post cœnam Ægyptius putat. Cætera, quæ gesta in Vrbe narrantur, nocte, qua captus est Christus, tantundem temporis postulant, si cœnauit in Vrbe, quantum si cœnasset extra. Nec video quid incommodi sit, quòd posita cœna in Vrbe, commodè, &

*Et quintum.  
Torrens Ce-  
dron propè  
mœnia vr-  
bi.*

plusquàm commodè vitari non possit.

*Et sextum.  
Ineptra illu-  
tio EGY-  
ptij.*

15 Ex verbis Ioannis post Cœnam; *Erat autem* nox, negamus, rectè colligi, ergo ante noctem cœnari cœptum est; nisi quis dicat, cœnam, quæ nocte finitur, nocte inchoari non posse. S. Marcus dixit, illum venisse, *cum discipulis vespere facto*; & S. Lucas adiecit, discubuisse, *quum facta esset hora*; neque ergo ante noctem, quia post vespereum, cuius initium sumitur ab ortu Hesperij, neque alia hora, quàm lege constituta cœnavit.

*Censorinus.*

---

*Scaligeri, & Aegyptij lapsus insignis in connexionem annorum Sacrorum cum Olympicis.*

## C A P. VI.

*Varroniana  
temporis di-  
visio in tres  
periodos.*

1. **M**ARCUS Varro summi ingenij vir, quum omnes præteritorum temporum periodos in tres quasi classes rede gisset, prima complexus est quicquid rerum fuit à prima earum origine ad cataclismum. Secundam produxit à cataclismo ad Olympiadem primam. Tertiam à prima Olympiade ad suam ipsius ætatem. Tempus primæ periodij, tum propter ignorantiam rerum in eo gestarum, tum quod gentes incertæ erant, cœpissetne aliquando, an esset æternum, vocavit ἀδελον. Proximum quòd veris falsa, & historicis fabulosa permixta tulisset, vocavit μυθικόν. Postremum historicum, quòd res in eo gestæ veris historiis explicatæ haberentur. Quum imitatus Iulius Africanus libro Annalium

tertio: *Vsque ad Olympiadas, inquit, nihil exploratum in historia Græcorum inuenitur, sed omnia confusis conscripta temporibus sunt. Post Olympiadas verò, quoniam quadriennio diligentissimè omnia notabantur, nulla penitus confusio temporum fit. Et Iustinus Martyr in cohort. ad Græcos: Atqui, inquit, ne hoc quidem vos ignorare decet, nihil ante Olympiadas à Græcis accuratè scriptum esse, neque extare scripturam ullam veterem, in quam res aliqua Græcorum vel Barbarorum sit relata. In hanc periodum incidit magna eorum pars, quæ sacris libris consignata fuerunt, siue historiam spectes, siue Prophetarum vaticinia, quare Sanctus Augustinus lib. de doctrina Christiana 2. c. 28. Doctorem Ecclesiasticum instituens: Quidquid, inquit, de ordine temporum transactorum indicat ea, quæ appellatur historia, plurimum nos adiuuat ad sacros libros intelligendos; nam & per Olympiadas, & per Consulum nomina multa sæpe quæruntur à nobis. Idque multò acrius, & vehementius inculcasset, si nostra, aut Patrum ætate vixisset, quæ hæretici huiusmodi argumentis instructi pleraque Catholicæ Ecclesiæ dogmata euertere conati sunt. Quod vero hoc in genere omnium suffragiis potissimum censeretur, est connexio annorum sacrorum cum Olympicis, quæ vt appositè facta, tanquam Ariadnæ filus è sinuoso sacrarum quæstionum labyrintho facile nos educit, ita si perperam instituat, luxari innumera, suisque moueri sedibus necesse est, resque suapte natura difficiles, & obscuras difficultatibus multo maioribus, & sæpe insuperabilibus implicari. Rei necessitate permoti plerique omnes scriptores, quibus aut vetus testamentum interpre-*

*Notitiæ Olympicæ periodi utilitæ quantæ.*

*Connexio annorum sacrorum cum Olympicis cognitiue necessaria.*

rari placuit, aut de sacris dogmatibus, & de emendatione temporum disceptare, aut antiquiorum rerum annales scribere, texereue earum Chronologias, magnum operæpretium facturos se arbitrati sunt, si bene annos Olympicos cum sacris à capite colligerent. Verùm aggressi rem, tantis difficultatibus obnoxiam reperiunt, ut innumeras in partes abire coacti sint, vixque vnum reperias, qui alteri consentiat. Iosepho tamen Scaligero nemo infelicius hac in palæstra sudauit, quem videas secum pugnare, vnam & eandem connexionem probare, reiicere, transire à prima ad secundam, à secunda ad tertiam, & quanquam nusquam pedem figere possit, ubique tamen demonstrationes iactare. Quam tamen postremo loco sententiam amplexus est, ea Olympiadem primam coniecit in Regnum Azariæ Regis Iudæ, annumque eius trigessimum octauum, quo etiam ferè loco Auctor anni primitiui annos Olympicos inseruit annis sacris. Ego vero non vanis coniecturis, & arbitrariis scripturæ interpretationibus, sed solidissimis rationibus ductus è media historia tum sacra, tum profana, demonstrandum suscipio, eos fecisse Olympiadas sedecim, & septemdecim annis antiquiores, quàm fecerit Iphytus, ut errore ab vno cæteros intelligant.

*Connexio  
scaligeri,  
& Egyptij  
confutanda.*

*Præterque  
Chronologia  
nexus anni  
Nabonassar-  
ri.*

*Quis annus  
primus Na-  
bonassari in-  
ter Olympi-  
cos.*

2. Nervi connexionis meæ sunt anni Nabonassari tota antiquitate notissimi, quos connectam cum annis olympicis, siue Iphyti, mox annos sacros cum annis Nabonassari; atque ita demum annos sacros cum annis Iphyti. Aio itaque annum Iphyti 29 qui fuit primus octauæ Olympiadis, fuisse primum Re-

gni Nabonassari, idque ostendo tribus argumentis.

3. Cyrum iniisse regnum anno primo Olympiadis LV, qui fuit Iphyti 217, vetustissimi, & probatissimi scriptores tradiderunt, quos refert, & sequitur Africanus apud Eusebium de præpar. lib. 10. Diodorus, Thalys, Castor, Polybius, Phlegon. Regnasse annos 30. scripserunt Cicero de Divinatione, Ctesias Cnydius in Persicis, Iustinus lib. 1. Clemens Alex. 1. Strom. Eusebius in Chron. & cæteri passim. Decessit itaque Olympiadis 62 anno 2, qui erat Iphyti 246, filio Cambyse in regni possessione relicto.

Prolemæus Almagesti lib. 5. c. 14. ex antiquis observationibus Babylonicis refert deliquium Lunæ ad annum Cambysis septimum, & Nabonassari 225. Si ergo primus Cambysis, qui patri Cyro successit fuit Iphyti 247, Cambysis septimus fuerit Iphyti 253, abiice annos Nabonassari ab annis Iphyti, differentia erit annorum 28, ut iam 29 Iphyti fuerit primus Nabonassari, qui quærebatur.

4. Cambysem cum Magis octo solidos annos regnasse, qui reddunt duas integras Olympiadas, scribit Herodotus, Magisque eiectis Darium Histaspis regno potitum esse: itaque anno Iphyti 254 exeunte pulsi Magi, & anno 255 incunte Darius Histaspis regnum auspiciatus est. Prolemæus 4. Almag. cap. 9. ex eisdem observationibus refert duas eclipses lunares, primam anno 20 Darii, (quem primum vocat ad differentiam posteriorum Nothi & Ochi) 245 Nabonassari; secundum Nabonassari 257, & eiusdem Darij 31. Itaque si primus Darij fuit 255 Iphyti, eiusdem vi-

*Primæ ratio.*

*2. ratio.*

gesimus fuerit Iphyti 247. & 31 Darij Iphyti 285. Ab-  
iice vtrunque annos Nabonassari ab annis Iphyti,  
habebis differentiam 28, & Iphyti 29 erit Epocha  
Nabonassari, quam quærebamus.

5. Alexandrum è viuis excessisse anno quarto  
exacto Olympiadis 113, qui fuit Iphyti 452 asserunt  
Diodorus lib. 17. Clemens 1. Strom. & Iosepho teste,  
libro contra Appionem primo, constans omnium  
scriptorum sententia est. Ptolemæus 3. Almag. c. 8. &  
alibi frequenter asserit, 424 Nabonassari esse initium  
Epochæ à morte Alexandri, quam apud veteres in  
vfu fuisse constat ex obseruationibus Calippi, Hip-  
parchi, Ptolemæi, & aliorum, vt Ptolemæus ipse au-  
thor est. Quare si subducas annos Nabonassari 423  
ab annis Iphyti 452, etiam ex hoc cap colliges Iphyti

*Error Egi-  
ptij in conex.  
ara Nabon-  
assari cum  
Olympica.*

29 fuisse annum primum Nabonassari. Errat igitur  
Ægyptius in hac connexion, qui primum Nabon-  
assari coniicit in tertium Olympiadis octauæ, qui  
fuit Iphyti 31. Colligatis annis Nabonassari cum an-  
nis Iphyti, connectamus iam annos sacros cum an-

*Nexus ara  
Nabonassari  
cum annis  
sacris est Re-  
gnum Na-  
bopollassari  
Regis Baby-  
lonis in Pro-  
temæo.*

nis Nabonassari.

6. Scribit Ptolemæus Almag. lib. 5. c. 14. Lunam  
defecisse anno quinto Nabopollassari, & 127 Nabon-  
assari, vnde colligitur, Nabopollassari primum  
fuisse Nabonassari 123, & ex iis, quæ dicta sunt, Iph-  
ti 151, tertium scilicet Olympiadis tricesimæ & octa-  
uæ. Quisnam fuerit Nabopollassar ille, in contro-  
uersia est. Iosephus Scaliger, & Ægyptius fuisse vo-  
lunt Nabulassarum Regem Babylonis Nabuchodo-  
xori patrem; ego verò Nabopollassarum fuisse dico  
Nabuchodonoxorum Nabulassari filium, qui tem-  
plum

*Quis fuerit  
ex opinione  
Scaligeri, &  
Ægyptij,  
quis ex au-  
thoris sen-  
tentia.*

plum Ierosolymorum cum vrbe diruit, Iudæosque in Babylonem ter duxit captiuos, regnantibus in Iuda Ioachin, Ieconia, & Sedecia. Id si probem, de connexionione annorum factorum cum annis Nabonassari, & cum Olympicis dubitari non poterit; iam enim compertum est, Nabopollassari primum fuisse Nabonassari 123, Iphyti 151.

7. Inter initia Nabopollassari, & Cyri interce- *Ratio prima.*  
ptos fuisse annos 66, certum est; nam Cyrus regnum *Nabuchodonoxorum*  
iniit Iphyti anno 217, qui erat Nabonassari 189: Na- *fuisse Nabopollassarum*  
bopollassarum anno Nabonassari 123, & Iphyti 151. Igi- *probat ex fragmentis*  
tur à primo Nabopollassari ad primum Cyri sunt an- *Berosi.*  
ni 66. quare si constet tot annos intercessisse ab initio Nabuchodonoxori ad initium Cyri, exploratum erit Nabuchodonoxorum fuisse Nabopollassarum Ptolemæi.

8. Berosus Chaldæus, non fictitius Annij, sed verus ille, qui fuit Beli Sacerdos, author perquam vetustus, & magnæ fidei, rerum & Regum Babylonis scripsit historias, quarum fragmentum hodieque extat apud Iosephum libro contra Appionem primo, cuius hic partem appono.

Nabulassarum regnavit an. 29

Nabuchodonoxor — an. 43

Nitiglossor — — — an. 4

Laborosardochus — an. 0 — m. 9

Nabonidus — — — an. 17

Anno XVII Nabonidi, inquit Berosus, egressus Cyrus ex Perside impetum fecit in Babyloniam urbem. Itaque ab initio Nabuchodonoxori ad oblectam Babylonem XVII Nabonidi sunt anni 64 m. 9. Anni Regni

Cyri ab adepta Babylone sumebant initium, ideo edictum Cyri de reducendis Hebræis ex Babylone perpetuo refertur ad annum primum Cyri, ut videre est 2. Paral. 36. 22. Esdræ 1. c. 1. 1. c. 6. 3. & lib. 3. c. 6. 24. Quare si obsidioni Babylonis, qua omnium scriptorum consensu Cyrus statim potitus non est, dentur XV, menses: illi 66 anni, qui sunt inter primum Nabopollassari, & primum Cyri, erunt inter primum Nabuchodonoxori, & primum Cyri, atque ideo Nabopollassar Ptolemæi fuerit Nabuchodonoxor sacræ Scripturæ.

*Ratio secun-  
da ex anna-  
libus Phœ-  
nicum.*

Iosephus eodem libro ex archiuiis Phœnicum, hœcorum Magistratuum Annales producit.

Sub Rege Ithobalo Nabuchodonoxor

Obsedit Tyrum annis ————— an. 13

Baal post hunc regnavit annis ————— 10

Post hunc Iudices

Echnibalus Baslechi ————— 00 — m. 2

Chelbis Abdei ————— 00 — m. 10

Abbarus Pontifex ————— 00 — m. 3

Mittonus & Geraftus ————— 06 —

Balatorus ————— 1 —

Merbalus ————— 4 —

Iromus Rex ————— 20 —

an. 55 — m. 3

Addit verò Iosephus ut rem omnino certam, anno septimo Regni sui Nabuchodonoxorum capisse obsidere Tyrum, & anno 14 Regis Iromi Cyrum Persarum tenuisse principatum. At irreplisse mendum hunc in locum, & pro septimo reponi debere decimo nono, osten-



dam post scripturæ testimoniis. Nobis, qui Cyri initia quærimus, satis nunc est, quod anno 14 Iromi Regis Tyri Cyrus regnum Persarum adeptus est. Quare ex annalibus Phœnicum ab initio obsidionis Tyri per Nabuchodonoxorum ad initium Regni Cyri sunt anni 49. Si ergo demonstrarem, Nabuchodonoxorum obsidere cœpisse Tyrum anno 19 Regni sui, à primo Nabuchodonoxori ad primum Cyri intercesserint certe anni 67, quos fere intercessisse inter Nabopollassarum & Cyrum, compertum habemus.

10. Excunte anno iij Ioachin filij Iosix Regis Iuda Nabulassarum Chaldæorum Rex grandæuius iam, & per ætatem bellicis laboribus impar, Nabuchodonoxorum filium in Regni societatem adscivit; & ideo annus primus Nabuchodonoxori concurrebat cum tertio, & cum quarto Ioachimi, ut apud Danielelem, & Ieremiam videre est. Vix verò adolescens ingentium spirituum sceptris manum admouerat, quum collecto fortissimo exercitu, ad flumen Euphratem occurrit Necaoni Ægyptiorum Regi, qui Syria domita & in potestatem redacta, Chaldæorum ceruicibus imminabat. Cœloque pro Chaldæis pugnante, victi fugatique fuerunt Ægyptij, Syriæque omnis concessit in potestatem victoris, & præsertim Hierusalem, quæ Regem sequuta suum, postquam tantisper reluctata est, deditionem fecit. Cuius Regis vices misertus Nabuchodonoxor nedum dedito libertatē, sed & libero regnum restituit, vectigalem reddidisse contentus. At Ioachin virium, nescio, Nabuchodonoxori, an beneficiorum oblitus, tribus elapsis annis, vectigalia pendere

*Diffutatio  
de obsidione  
Tyri, quo anno Nabu-  
chodonoxori  
capta sit.*

recusavit, apertamque in defectionem erupit. Qua reuocato in perniciem suam Nabuchodonoxoro Regno simul & vita priuatus est. Hac tamen humanitate Babylonius prosequutus est defunctum Regem, ut filium eius Ieconiam vix pubescentem patris in sede locaret. Sed quum is quoque diuina humanaque iura pariter ac pater eius parui penderet, tribus elapsis mensibus, Babylonico milite obsessus deditionem facere coactus est, ipseque, mater eius, vxores, & decem nobiliorum hominum millia captiua ducta sunt in Babylonem, spoliataque vrbe, & direpto templo Sedeciam captiui Regis patrum Babylonij accepta fide ad regnum euehere. Quo anno ista contigerint, videntur non consentire Ieremias, & quartus Regum; ille enim: *Iste est populus, inquit, quem transtulit Nabuchodonoxor anno septimo. Iste: Suscepit eum Rex Babylonis anno octauo regni sui.* Conciliari tamē posse facile, ostendā post. Sedecias à Pseudopphetis vana spe libertatis lactatus, fiduciaque virium Ægypti, Tyri, & cæterarum finitimarū gentium, quas sibi fœdere iunxerat, nimium elatus, anno Regni sui nono iugum Babylonicum excussit. Cuius perfidia prouocatus Nabuchodonoxor, maioribus copiis instructus Iudæam inuasit, Ierosolymam obsidione cinxit, famēque tandem expugnatam, mense duodeuigesimo in potestatem redegit. Ibique iugularis filiis Sedeciae, vidente patre, mox ipsi oculos eruit, eūque catenis onustum Babylonem transmisit. Ieremias 29.1. & 54.4. *Anno nono Sedeciae Regis Iuda mense decimo venit Nabuchodonoxor Rex Babylonis, & omnis exercitus eius in Hierusalem, &*

*Disidium  
annorum  
Nabuchodo-  
noxori.*

*Hierosolyma  
capta anno  
Nabuchodo-  
noxori xlix  
& xix.*

*obsedit eam; Vndecimo autem anno Sedecia mense quarto, quinta mensis aperta est ciuitas. Annis Sedecia qui anni responderent Nabuchodonoxori, scribit Ieremias c. 32. In anno decimo Sedecia Regis Iuda, ipse est annus decimus octauus Nabuchodonoxor, tunc exercitus Regis Babylonis obsidebat Ierusalem. Mense insequenti Nabuzardan magister militum Nabuchodonoxori ad excidium Ierosolymorum missus à Rege suo, templum diruit, totamque urbem igni ferroque vastauit. Ierem. 52. 12. & 4. Reg. 25. 8. Mense quinto, septima mensis ipse est annus nonus decimus Regis Babylonis, venit Nabuzardan Princeps exercitus seruus Regis Babylonis, & succendit domum Domini, & domum Regis. Itaque cepit urbem sanctam Nabuchodonoxor mense quarto, quinta mensis, solo æquauit eam Nabuzardan mense quinto, septima mensis anni 19 Nabuchodonoxori.*

11. Cæterum quid est, quòd quem annum quartus Regum, & Ieremias c. 52. 12. numerant vndeicesimum, eundem Ieremias ipse cap. 52. 29. dicit duodeicesimum? Huius ambiguitatis causæ duæ, ni fallor, afferri possunt; prima, quod anni Regū duplici ex capite apud Hebræos putari solebant, ab exordiis regni, & à primo Nisan. Qui à primo Nisan, tantum interuallum ab exordiis regni ad caput anni sacri referebant, ad vltimum annum defuncti Regis, primum viuientis auspicaturi ab eo, qui annum proximum aperiturus erat. Ideo quibus ordiri placebat ab exordiis Regni, annus tanto tempore annum alterum anteuertebat, quanto initia regni caput anni insequentis. Vtraque Epochæ annorum Nabucho-

*Annorum  
Nabuchodo-  
noxori prin-  
cipium du-  
plex.*

donoxori vtuntur sacri Scriptores, hinc eundem annum dicunt septimum & octauum, eundemque decimum octauum, & decimum nonum. Altera, & fortasse verior est, quam indicant Berosi fragmenta, nimirum Nabuchodonoxorum patre superstite ascitum in sortem regni, expeditionem Ægyptiacam suscepisse, annúmque integrum cum Patre Nabulassar regnasse; quo elapso & Nabulassar mortuus est, & Nabuchodonoxor regnum adiuit, cuius summa cum tranquillitate possessionem obtinuit. Hinc annorum Nabuchodonoxori Epochæ duplex, à corona primum suscepta, & à sola sine collega Monarchia, eaque anno antiquior. Scaliger in Ifagogicis, & libro 5. de emendatione Nabuchodonoxorum annos septem cum patre regnasse vult; in prolegomenis verò, & in notis ad Berosum, Regni societatem producit ad tertium decimum; & quanquam secum ipse pugnet, assertioque assertionem tollat, vtroque tamen (leuitate, an audacia maiori, dicam, nescio) venditat demonstrationes more suo.

*Obsidio Tyri  
celebris.*

12. Accessimus iam ad obsidionem Tyri, quæ huius argumenti neruus est, eamque si Iosepho credimus, celeberrimam multas ob causas, præsertim verò ob diuturnitatem. Et mira certè res fuit, quod vnica ciuitas sistere potuerit torrentem felicitatis illius impotentissimi Monarchæ, qui omnia regna orientis vno impetu corripuit, diripuit, euerit. At minus mirabitur, quæ ea legerit, quæ de obsidione & excidio eius scripta reliquit Q. Curtius, de rebus gestis Alexandri libro quarto. Scaliger putat cœptam anno primo Nabuchodonoxori, solutam

*Eius initium & finis ex Scaligero.*

tredecimo, quàm verè, iam video.

Nabuchodonoxoro regnante floruerunt Prophetæ quatuor Ieremias, & Baruch, Ezechiel, & Daniel. Daniel anno primo Nabuchodonoxori captus est, ut de se testatur ipse cap. 1. & 2. ductusque in Babylonem, ibi ad Cyrum usque vixit, & floruit. Ezechiel eandem in servitutem abductus est cum Ieconia anno septimo seu octavo Nabuchodonoxori, ut asserit ipse cap. 40. Ieremiam & Baruch post excidium Ierosolymæ Nabuchodonoxor liberos esse iussit, & siue incolere rudera urbis, siue alio abire, ut luberet, Ierem. 40. Ezechiel, qui multò quàm cæteri clarius de illa obsidione loquutus est, tantillum explicari desiderat: solet enim non indicata Epocha dicere: *Anno quarto, anno quinto, &c.* cam tamen esse annum captivitatis Ieconix probari facilè potest: his quippe verbis ille vaticinari orsus est: *Et factum est in tricesimo anno, in quarto, in quinta mensis, quum essem in medio captiuorum iuxta fluvium Cobar, aperti sunt cæli, & vidi visiones Dei, ipse est annus quintus transmigrationis Regis Joachin.* Omissa verò Epocha anni 30 (quæ unde pendeat, non ita certum est) perpetuo sequitur Epocham captivitatis Ieconix, sic c. 6. *Factum est in anno sexto, in sexto mense, & sextus quidem non est sextus trigesimi, sed quinti.* Et c. 20. *Factum est in anno septimo in quinto.* Et cap. 24. *Factum est verbum Domini ad me in anno nono, mense decimo.* Et aperte tandem c. 40. *In vicesimo quinto anno transmigrationis nostræ, in exordio anni, decima mensis, quarto decimo anno, postquam percussa est ciuitas.* Itaque vaticiniorum Ezechielis Epocha est transmigratio, & captivitas Regis Ioa-

*Propheta  
qui tempore  
Nabuchodo-  
noxori.*

*Era anno-  
rum Eze-  
chielis quæ.*

chin, quemadmodum iam pridem à Sancto Hieronymo obseruatum fuerat.

13. Duo sunt illustria Ezechielis testimonia de obsidione Tyri, vnum cap. 26. alterum 29, illud de initio, istud de exitu eius. Primo loco: *Et factum est, inquit, in undecimo anno, prima mensis, factus est sermo Domini ad me dicens, Fili hominis pro eo, quod dixit Tyrus de Ierusalem: Euge confraeta sunt porta populorum, conuersa est ad me, implebor, deserta est. Propterea hæc dicit Dominus. Ecce ego super te Tyre, & ascendere faciam ad te gentes multas, sicut ascendit mare fluctuans, &c. Ecce ego adducam ad Tyrum Nabuchodonoxor regem Babylonis ab Aquilone Regem Regum cum equis, & curribus, & equitibus, & cætu, populoque magno. Quod argumentum prosequitur totis duobus capitibus sequentibus. Cæterum ad ea usque tempora nullis Tyrum fuisse affectam incommodis, sed summa, & incredibili quadam felicitate exundasse, docet capitibus 28 & 29 quibus præsentem eius statum ob oculos ponit. Si ergo hanc obsidionem Tyro minatur Deus anno*

*XI Ieconia, qui erat XVII. & XIX Nabuchodonoxori, eamque minatur imminente excidio Ierosolymorum, quæ anno XIX & XIX Nabuchodonoxori euerfa sunt, fieri nequit, vt Tyrus ante XVII Nabuchodonoxori obfessa sit. Capite altero de fine obsidionis hæc habet Ezechiel: In vicesimo septimo anno in primo in vna mensis factum est verbum Domini ad me dicens. Fili hominis Nabuchodonoxor Rex Babylonis seruire fecit exercitum suum seruitute magna aduersus Tyrum. Omne caput decaluatum, & omnis humerus depilatus est, & merces non est reddita ei, neque exercitui eius de Tyro pro seruitute,*

*Obsidio Tyri  
capta xviii  
Nabuchodonoxori.*

*servitute, qua servivit mihi adversus eam.* Obsidionem illam plane diuturnam fuisse, nec minus, quàm annales Phœnicum prodidère, indicio sunt verba illa: *Servire fecit servitute magna adversus Tyrum. omne caput decalvatum, & omnis humerus depilatus est.* Inglorium inde recessisse Nabuchodonoxorum, illis expressum satis: *Et merces non est reddita ei, neque exercitui eius de Tyro.* Primus capti Ieconix erat septimus Nabuchodonoxori. Ergo vicesimus septimus à capto Ieconia erat trigessimus tertius Nabuchodonoxori. Hoc anno iam solutam obsidionem Tyri, monet Ezechiel: cœpisse post 18 Nabuchodonoxori, ostensum est; durasse tredecim annis, docent monumenta Phœnicum; cœpta igitur fuerat circa decimum nonum Nabuchodonoxori. Qui ergo probandum susceperam Nabuchodonoxorum Tyri obsidionem cœpisse anno decimo nono regni sui, iam fidem liberaui.

Emaculetur itaque Iosephi locus libri contra Appionem primi, de anno septimo obsidionis Tyri. Et castigetur Scaliger, qui lapsu nimium insigni contra tam aperta scripturæ testimonia hanc obsidionem cœptam dixit anno primo Nabuchodonoxori, solutam tredecimo.

14. Si ab initio Regni Nabuchodonoxori ad initium obsidionis Tyri sunt anni 19 ex sacra Scriptura, & hinc ad initium Regni Cyri ex annalibus Phœnicū anni 48: ab initio Regni Nabuchodonoxori ad initium regni Cyri erunt anni 67, quot fere numerati sunt ab initio regni Nabopollassari ad initium Cyri. Vnius enim tantum anni varietas reduci

*Emaculatus  
Iosephi lo-  
cus.*

*Insignis Scaligeri error  
de obsidione  
Tyri.*

potest vel in annorum fragmenta, vel in diuersa initia, vel demum in diuersitatem luminaris, cuius motum anni metiuntur. Quum ergo anni Regum Chaldaeorum, annales Phœnicum, Archiua Tyriorum cum Scriptoribus sacris tanto consensu constituent illud interuallum inter initia Nabuchodonoxori, & Cyri, quod fuit inter initia Nabopolassar & Cyri, fateamur ingenue, Nabuchodonoxorum, & Nabopolassarum, non fuisse duos Reges, sed vnum, & eundem omnino.

15. \* Nulla connexio Chronologiæ sacræ cum profana excogitari potest, quæ suis non vrgeatur difficultatibus; verioris tamen & melioris magnum argumentum est, si quæ occurrunt, facile superentur; Quod an nostræ contingat tentandum est. Anno primo Nabuchodonoxori Ieremias c. 25. futurum prædixit, vt Hebræi 70 annis seruitutē & captiuitatem Babylonicam paterentur: *Et seruient, inquit, omnes gentes istæ Regi Babylonis 70 annis. Cūque impleti fuerint in Babylone 70 anni, visitabo super Regem Babylonis, & super gentem illam dicit Dominus.* Et rursum cap. 29. *Cūque cæperint impleri in Babylone 70 anni, visitabo vos, & suscitabo super vos verbum meum bonum, vt reducam vos ad locum vestrum.* De horum 70 annorum cum initio, tum fine celebris controuersia est, iam inde à primis Ecclesiæ sæculis summorum virorum scriptis nobilitata. Quum enim tertium Ierosolyma à Nabuchodonoxoro capta sit, sub Ioachin filio Iosia, sub Iechonia, & sub Sedecia, eiusque ciues toties Babylonem abducti, inde verò in patriam quater dimissi, sub Cyro, & Dario bis, & bis sub Artaxerxe,

Connexio-  
nem Au-  
thoris vrgeri  
difficultate  
70 annorum  
captiuitatis  
Babylonica.



à qua captiuitate initium, à qua libertate terminus septuagenariæ seruitutis sumendus sit, incertum videtur, habétque omnis seruitus, & omnis libertas propugnatores suos.

Mihi eorum sententia probatur, qui terminum constituunt in libertate à Cyro primum concessa, præterquam enim quod cæteris est longe communior, est etiam adeo consentanea verbis scripturæ, vt nulla ratione alteri cuiquam accommodari posse videantur. Capite vltimo 2. Paralip. scriptum habemus. *Si quis euaserat gladium ductus in Babylonem seruiuit Regi, & filiis eius, donec imperaret Rex Persarum, vt compleretur sermo Domini ex ore Ieremiæ, & celebraret terra sabbatha sua. Cunctis enim diebus desolationis egit Sabbathum vsque dum complerentur 70 anni. Anno autem primo Cyri Regis Persarum ad explendum sermonem Domini, quem loquutus fuerat per os Ieremiæ, suscitauit Dominus spiritum Cyri Regis Persarum, qui iussit prædicari in regno suo etiam per scripturam dicens; hæc dicit Cyrus Rex Persarum, omnia regna terræ dedit mihi Dominus Deus cæli, & ipse præcepit mihi, vt ædificarem ei domum in Ierusalem, quæ est in Iudæa, quis ex vobis est ex omni populo eius? Sit Dominus Deus suus cum eo, & ascendat. Et Esdræ 1. c. 1. In anno primo Cyri Regis Persarum, vt compleretur verbum Domini ex ore Ieremiæ, suscitauit Dominus spiritum Cyri Regis Persarum, & traduxit vocem in omni regno suo etiam per scripturam dicens. Et refert ad verbum edictum, quod ex 2. Paralip. modò retulimus. An hæc verba scripturæ eius seruitutis, quam Ieremias prædixit, alium terminum patiantur, quàm annum Cyri primum, Lector dispiciat.*

*Quorum terminus in libertate à Cyro concessa.*

16. Cæterùm si finis annorum 70 sit primus Cyri, nostra connexio dissoluta videtur, quum illorum caput à nulla ex tribus captiuitatibus peti possit, vt singillatim apparet. Anno quippe Nabuchodonoxori primò captus est Ioachin, anno octauo Iechonias, anno decimo octauo Sedecias. Primus Nabuchodonoxori fuit Iphyti 151, octauus 158, duodeuicesimus 168. Quum ergo Cyri primus fuerit Iphyti 217, à capto Sedecia, ad primum Cyri fuerunt anni 49, à capto Iechonia 59, à capto Ioachino 67, nullo ex capite 70. Quare aut in connexione nostra, aut (quod impium dictu est) in vaticinio Ieremiæ error subesse videtur.

*Summa difficultatis.*

*Quæ soluitur.*

*Censorin. de die Natali c. 18.*

17. Cæterùm neque in vaticinio, neque in connexione error subest; enimuerò prædixit quidem Propheta, Hebræos 70 annis illam seruitutem seruituros: quales verò anni illi futuri essent, non prædixit. Res, quæ mirum in modum sollicitos habebat, & torquebat Hebræos. Quum enim annorum alij vertentes sint, alij magni; vertentium alij lunares, alij solares; magnorum alij dieterici, alij trieterici, alij tetraëterici, pentaëterici, octaëterici; imo maiores quidam, vt Metonici, Calippici, Hipparchæi, non explicauerat Deus, quonam annorum genere seruitutem Hebræorum diffinisset. Quare Daniel de illorum diuturnitate aliquando tandem edoctus, ac si sigillum magni alicuius arcani assequutus fuisset, de se cap. 9. sic scribit: *Ego Daniel intellexi in libris numerum annorum, de quo factus est sermo Domini ad Ieremiam Prophetam, vt complerentur desolationis Ierusalem septuaginta anni.* Ridiculum mysterium, si neminem latuisset.

Quod didicit, hoc fuit, annos illos lunares futuros fuisse, & vertentes, non magnos, vel maiores: & quia solares 67 sunt lunares 69 communes, & menses duo, consequitur, Cyri primo cœpisse septuagesimum à capto Ioachin filio Iosifæ, & Babylonicæ servitutis supremum. Eo autem incunte captiuitatem solutum iri, prædixerat Ieremias c. 29. *Cumque impleri cœperint anni, visitabo vos, & reducam vos in terram vestram.*

*Initium annorum septuaginta Babylonicæ servitutis.*

18. Vrgent tamen adhuc nos viri docti quatuor scripturæ locis, quibus 70 isti anni dicuntur anni desolationis, solitudinis, & vastitatis. Quum enim desolata, vastata, & in solitudinem redacta non sit Iudæa, nisi sub Sedecia, quando templum excisum fuit, vrbs diruta, & plerique omnes eius ciuitatis cultores ducti in captiuitatem, anno Nabuchodonoxori decimo nono; consentaneum videtur, ab isto, non à primo eius Regis anno, annos septuaginta numeratos fuisse. Cogimur ideo ea testimonia discutere singillatim, ne videamur aut consulo dissimulasse quod premit, aut grauissimorum virorum argumenta quasi aquilæ muscas despexisse.

*Percursus in Daniel. c. 9. Salian. ad ann. mund. 3920. n. 4. Difficultas de annis desolationis.*

19. Principio Ieremias cap. 25. anno quarto Ioachin Iosifæ filij Regis Iuda, & Nabuchodonoxori primo fore prædixit, vt Nabuchodonoxor Iudæam inuaderet, eamque in solitudinem, & in stuporem redigeret. Quibus verbis hyperbolicè prænuntiavit ingentia mala, quæ bellum illud consequutura erant: quod & fecit de Babylone ipsa eodem in loco. *Cumque impleri fuerint septuaginta anni, visitabo super Regem Babylonis, & super gentem illam, dicit Dominus,*

*Primum testimonium Ieremie explicatur.*

*iniquitatem eorum, & ponam illam in solitudines sempiternas. Et cap. 50. Capta est Babylon, confusus est Bel, victus est Merodach, confusa sunt sculpilia eius, superata sunt Idola eius. Quoniam ascendit contra eum gens ab Aquilone, quæ ponet terram eius in solitudinem, & non erit qui habitet in ea ab homine usque ad pecus. Quæ nisi hyperbolicè interpretemur, vt pleraque alia passim in scriptura, à mendacio non possunt vindicari. Quis enim in historia seu sacra, seu profana, adeo peregrinatur, vt ignoret, Babylonem obsessam diu à Persis tandem & Medis sub Cyro captam quidem fuisse, sed non euersam? Cæterum de solitudine & vastitate dicendum quid sit, postremo videbo, illud nunc in Ieremia accipiam, quod perspicuum est, numerum scilicet annorum septuaginta non opponi excidio, non solitudini, non stupori, sed vni seruituti. Et seruient, inquit, omnes gentes istæ Regi Babylonis septuaginta annis. Fore asserit, vt omnes illæ regiones, & gentes Babylonici Regis dominium patiantur septuaginta annis; cûque elapsis vindicatum iri, seruire cœperunt illo ipso anno; sic enim 4. Reg. 24. In diebus eius ascendit Nabuchodonoxor Rex Babylonis, & factus est ei Iochin seruus tribus annis. Et nos seruitutis initium aliunde sumemus? & dicemus, gentes illas seruire cœpisse nouendecim annis, postquam seruire cœperant? Equidem fateor me hominem ingenij obtusioris percipere non posse ista mysteria.*

*Quæ gentes  
seruituræ es-  
sent Regi  
Babylonis  
70 annis.*

20. At dicunt, initium annorum septuaginta sumi debere non à principio seruitutis Hebræorum tantum, sed à principio amplissimæ illius Monarchiæ, quam Nabuchodonoxor obtinuit toto orien-

te deuictō ; hoc enim sibi velle , aiunt, verbā illa, *omnes gentes ista* ; Monarchiam verò illam amplissimam , & vniuersalem , qua , si Manetoni credimus ; complexus est quicquid terrarum & marium est in Asia, Africa fere tota, & aliqua parte Europæ, coincidisse cum clade Ierosolymorum in Nabuchodonoxori annum xix ; inde propterea annos istos numeratos fuisse. Si tamen Ieremiam, scriptorēsq; cæteros paulò accuratius scrutari velimus, neque in omnibus illis gentibus reperiemus omnes gentes, quas Rex ille subegit, neque earum Monarchiam in 19 Nabuchodonoxori , neque demum vniuersarum, quibus conflata est, gentium seruitutem definitam septuaginta annis.

21. Eo capite Propheta solis vaticinatur Iudæis, sic enim exorditur. *Verbum quod factum est ad Ieremiam de omni populo Iudæ.* De Iudæa ergo, & de Iudæis dicit : *Et adducam eos super terram istam, & super habitatores eius, & super omnes gentes, quæ in circuitu illius sunt.* Propterea quum paucis interiectis continuata oratione subiecit : *Et seruient omnes gentes istæ Regi Babylonis septuaginta annis ;* Gentes alias non intellexit, nisi quas paulò ante expresserat, Iudæ, & quæ Iudæam suis finibus circuibant. Illas nimirum, quæ eam partem terræ Chanaam occupabant , quæ tempore clerurgiæ in decem alias tribus dispersita, Iudæam circumcingebat in hæc distincta regiones , Iudæam, Samariam, Galilæam, Peræam, Pancadem, Thraconitidem, Gaulanitidem, Auranitidem, Bata-næam, Abilam. Quicquid gentium his in regionibus fuit, cum tota Iudæa Nabuchodonoxor sceptris

*Iudæa, & finitima nationes.*

adiecit suis anno Regni sui primo, quando profli-  
gato exercitu Necaonis Ægyptiorum Regis, qui his  
gentibus domitis, vsque ad margines Euphratis vi-  
cticia arma traduxerat, cum intra ostia Pelusii ita  
conclusit, vt inde deinceps pedem non extulerit, 4.  
Reg. 24. *Et ultra non addidit Rex Ægypti, vt egrederetur de terra sua: Tulerat enim Rex Babylonis à riuo Ægypti vsque ad fluuium Euphratem omnia, quæ fuerant Regis Ægypti.* Hæ ergo gentes sunt illæ, quæ sunt in circuitu Iudeæ, de quibus Ieremias dixit: *Et seruient omnes gentes istæ Regi Babylonis septuaginta annis.* Et certè quum aut de his omnibus, quas ego dixi, gentibus, aut de omnibus, quas postea subiecit Nabuchodonoxor, vt volunt alij, Prophetam explicare necesse sit, si de omnibus simpliciter intelligi non possit, nemo non concesserit, de gentibus istis interpretari debere. Age ergo videamus, an possit.

*Non aliæ,  
quas subiecit  
Nabuchodonoxor.*

22. Ægyptum serò quidem debellauit Nabuchodonoxor, sed debellauit ramen post solutam obsidionē Tyri, quod docet, qui tunc viuebat Ezechiel cap. 29. *Factum est in vicesimo & septimo anno, in primo, in vna mensis. Et factum est verbum Domini ad me dicens. Fili hominis Nabuchodonoxor Rex Babylonis seruire fecit exercitum suum seruitute magna aduersus Tyrum: Omne caput decaluatum, & omnis humerus depilatus est, & merces non est reddita ei, neque exercitui eius de Tyro pro seruitute, qua seruauit mihi aduersus eam. Propterea hæc dicit Dominus Deus: Ecce ego dabo Nabuchodonoxor Regem Babylonis in terra Ægypti, & accipiet multitudinem eius, & deprædabitur manubias eius, & diripiet spolia eius, & erit merces exercitui illius, & operi, quo seruauit mihi aduer-*

*sus*

*sus eam, dedi ei terram Ægypti, pro eo quod laborauerit mihi, ait Dominus Deus. Et afflixit hæc clades totam Ægyptum, sic enim eodem cap. Ezechiel ver. 10. Idcirco ecce ego ad te & ad flumina tua, daboque terram Ægypti in solitudines gladio dissipatam à turre Syenes usque ad terminos Æthiopiæ. Ægyptum ergo Nabuchodonoxor aggressus non est, nisi solutâ obsidione Tyri; hanc non soluit ante 31 Regni sui, ergo non ante trigessimum primum amplissima, & vniuersalis illa Monarchia orta erat. Immo 27 à capto Iechonia, qui erat trigessimus tertius Nabuchodonoxori, nondum Nabuchodonoxor Ægyptû inuaserat, sed ex Ezechiele erat inuasurus adhuc; quare ante 33 Nabuchodonoxori Chaldæorum arma Monarchiam illam non pepererunt. Non ergo cladis Iudæorum, qui quatuordecim annis ante disperierant, & ortus Monarchiæ Chaldæorum idem initium.*

*Adde postremo, cladem Ægypti supremam contigisse post regnum Ephreæ, quem Herodotus & Diodorus Aprien, septuaginta Vaphreæ dixeret; hoc enim signum futuræ internecionis, & seruitutis Ægyptiorum dederat Deus Ieremiæ cap 44. ver. ult. Et hoc vobis signum, ait Dominus, quod visitem ego super vos in loco isto, ut sciatis, quia verè complebuntur sermones mei contra vos in malum. Hæc dicit Dominus: ecce ego tradam Pharaonem Ephree Regem Ægypti in manu inimicorum eius, & in manu quarentium animam illius, sicut tradidi Sedeciam Regem Juda in manu Nabuchodonoxor Regis Babylonis inimici sui, & quarentis animam illius. Quod quomodo contigerit, prolixè narrat Herodotus lib. 2. Cladem, quam intulit Ægyptiis Nabuchodonoxor anno Regni sui primo, incidisse in Re-*

gnum Necaonis Ægyptiorum Regis, scribit testis oculatus Ieremias cap. 46. Post Necaonem Herodotus regnasse prodidit Psamin annis sex, & post hunc Aprien annis 25: quare etiam si Neco periisset anno primo Nabuchodonoxori, & Ægyptus capta fuisset eo ipso anno, quo Apries interiit, ante trigessimum primum Nabuchodonoxori Ægyptum non subiecissent Chaldæi. At Ierosolymam iam euerterant eius Regis anno 19, non ergo omnes gentes cum Iudæis missæ sub iugum.

23. Sed quid quærimus argumenta? non fuisse diffinitam omnibus gentibus servitutem annorum septuaginta, verbis disertis scripsit Ezechiel cap. 29. *Daboque terram Ægypti desertam in medio terrarum desertarum, & civitates eius in medio urbium subversarum, & erunt desolatæ quadraginta annis, & dispergam Ægyptios in nationes, & ventilabo eos in terras: Quia hæc dicit Dominus Deus, post finem quadraginta annorum congregabo Ægyptum de populis, in quibus dispersi fuerant, & reducam captivitatem Ægypti, &c.* Quando ergo Ieremias dixit, *Servient omnes gentes istæ Regi Babylonis septuaginta annis*, de illis loquebatur, quas ego dixi, non de aliis, quæ non nisi multò post excidium Urbis sanctæ in Chaldæorum potestatem cessere, eorum Monarchiam suis quidem struentes ruinis, sed annis septuaginta non duraturam.

24. Non sunt prætereunda hic Scaligeri errata duo, quæ apertè pugnant cum verbo expresso Dei. Libro 2. Isagogicorum asserit, expeditionem Syriacam Nabuchodonoxori incidisse in annum tertium Vaphreæ Regis Ægypti. Incidisse tamen in regnum Necaonis, disertè scribit viuens & videns Ieremias

*Servitus  
Ægypti dis-  
finita 40  
annis, non  
70.*

*Duo errata  
scaligeri  
contra scri-  
pturam.*



cap. 46. initio. *Quod factum est verbum Domini ad Ieremiam prophetam contra gentes. Ad Ægyptum aduersum exercitum Pharaonis Necao Regis Ægypti, qui erat iuxta fluium Euphratem in Carcamis, quem percussit Nabuchodonoxor Rex Babylonis in quarto anno Ioachim filij Iosæ Regis Iuda.*

Alterum erratum est, quod regnum Amasis cum Græcis continuat Regno Vaphreæ, cùmque annis 44 regnasse scribit; nulla interregni quadraginta annorum seruitutis Babylonicæ habita ratione, quod an in Christiano homine ferendum sit, viderit lector.

25. Venio ad alterum quod obiicitur Ieremiæ *secundum testimonium Ieremiæ.* cap. 29. Iudæi, quos cum Iechonia captiuos duxerat Nabuchodonoxor anno octauo, inanibus Pseudoprophetarum verbis lactati, negligentius quàm oportuisset curabant res domesticas, quotidie in patriam se dimissum iri sperantes. Ad quos scripsit Ieremias epistolam, quæ habetur citato capite, & hæc inter cætera: *Non vos seducant propheta vestri, & ne attendatis ad somnia vestra, quæ vos somnatis, quia falso illi prophetant vobis in nomine meo, & non misi eos, dicit Dominus. Quia hæc dicit Dominus: Cum cæperint impleri in Babylone septuaginta anni, visitabo vos, & suscitabo super vos verbum meum bonum, ut reducam vos ad locum istum.* Scribit hanc epistolam Ieremias anno Sedeciæ quarto, hoc est septennio integro ante excidium vrbs, expectaréque captiuos iubet, vsquequo compleantur septuaginta anni, quibus clapsis, illos liberatum iri, prædicit; & nihilominus viri docti annos septuaginta tunc non excurrisse contendunt. Ecquis, obsecro, sanus dixerit vnquam; ex-

pecta hîc quousque compleatur decennium, si decennium iam non excurreret, tempusque quo id diceret, iam labenti decennio non annumeraretur? labi cœperant septuaginta anni ab anno primo Nabuchodonoxori, tuncque sexaginta ferè ad eorum finem supererant, quos expectari iubet Propheta, ut toti septuaginta compleantur. Nec tamen sequitur, annos septuaginta inchoatos fuisse à captiuitate Iechoniæ, ut Scaliger putat; non enim dicit Deus, quum vos implere cœperitis in Babylone septuaginta annos, sed absolutè, *quum impleri cœperint in Babylone* (siue) *Babyloni septuaginta anni*, ut vertunt Septuaginta; illi nimirum, quos imperio Babylonis præstituerat Deus.

*Tertium testimonium*  
2. Paralip.

26. Tertium testimonium, quod cæteris fortius vrgeri videtur, est 2. Paralip. cap. vlt. de excidio vrbis sanctæ sub Sedecia : *Si quis enaserat gladium ductus in Babylonem, seruiuit Regi & filijs eius, donec imperaret Rex Persarum. Ut compleretur sermo Domini ex ore Ieremia, & celebraret terra Sabbatha sua. Cunctis enim diebus desolationis egit Sabbathum vsque dum complerentur septuaginta anni.* Annis Sabbathicis Hebræi neque metebant, neque vindemiabant, sed agros suos incultos abire sinebant, quare neque à prima, neque à secunda captiuitate septuaginta annorum initium sumi posse videtur, sed à clade suprema, postquam spoliata cultoribus terra, vsque ad primum Cyri sabbathizare coacta est; quod septennio Ioachimi, & nouem primis annis Sedeciæ non contigerat, quum Hebræi alta pace fruentes, lanceas in falces, & gladios in aratra vertissent. Auget difficultatem Daniel, qui cap. 9. *Ego Daniel intellexi, inquit, in libro numerum annorum,*

de quo factus est sermo ad Ieremiam prophetam, ut complerentur desolationis Ierusalē septuaginta anni. Quum enim vrbs desolata non fuerit, nisi sub Sedecia, à casu Sedeciae annos septuaginta Daniel numerasse videtur.

Nihil tamen plus ponderis habent duo hæc testimonia, quàm alia priora duo, ut ostendam, explicato quid sit desolatio, & desolare, quid agere Sabbathū.

27. Desolare, si vim verbi spectemus, & vsum, *Quid sit desolatio.* non est simpliciter destruere, euertere, & ad nihilum redigere, ut quidam existimant; sed si Grammaticos audias, abducere cultores de solo. Quo certe sensu Virgilius in XI dixit,

---Sat funera fusi

*Vidimus, ingentes & desolauimus agros,*  
Desolauimus, siue auxilia contrahentes, siue cæsi, nam etiam auxiliares copias agros desolare suos, dum illos deserunt, alibi idem Poëta cecinerat,

---Vndique cogunt

*Auxilia, & latos vastant cultoribus agros,*  
in quibus reliquerant certè senes, pueros, mulieres, & partem etiam aliquam virorum. Sic Darius Persarum Rex de exercitu suo apud Q. Curtium lib. 4. *Ventum est eò, unde pulsus ne quidem locus est, omnia tam diutino bello exhausta post tergum sunt. Non incolas suos Vrbes, non cultores habent terræ.*

28. Nec dissimilis vsus verbi *בבז* apud Hebræos, etsi enim interdum totale exterminium significat, non rarò tamen sumitur pro ingenti aliqua calamitate. Regum i. c. 5. & 6. Dominus immisso Azotius morbo in secretiora naturæ, magnam eorum partem interfecit; *Aggravata est autem, inquit textus sacer, manus Domini super Azotios בבז* ad verbum, &

*desolare fecit eos.* Regum 2.c.13. Tamar compressa ab Amnon vi, mansit <sup>negavit</sup> desolata in domo Absalon fratris sui. Isaïa 54.1. Multi filij <sup>negavit</sup> desolatae magis, quàm eius, quæ habet virum. Quod si vidua, & violata desolatæ dicuntur, quia magnam iacturam perpeßæ, si Azotum desolatum; quia indigenarum pars magna perierat; si Latinorum agri desolati, quia copiæ auxiliares inde deductæ; quis eam urbem, etiam si stet, desolatam negauerit, quæ ter oblecta sit, ter capta, & ante Sedeciam tribus priuata Regibus Prophetis, Sacerdotibus, nobilitate, milite, artificeque omni nudata, avaritiæ, libidini, sæuitiæ, impietati barbari & sacrilegi militis toties obiecta fuerit? Mala, quæ Vrbs sancta pertulit vice prima sub Ioachimo, scriptura sigillatim non prosequitur, sed ea tantum, quæ vice secunda sub Iechonia. qua ait, ablatos fuisse omnes thesauros cum Regis, tum templi, fracta vasa sacra donaria Salomonis, ductos in captiuitatem Regem, matrem, vxores, filios, Iudices, Eunuchos, Principes, Duces, milites, artifices, & demum *nihil relictum exceptis pauperibus populi terræ.* 4. Reg. 24.14.

Per nos igitur liceat aliter sentire cuilibet, nobis certe Ierosolymæ desolatio cœpit anno primo Nabuchodonoxori; consummata fuit decimo nono, durauit ad primum Cyri, ab initio ad finem annis septuaginta. Hæc de desolatione, nunc de Sabbathis.

*Quid sit terram agere Sabbathum.*

29. Necao Ægypti Rex interfecto Iosia Rege Iudæ, regnum eius inuasit, victoque, & in Ægyptum translato Ioachaz filio defuncti, cui regnum à Iudæis delatum fuerat, Ioachimum eius fratrem Regem substituit, & imposita graui pecuniæ multa toti Iudææ, in Ægyptum recessit. Anno Ioachimi

quarto Syria in potestatem Chaldæorum concedente, Iudæa ab exercitu Nabuchodonoxori noua & ingentia mala perpeſſa fuit. Ab anno Ioachimi ſeptimo, quo rebellauit Chaldeis, uſque ad XI, quo deceſſit, Syrorum, Ammonitarum, & Moabitarum aſſiduus incurſionibus vexata perpetuam ſuſtinuit vaſtita- tem. Anno inſequenti, redeunte exercitu Chal- dæorum contra Iechoniam, ſummis calamitatibus, & ærumnis fuit oppreſſa. Nouennio demum poſt cladem illam extremã accepiſit à Chaldæis. Toto hoc tempore ad aliarum miſeriarum cumulum acceſſerunt tres anni Sabbathici, quibus eam ex lege colere fas non fuit. Et agros paucis annis toties vaſtatos, toties incultos hyperbolicè perpetuum quoddam Sabbathum egiſſe, non dicemus? Hyperbolem, velimus nolimus, admittere nos cogit Ieremias, qui cap. vlt. ver. 16. aſſerit, poſt excidium Urbis relictos ibi fuiſſe agricolas, & vinitores: & cap. 40. Godoliam eos ſic alloquentẽ inducit: *Colligite vindemiam, & meſſem, & oleum, & condite in vaſis veſtris.* Hoc verò certè non eſt agere Sabbathum. Iam ergo connexione noſtra hoc etiam ex capite confirmata, huic diſſertationi colo- phonem imponamus.

30. Quartus annus Ioachin filij Ioſiæ Regis Iuda fuit primus Nabuchodonoxori, ſeu Nabopollaſſari Regis Babylonis, ergo fuit etiam centeſimus quin- quageſimus primus Iphyti, quum in hunc annum Iphyti incidat initium Regni Nabopollaſſari ex Ptolemæo. A quarto anno Ioachim filij Ioſiæ rete- xe annos 151 in Chronologia Regum Iuda, primum Iphyti reperiſ in tertio anno Ioatham Regis Iuda, atque hunc in modum rectè colligaueris Chrono-

*Connexio  
annorum ſu-  
riorum cum  
olympicis.*

logiam Olympi adum cum sacra.

Cæterum, quia, vt diximus, Nabuchodonoxori primus concurrebat cum tertio, & cum quarto Ioachimi, rectius initiū 151 Olympici collocatur in tertio quàm in quarto Ioachimi, & rectius cōsequenter Iphyti primus in secundo quàm in tertio anno Regis Ioatham, vt subiecta annorum Regum Iuda summa retro numerata, & collecta docet.

Ioachim	an.3
Iosias	31
Amion	2
Manasses	55
Ezechias	29
Achaz	16
Ioathan	16

---

152

Postremo detrahendus est de Regno Ioachim annus vnus, vt vtriusque Chronologiæ summa concurrat.

31. Scaliger in Isagogicis constituit Olympiadum primam in 38 Azariæ Regis Iuda, qui regnavit annis 52, Ægyptius in 37, illis igitur irrepsit error annorum sexdecim, & septemdecim. Qui tamen tantumdem errant, ex eclipsi Xerxis, & aliis, quæ per Olympiadas sparsæ sunt, annos suos sacros, eorūque menses & Cyclos eruunt, instituunt, metiuntur, &, quod suavius est, ex hac statione contra Ecclesiam Catholicam demonstrationes, & eas quidem, si Deo placet, potissimas nudo capite iaculantur.

F I N I S.

## A P P R O B A T I O N E S.

**L**ibrum, cuius titulus est, F. Marci Antonij Cappelli Franciscani Conuentualis de Cœna Christi suprema, deque præcipuis vitæ eius capitibus dissertatio aduersus Ægyptium authorem anni primitiui, iussu Reuerendissimi Patris Magistri Felicis de Cassia ordinis Min. Conuentualium Vicarij Generalis Apostolici, legi; ipsûmque pro ingenij diuinitus concessi modulo, ab omni labe, quâ fidem, quâ mores prosequitur, defæcatum, ad Ecclesiasticas de Ecclesiæ Capite traditiones stabiliendas temporum, & historiæ nexibus firmissimis compactum, diuinæ ac humanæ doctrinæ omnigena eruditione, & elegancia refertum, & planè dignum, qui studiosis antiquæ ac modernæ lectionis sacræ manibus teratur, iudicaui. Romæ, die 7. Februarij 1625. vel si vult author 1631.

F. MATTHÆVS VEGLENSIS  
ordinis Min. Conuentual.  
focius & Assistent.

**N**OS Frater Felix Francischinus de Cassia Art. & S. Theol. Doctor, Vniuersi ordinis Min. Conuentualium S. Francisci Vicarius Generalis Apostolicus, Cum opus de Cœna Christi suprema, deque præcipuis vitæ eius capitibus ab admodum Reuerendo Patre Magistro Marco Antonio Cappello eiusdem ordinis concinnatum, admodum Reuerendo Patri Magistro Marthæo Veglenfi, nostro ordinis socio, & Assistenti examinandum dederimus, illiusque attestazione nihil vel S. R. E. vel nostræ Seraphicæ Religionis Decretis aduersum eo in opere adesse compererimus, illud seruatim seruandis in lucem edi posse concedimus. Romæ in ædibus SS. duodecim Apostolorum die 7. Februarij 1625.

FRATER FELIX DE CASSIA  
Vicarius Generalis Apostolicus.

**M**Andante Reuerendissimo S. P. A. Magistro, legi auream hanc dissertationem R. P. M. M. Antonij Cappelli de Cœna Christi suprema, aduersus illum Ægyptium, qui nuper aquam turbidam, quam in via Ægypti biberat, fidelibus populis rependere conatus est, & cum elogio puritatis, Nihil reperi aut fidei aut rectis moribus aduersum: quin potius ita omnia constare mihi visa sunt, vt præ singulari eruditione, pietate insigni, robusta etiam agendi ratione pro vindicanda S. R. E. antiquitate & traditione, dignus omnino sit liber qui communem lucem aspiciat, maximo litterariæ Reipublicæ emolumento. Romæ xi. Kal. Martias M. DC. xxv.

F. NICOLAUS RICCARDIVS. S. T. M.  
& Regens Collegij S. Th. sup. Mineruam.

Imprimatur, si videbitur R<sup>mo</sup> P. M. S. Pal. Apostolici  
A. Episcopus Hieracen. &c.

Imprimatur. FR. VINC. MARTINELLVS  
Mag. & socius R<sup>mi</sup> Magistri S. Pal. Apost.





# I N D E X.

## A



CTVVM Apostolorum locus declaratus. [16](#)  
 Accusatus liber anni primitiui. [1](#)  
 Ægyptij argumenta pro sententia de cœna Christi. [8. 13](#)  
 Ægyptiorum annus. [111](#)  
 Ægyptiorum dierum obseruatio. [18](#)  
 Ægyptiorum menses. [112](#)  
 Ægyptij errores. [8. 13. 17. 22. 26. 27. 28. 29. 32. 35. 36. 37. 39. 41. 42. 43. 44. 45. 46. 48. 49. 52. 53. 54. 61. 63. 66. 68. 69. 70. 132. 134. 136. 140. 142. 144. 146. 168. 174](#)  
 Æquinoctialis anni quantitates. [44](#) & seqq.  
 Æræ Christi vulgaris defectus variij à doctis deprehensi. [127](#)  
 Æra Christi quando vulgari cœpta. [126](#)  
 Æra Christi quomodo connectenda cum Olympica, & Nabonassari. [107. 129](#)  
 Albategnij æquinoctium. [46](#)  
 Anni ciuiles & sacri apud Hebræos discreti. [17](#)  
 Anni dupliciter apud Hebræos putati. [155](#)  
 Anni primitiui liber. [1](#)  
 Anni quantitas non semper eadem. [44. 45](#)  
 Anni quantitas controuersa apud Astronomos. [117](#)  
 Anni sacri cum Nabonassaræis connexi. [150. & seq.](#)  
 Anni sacri cum Olympicis connexi. [173](#)

Annorum Christi tabula in æris præcipuis. [129. & seqq.](#)  
 Annus dominicæ passionis. [81. 111](#)  
 Antipatri Herodis filij cædes. [63](#)  
 Astronomorum cõtrouersia de connexionione æræ Christi cum Olympica & Nabonassari. [104](#)  
 Astronomorum dissensiones de anni quantitate. [117](#)  
 Astronomorum ratiocinationes cur fallaces. [105](#)  
 Auctor anni primitiui. vide Ægyptius.  
 Azimorum controuersia. [5](#)  
 de Azimo Latinorum sententia quas habeat difficultates. [7](#)  
 Azimorum dies qui nominati. [16](#)  
 Azimorum dies quot. [23](#)  
 Azimorum prima quæ. [25](#)

## B

**B**ABYLONICA seruitus annorum septuaginta quæ intelligenda. [160. & seqq.](#)  
 Baptismus Christi quo anno Tiberij. [81](#)  
 Berossus Chaldæus magnæ fidei. [151](#)

## C

**C**ÆSARIS æquinoctium. [46](#)  
 Callipica periodus lunaris recepta. [43](#)  
 Canicularis Ægyptiorum annus. [111](#)  
 Canonis missæ verba explicata. [21. 22](#)  
 Cedron torrens vbi. [145](#)  
 Censura libri de anno primitiui. [3](#)  
 Christus quo die conceptus. [99. & seq.](#)  
 Christus quo anno natus. [99](#)  
 Christus quot annis vixerit. [74](#)

Z ij

# I N D E X.

Christus quo anno Tiberij mortuus.	81	Dies ciuiles Hebræorum.	20
Christus quo die mortuus.	82	Dies obitus Christi.	82
Christus quot diebus sepultus.	20	Dies obitus Christi qua difficultate vrgeatur.	86
Chronologiæ vulgaris errores.	90.	Dionysianæ æræ origo & auctoritas.	123
108. 110		Dionysiana æra quæ dicitur, falso Dionysio Exiguo tribuitur.	124.
Clemētis Romani loca illustrata.	57	126	
Cœnæ Christi supræmæ hora.	29	Dionysiana æra falsa.	127
de Cœna Christi error Ægyptij.	8	Dionysij cyclus.	87
Cœna Christi supræma paschalis.	11	Dominica die Christus à Magis ado- ratus.	62
de Cœna Christi supræma dicta Euā- gelistarum.	5	Dominici diei priuilegia.	53. 100
in Cœna Christi supræma quid cer- tum.	4. quid controuersum.		
Conceptio Christi die dominico.	99		
Consilium auctoris aduersus librum de anno primitiuo.	3		
Consulatus Geminor. vide Gemini.			
Cycli annorum Augustæor. &c.	95		
Cycli S. Cyrilli.	125		
Cycli Hebræorum fallaces.	115. cur fallaces.		
Cycli Hebræorum quantus error.	119		
120. 122			
Cycli lunares incerti.	89		
Cyclus lunæ.	123		
Cyclus lunaris ex sententia Ægyptij.	30		
Cyclus Solis.	87. 88		
Cycli Solaris constantia	89. 90		

## D

<b>D</b> ANIEL declaratus.	162
Danielis hebdomadæ.	139. 143
Darius secundi templi instaurator, quis.	67
December mensis Macedonibus	10.
Defolare quid sit.	58
Defolatio Hierusalem.	171
Diebus tribus, & tribus noctibus quomodo Christus fuerit in cor- de terræ.	172
Dies ciuiles & sacri apud Hebræos discreti.	20
	17

## F.

<b>F</b> ERIA sexta dies dominicæ pas- sionis.	87
Fermentum in vltima cœna Christi quibus testimoniis Græci tuean- tur.	6
Festorum translatio à quibusdam excogitata.	7

## G

<b>G</b> EMINI Consules qua Olym- piade.	110
Geminis Coss. passio Christi	72

# I N D E X.

Geminor. Consulatus quæ æra Dionysiana. 87. 91

Geminorum Consulatus quas habeat difficultates. 74

Genesis loci illustrati. 35

Græcorum sententia de Cœna Christi explosa. 54

## H

**H**AERESVM seminarium. 2  
de Hebdomada Christi quid certum. 4

Hebdomada quot dierum. 23

Hebdomadæ Danielis. 139. & seq.

Herodes quo anno mortuus. 103

Herodis infanticidium. 62

Heruartus. vide Io. Georgius.

Hipparchi æquinoctium. 45

Horacœnæ Christi. 29

## I

**I**EREMIAS declaratus. 155. 163.  
165. 169

Infanticidium Herodis. 62

Intercalatio apud Hebræos quæ fieret. 51

Inter duas vespas, quid sit. 19

Io. Georgij Heruarti obseruatio de anno passionis dominicæ. 75

Io. Georgij Heruarti error in supputandis annis Tiberij. 81

Ioannis Euang. loci illustrati. 22. 26.  
136

Iosephi loci illustrati. 58. 137

Iosephus emendatus. 159

Iphyti anni. 148

Iuliani anni institutio, & deprauatio. 91

Iuliani anni forma non ab omnibus statim recepta. 93

Iulianus annus primus, communis an intercalaris. 92. 93

## K

**K**ALENDARIA vetera uniuersa in designando die passionis Christi. 83

## L

**L**EVITICI locus illustratus. 23  
Liber anni primitiui. 1

Lucæ loci illustrati. 22. 133

Lunæ tempus in Christi passione expensum. 104. 113

Lunaris mensis quantitates. 42

Lunaresne fuerint anni primitiui. 39. 40

## M

**M**ACEDONICI menses. 57  
Macedonici menses in vsu apud Iudæos in temporum putationibus. 58

Macrobius expensus. 63

Mane quid apud Hebræos. 18

Manipuli nouarum frugum oblatio. 56

Marci locus illustratus. 22

Martio mense metebantur segetes in Palæstina. 35

Martyrologiū Rosueydi notat diem dominicæ passionis. 83

Martyrologium Romanum cur certa designatione dominicæ passionis careat. 86

Matthæi loci illustrati. 22. 25. 62

Mensium Hebræorum nomina. 17

Menses hebræorum in Scriptura ciuiles. 23. 114

Mensium intercalarium apud Hebræos nullæ stationes fixæ. 51

Mensium Ægyptiorum nomina. 112

Mensis nullus dierum x x x i apud Hebræos. 50

Metonis cyclus Lunaris ab antiquis

# I N D E X.

improbatus. 43  
Mundum verno tempore videri creatum. 32. & seq.

## N

**N**ABONASSARÆI anni cum Iphyti connexi. 149. & seq.  
Nabonassaræi anni cum sacris connexi. 150. & seq.  
Nabonassaræi æræ primus, xxxix Olympicus. 104  
Nabuchodonoxor idem qui Nabopolassarus. 151  
Natalis Christi xxv Decembris. 57. & seqq.  
Natalis Christi quibus Coss. 99. 103  
Natalis Christi quo die fuerit. 100  
Neomeniarum computatio Hebraica. 42  
Nicæni Concilij Kalendarium. 46  
Nisan mensis initium anni sacri apud Iudæos. 17. 36  
Nouilunium non fuit in prima die creationis. 37  
Numerorum locus illustratus. 12

## O

**O**CTOBERI mense mundum non fuisse creatum. 32  
Olympicæ periodi notitia quàm utilis. 147  
Olympici anni cum sacris connexi. 173

## P

**P**ANVINII errores. 90. 109. 110  
Parasceue. 55  
Paschæ verum festum xv mensis. 25  
Pascha & azima vnus dies. 24  
Paschæ nomen quid significet. 13  
Paschæ appellatione quid intelligatur. 27

Paschatris celebratio quibus legibus præscripta. 7. 11. 14. 15  
Pascha Hebræor. quot diebus constabat. 5. 23  
Paschalia sacrificia octiduo fiebant. 56

Pascha anteuersum à Christo quidam crediderunt. 6  
Pascha vltimum Christi die Veneris. 55  
Passio Christi quibus Coss. 72  
Passionis Christi annus. 71  
Passionis Christi dies. 82  
Paterculus testis ocularus rerum Tiberij. 76  
Perfarum Regum Chronologia. 140  
Phegontis eclypsis annus incertus. 134  
Plenilunio mundū esse creatum. 40  
Portæ Hierosolymorum die noctūque parentes. 145  
Pridie festi festum non erat. 25  
Prima azimorum quæ. 25  
Ptolemæi æquinoctium. 46  
Ptolemæi error in Chronologia Romana. 105  
Ptolemaicæ tabulæ aptæ calculo temporum Christi. 47

## Q

**Q**VINTADECIMA mensis verum Paschatris festum. 25

## R

**R**EGNUM Dei quid. 28

## S

**S**ABBATI magnus dies cur dicatur ab Euangelistis. 56  
Sabbaticus annus. 170  
Sabbatum à terra agi, quid sit. 172  
Sacerdotum ministrantium vices

# I N D E X.

apud Iudæos. 66  
 Scaligeri errores in æquinoctijsconstituendis. 46. 47  
 Scaligeri error de Natiuitate Christi, & conceptione. 61. 64. 103  
 Scaligeri error de hebdomadis Danielis. 140. & seq.  
 Scaligeri magnus error in connectione annorum Olympicorum cum sacris. 148. 174  
 Scaligeri error de annis Nabuchodonoxori. 156  
 Scaligeri insignis error de obsidione Tyri. 159  
 Scaligeri errata duo de expeditione Syriaca, & de Regno Amasis. 168. & seq.  
 Sepultus Christus tribus diebus, & tribus noctibus. 20  
 Solares fuisse primos mundi menses. 41  
 Solis locus medius in dominica passionis. 113  
 Solis motus non quotannis vniformis. 44

## T

**T**EMPORA Principum quæ ratione putari solita. 81

Thoth mensis Ægyptius vagus. 111  
 Tiberij Imp. anni. 79  
 Tyberij anni quomodo putarentur. 81  
 Tiberij annus xv insignis passione Christi. 74. & baptismo. 81  
 Tiberius collega Augusti in imperio. 75. 80  
 Tostati falsa opinio aduersus traditionē de die mortis Christi. 84. 86  
 ea opinio improbata. 85  
 Tredecima mensis nunquam Paschalis. 17. 26  
 Tribus diebus, & tribus noctibus Christus sepultus. 20  
 Tychonis directiones æquinoctiorum. 47  
 Tyri obsidio quo anno Nabuchodonoxori. 153. & seqq.  
 Tyfri mensis initium anni ciuilis apud Iudæos. 17

## V

**V**ESPERA quæ apud Hebræos. 18  
 Vesperæ duæ apud Hebræos. 18. 20  
 Vesperas inter duas, quid sit. 19  
 Vesperas duas nullus dies habuit. 26.

# E R R A T A.

Pag. 7. lin. 1. à feria V. lege, à Christo feria V. pag. 32. li. 3. coniuncta lege, coniunctum.  
pag. 40. li. pen. Fuit, lege, fuis, & dele interpunctionem antecedentem. pag. 77. li. 2. & cum, lege, & cum. pag. ead li. 1. morata, lege, moratum. pag. 79. lin. 4. Cafi, lege, casi pag. 80. corrigendus paginæ numerus. pag. 92. corrigendi numeri huius paginæ, & sequentis. pag. 107. li. 24. Seneri. Alexandri abesse debent interpunctio, & spatium. pag. 109. lin. 18. Augustorum. lege, Augustaeorum pag. 117. li. 4. aisebamur? delenda est nota interrogationis. pag. 146. li. vlt. quum, lege, quem

*sunt & nonnulla leniora, & alia forsitan, quæ nostros fugerunt oculos, quæ lectior facile emendabit.*











